

包氏集 卷五
九龍宮觀倚天開千里崆峒訪道來玉洞雨深新溜乳
碧壇春晚半封苔雲中不見吹笙客潭上空餘鍊藥臺
始信嵇康非俗偶却憐王烈是僊才

訓和周君弼過訪海上之作

搖裔銀河擁使槎問津先過尚平家江干共藉王孫草
籬下初開隱士花龍帶海濤歸別浦鶴過沙渚曳明霞
物華天畔堪終老故向黃扉早裂麻

送周瀉陽都諫叅政關西

何事金扉虛衮職故勞玉節淨邊氛入關草樹懸秦日
出塞旌旗捧漢雲仙禁聚星方恨少御溝流水若爲分

西苑東主將誰是公暇無忘一校文

奉陪江貞齋宮諭遊武夷公時謫閩提舉二首

學士探玄離玉除秋風吹上太清居鶴巢珠樹千林遍
龍吐花源九曲餘洞壑尚留丹竈火名山應貯羽陵書
直從天畔窺靈異欲向君王賦子虛

碧壇露積金光草玄圃晴飄玉女雲羽節漫隨周太史
星旌真遇漢神君 帝庭聞樂叅鸞度天路尋霞入鳳
羣水白山青精舍地至今猶挹紫陽芬

臨淮遇雪贈劉漸齋侍御謫居

白簡彤庭幾抗章一麾銅墨便爲郎關門變柳猶飛雪

縣郭無花祇避霜雲接楚山聊隱吏地臨淮海舊與王
可應禁闥違長孺帝念中都是沛鄉

將入京即事

歇馬津樓望禁城鳳凰宮殿鬱雲行遊人盡醉新豐酒
野樹羣飛上苑鶯山扼九關開 帝闕地縈入水遶
京風前遙度鈞天樂疑是 君王御紫清

彭城贈顧一諫議自居庸遇赦還蘇州

歲晚逢君塞上來紫貂零落劒花開猶思玉殿批鱗日
敢望丹青托鳳迴去國幾經邊地草還鄉初發故宮梅
長洲茂苑真堪隱漢帝能忘賈誼才

同周岐麓臺長泛西湖遂宿藕花居

湖畔乍逢驄馬使沙行同入鷺鷥羣六橋水抱珠林月
兩竺峰盤寶界雲岸柳藏鶯侵坐密園花隱麝隔溪分
况同佛院移蓮榻共息塵機理貝文

武林訓楊憲使見訪湖上不遇并以留別

尋僧忽漫過天竺訪舊驚傳枉使車一水竟違瓊樹賞
千山空憶錦囊書江州轉旆春還早濮上分襟歲幾除
芳草王程今萬里何年同上武陵居

過玉山讀許子春員外壁間見懷之作兼聞其駐節
上清將取道會晤志喜

水部音微久未傳漫題佳句驛樓前懷人不爲青山隔
別夢應同皓月懸正憶雲霄開畫省却聞龍虎駐旌旃
行行漸近清溪口擬接芳尊一問玄

江州道中逢許子春員外知王湛塘侍御之任建昌
簡寄

問訊江州悵獨違春來知共省郎杯臺中未許匡衡直
佐郡翻勞賈誼才地遶名山求鳳隱庭懸深樹待烏來
瑤華倘寄登樓賦予在昆明萬里隈

桃源洞

武陵山徑碧嶙峋茅屋荷衣此避秦深洞草荒猶有水

舊溪花落不知春白雲天路人何在滄海年華世幾新
每欲卜居勞夢想竭來何事又風塵

宴黔國昆明池館

輕橈乍拂儀星石曲檻平臨浴日池樂鏡浮光將水去
鐘絃飛調逐風移露荷半吐勝龜葉林籜全抽集鳳枝
覽眺莫愁歸路晚綠川明月待佳期

晚望蒼山即事

吏散庭閒靜掩扉點蒼西望翠霏微雲裁玉葉和烟潤
瀑濺珠花映雨飛石洞經秋龍不起松枝將暝鶴初歸
泠然忽動餐霞思擬陟丹梯一振衣

舟次辰州值蔣少叅楊僉憲過訪因邀燕馬伏波祠
賦贈并以留別

早秋歸客度沅陵落日停橈一問程龍騎並過中散駕
燕筵同展伏波營舊遊芳草憐湘芷乍別滄江戀楚聲
回首赤霄衡岳在好將銅柱勒勲名

湘江懷古

長沙城郭枕三湘挂席凌波望渺茫漁父尚能論楚事
靈均猶似戀荆王怒濤終古非無意幽草經秋祗自芳
欲爲招魂空佇立黯然飛淚向斜陽

招張西谷

荒域思君恨阻脩及歸猶是隔滄洲城西結社惟容鶴
海上忘機已狎鷗白首帝墳淹倚相赤松仙骨隱留侯
紛吾得遂尋山計遲爾同爲採藥遊

夏日書懷三首次五石韻

蓬轉經年海上槎不堪時事報京華六月龍驤猶遠道
小臣那得更思家

時復聞駕出

幽樹分林競吐芳綺疏清晝靜焚香玄思恍入雲霞裏
只少山人薜荔裳

雲白山青海上城晚風樓閣眺朱明吳江閩嶠二千里
白髮那禁此際生

詠荔戲簡李五石

朱實離離亞碧枝
水晶零露味尤奇
當年曾博千金笑
只有風流李白知

壽蜀李封君侍御二首

秘訣本從周柱史
清脩尤慕蜀君平
林間酒伴時相命
洞口漁家幾度行

巖巒日長仙人草
禁苑時頒侍史桃
玉杖更憐驄作馭
綺筵尤羨繡爲袍

慰許石城選曹悼子二首

珠魄易沉清夜月
舜華先折早秋霜
空庭響像情何極

莫學西河秭自傷

帝里秋高玉樹殘
西風吹淚過新安
莊周齊物言猶在
何事先生未達觀

代簡訓張西谷見懷二首

咨余秉拙操膏軸
運方穿驅策陟大行
膠躓詎能前中道
搏彫虎力眇墮嶮艱
下懸不測谿骸骨
分糜捐昊蒼
曲成貸復假腰領
全窳身渾耶域厠
足戎胡間鼙馳與
藜藿日夜相周旋
齷質孤形影愛似
勤歲年何意萬里
飈枉贈故人篇

鬱紆將焉適鋒刃薄
煩襟凶奴思故土
攻剽日相尋時

亦乘城障騁目天山岑所媿些窳夫挽疆力不任衣被
雖三屬占募非百金月糜擔石儲空負鉛刀心年駛意
隨邁旅滯感彌深况值凜秋至塞楚日蕭森驚沙脊窮
野勁風灑空林霏雪冒層嶺玄雲結重陰物候歛如此
但奏苦寒吟

夜坐

殷憂不能寐端居夜未央秋風動地起繁林颯萎黃房
櫳懸明月階除封嚴霜寒蟬鳴網戶微火艷蘭缸隣家
撥哀調琵琶聲遠揚公主彈黃鵠明妃奏楚商得非穿
廬內憤鬱有餘傷愁人易爲感聽之沾衣裳奮袖一憑
几輾側魂飛揚五更扣哀角歸雁俱南翔欲傳尺素書
霄漢限河梁迺思圖南鵬扶搖度莽蒼一飛九萬里剋
刻還故鄉我欲從之去佇立以彷徨

對酒作

窮居閉戶久枯槁閱年祀出門皆戎胡入門惟鹿豕兀
坐專材室鏟跡簷楹稟竽竽形影間惟有酒相倚愁來
即命觴酣竟即隱几吟讌爲渾沌大化無終始庶幾慰
日夕免于鑿竅死所以古賢豪狂醒托深旨屈原何獨
醒豈若步兵子一醉輒浹旬禍至但自弭孟公近縱俠
淳于近褻媿吾本窮愁人嗜好不在此把杯聊獨酌侑

包氏集
卷五
以圖與史目送白日馳興隨翔雲駛爾時吾喪吾天地
猶一指安知流沙外雄虺與赤蟻達哉公孫朝腹溢將
何已

送靜老南還

閉門林壑叟忽作邊城遊意氣薄虹蜺坳堂視九州腰
佩陸離劍身披紫綺裘慷慨遠行邁不爲岐路愁裂繻
過函谷吹笳上隴頭八月渡黃河玉關逢早秋下馬握
予手慰勞洽衾裯首問葡萄綠開尊盈百籌酒酣顧余
笑何不豁離憂雪爾覺陽舒翟璜覆遐陬煖敵窮陰候
春生瀚海頭三冬霜霰少日夕晴嵐浮勝事咸絕倒喧

歌遍戍樓以茲忘旅寓爲歡日悠悠梅花寫羞管芳樹
吐筍篴譚玄恠急晷卜夜每淹留嘉會不可常行人懷
故鄉抗旌欲東指判袂擬青陽但嗟趙壹鳥不戀馬卿
鳳含情理星駕回首謝莽蒼客子本悽惻送歸彌自傷
墨翟泣玄素蘇李別河梁高臺一以眺川陸阻且長常
情固不任况復餞渭陽矯翰入雲際峙岳淹路傍羈思
隨蓬卷徂懷逐風翔何時䟽屬山懸解恣游揚側聞
儲闈信金鷄振未央佳期遡江瀨艤櫂候維揚茲言倘
不爽良晤在秋方

與賴別駕論佛二首

君既精佛戒何復慕仙筌二教殊宗旨嚮往當何先佛
氏無生滅豈必戀長年薩埵與忍辱身相等淨烟仙家
正此蔽執生苦拘纏以茲相較視未若佛理玄
俗宇太穢濁舉世病狂醒愛海湧波浪情塵累嵩衡役
後老病死四果竟何成若離一切相不但色與聲生滅
了如一空有均無名境觀既雙遣煩惱安從生君能勇
精進長夜慧日明吾心即淨土彼岸非遙程

宴集魯園大醉賦得公子敬愛客二首并簡栢峯

四豪本縱俠五陵亦馳騫豈若溫玉姿雍雍擅英嫿弱
冠謝綺紈清襟托幽素悅書復敦禮日夕左史晤鄭郊

闕閒館孔尊濫清酌言燕蘭臺賓厭厭期日暮

蘭臺茲秉鉞曩賦長楊殿余乃支離人叨陪廁時彥
具竇嬰筵厨辦虞棕膳亭院肅清幽絲桐多婉孌深樹
結爲帷落英散如霰興已十日過敢惜中宵酒

遇鄉人南歸走筆二十韻寄姪景雲

汝本吾宗彥昂昂千里駒少小稱穎惠潤質比瓊瑜
曠嘗共戲作鳳獨栽珠陳留風可嗣詎類太原麤別來
已數載雌伏尚羣雛中庭係騏驥何日騁長驅稟命有
通塞力學無賢愚素業貧原憲遺經富陶朱稽古語雖
鄙微榮良不誣惜陰貴凌駛玩日恐淹需曦輪奔若電

欵忽歲云徂年髡一以及撫心空鬱紆往往古賢豪早
歲勵良圖二十洛陽策十八函關繻彼豈從天降勦旃
在吾徒任居夙貴達西華竟葛襦敬通雖坎壈子豹策
天衢正賴繼胤賢郁烈抗前模汝父抱恨沒胡不慰幽
途清秋桂林訊徙倚遲邊隅

和孟衛原對月見懷

市道喜溷濁俗士厭高虛天月常皎皎舉世何邾婁伊
人乘玄度孤凌薄蟾蜍階闥淨埃壘霄漢凝清臚中有
炯然鏡靈光良與俱咨余支離客朋舊日以踈况乃傾
蓋交金石願不渝茲意久寂茂因之懷古初

歲暮詠懷五首

凜冽歲云暮逝節何駸駸幾歷玄冥雪渺邈天山陰
戈未息肩年髡日以侵登城望故鄉睽隔如商參
欲鼓之恐使淚沾襟

大雅示明哲達人識幾微辛有始浩嘆穆生楚拂衣
鑿同一轍南指真吾師伊何秉闇質遂與素心違齋上
嬰徽纒仰羨黃鵠飛榮壯旣借往衰賤方因依行年茲
五十憫默念前非

弱齡愛恬曠清襟寄蒼昊欵爾謬通藉褰裳就泥濘在
告甫三稔再出何草草太行一失路牽纏遂至老朔氣

易鞞瘞脆質漸枯槁本自冥鴻身避弋恨不早
萊側歷歷見三島欲覓一九藥駐顏常美好路遠莫致
之寄言屬青鳥

遷史進貨殖其旨頗微妙家貧莫與管仲室誰相吊憤
激爲此論後世苦評誚肇昔自一世見一世一海橋金行
召都尉寶獻輸左校陳迹傳至今一人一所賴原
憲賢蓬蒿發孤燭

世道本澆漓邊城一薄錯處昔戎胡土風類豺貉側
肩競朝市回首笑東郭禮義譬芻狗周孔任嘲謔我生
值歎竒危地翻爲托足躡孟門巔魂驚呂梁壑何日賦

言歸江干采薇藿

結客少年場爲邊人作

拳勇雄六郡豪舉擅三秦往來惟劇孟隣並有孫賓一
上倡樓醉千金擲與人居閒跨馬去所至能風塵劫質
新豐側探九灞水濱干楸不敢近名捕及姻親邊城亡
命久隱約多苦辛會逢募兵檄昨始脫荆榛焚丹擬著
效洗堊誓圖新得隨征虜去雲中搏戰頻虎發羽尋沒
猿號技若神以茲富禽馘勲名日益振授官還故里綺
服綰通綸道傍相指點噴噴有餘嗔曩蹤類伏鼠茲榮
等畫麟迺知若思者一變即良臣

夏日竹宴觀黃冠不設之戲

塞荒饒楚莽茲圃獨林篁高樓翠瑯玕脩迥拂雲翔結
陰當重幄緝條代繚牆脩然坐其下灑撼生微涼引澗
旣以疾逝羽無停觴始訝涉淇水旣欲擬山陽况逢霞
外客彌侶共徜徉言從崑崙來逝將探扶桑手操碧王
管被服紫霓裳易貌逞幻戲按曲轉清商上元惚恍至
彷彿瑤臺傍爲歡晚逾劇迨歸興未央緬懷嵇阮會詎
敢嘆殊方

雨中聞山人李翁臥病懷訊

端居抱積慘緬懷
叟相望非阻脩離索良已久
琴網輕埃孤榻懸虛牖高臥不可期佇立時
仙人滯玄應隱士守溽暑淋潦盈居窮何所有池邊交
讓枝門外先生柳終朝挹蔥蒨誰與具杯酒

雨中愁劇即事述懷數體三十韻

余本水鄉士譴逐月支營土壤接西域氣候限長城扼
虎力不任禦魑魂屢驚日接蒙茸侶俱繫曼胡纓多羅
盛酪釀服匿啜羊羹避羶常引疾畏侮但佯醒甌脫塵
稍靖蹠林火復明蒲天哀角起中夜悲笳鳴坐臥千愁
集朝昏萬慮盈飢渴思歸久鄉心注牛斗歲月損朱顏
風霜催白首玄朔化湘柑脩陵植華藕結托迥寒燠芳

榮易衰朽夢裏已雲翔覺來猶墨守迢迢小山桂苑
三徑柳凝眸欲樹萱排憤湏尊酒四人鮮相值一
能友客久管寧歸仙成梅福走慷慨慕伊人處
叟邇值霖雨多羈懷柰若何沉雲顏並慘濤雷意
四荒絕行跡中庭發洪河無從載酒至誰爲裹糧
途阮籍哭閉戶子桑歌歌竟循餘砌山頭候鮮霽
采真游行吟過水滌卜漁良已遲忌鵬終爲蔽驪
始泣鼈令延先殮變化有真宰倚伏難預計豈若
行慧日懸真際

方朔圖

繫昔李耳後始見東方生光塵究玄旨詼笑轢公卿穢
德似避世薄游非慕榮塵踪廁金馬仙籙隸紫清三偷
海上桃幻化難爲名累劫示籠變揭來降星精伊何好
直諫陛戟日觥觥旣輟董君宴復尼壽王行涉險探驪
珠豈爲哲且明所賴漢武容庶幾保吾生假令犯猛怒
工拙徒爲評

成將軍出示谿田光祿先生所惠長歌因和贈

光祿婆娑七十翁閉門鄩杜傲王公片言出口重球璐
却爲將軍灑毫素凌亂緗縑千百言擲地鏘然協韶濩
將軍二十羽林郎短後危冠從武皇本自臂猿雄北地

幾迴搏虎獵長楊英聲一旦動黃屋天街萬乘親推轂
御題龍劍賜專征十萬貔貅趨上谷輕麾夜半逐休屠
奪得金人載駃騠封骸已並燕然石數寶猶存董澤蒲
捷書忽上明光殿歡傳特賜班師宴教坊拍手唱平胡
畫工擬筆開生面無何白騎亂幽燕選將期門復受宣
寵擅漢廷誰比數主家紈袴豈論先矢心報國擬捐軀
蠅沸蚊雷已噬膚功成不免中山謗盟後旋令息壤誣
迴掌須臾成棄置携家轉徙河湟裔山中別創邵平園
亭下常逢李廣騎自分寒灰終卷篲豈期餘燼猶輝奕
一隨大將過天山雄鳴獨獻擒胡策北平還召故將軍

起官徒步承恩澤我當流寓適逢君高誼峻嶒薄寒雲
說劍談兵無日夕邀賓置驛常紛紜花時坐我華屋下
錦筵羅幙春氤氳酒酣擊筑更豪儻使我懷抱驅煩氣
丈夫七十尚如此委瑣應慙兒女羣人生倚伏真難料
君不見湟中白首成將軍

題莫都司迺翁東山八竒卷得長句

我昔過湟中探歷吊往事因懷充國叟溝塍有殘穗莫
息今無人佇立時延企迺從父老問所知爲道東山擅
八竒東山將軍素虜闢百戰驅胡定月支敦禮本來如
卻教借籌未必減袁絲故營猶擁將軍樹遺澤唯傳子

墨詞開卷令人倍惆悵明珠歷落空所思即今嗣子紹
英芬璽節新頒玉殿雲君不見湟中之業方絕羣笑予
却憶趙將軍

相逢行贈吳掾

門前車馬越中客秦望烟雲蒲巾烏翩翩文采異常流
十載黃扉供玉冊草檄初從幕府徵吐音擬獻平胡策
天山歲暮忽逢君攬衣問訊南州驛滄海鯨波正拍天
金陵魁旱無蕪石羈思鄉心不忍擗破涕爲歡共浮白
荒磧無人似者稀越吟何幸聆今夕

東山圖

東山幽勝地謝公丘壑姿物外烟霞本自足何必妖淫
竹與絲舉世齷齪皆此說曾無濠上悟心期達士襟懷
曩宇宙天倪曼衍隨所之根塵相對一不染誰爲臭腐
誰神竒王公厚善且誚責悠悠千載誰能知君不見氏
胡百萬渡淝水晉室存亡寔在茲從容宴語捷書至不
異東山携妓時試問當年矯飾者幾人談笑却秦師

題西湖圖

塞上羈栖歲月久武林佳麗時回首夢裏行遊幾度過
覺來忽恍曾何有天涯張宴偶披圖欵然几席生西湖
得非巨靈逞鼉負之夜半趨邊隅青陽艷日蕩樓船

士女喧闐奏管絃博塞藏鈞恣歡譁遺簪墮珥競妖妍
湖臨城郭本豪奢域內山川總未誇烟含梵宇三千界
水抱青樓十萬家巖巒合沓縈珠岸花柳芬霏漾碧沙
更憐清夜思飛越六橋湧沸晴波月爾時萬籟歛空山
獨倚孤亭待鶴還天闕石鏡仙靈宅一屬氛埃厭偪窄
何不置之莽眇鄉列真呼侶共相羊媿余數載河湟客
乍覽湖光亂營魄祗疑佛力罨空虛不解繪人工色澤
沉酣相對竟忘言恍移身世武陵源

夏日園中吟

河西風氣屬金商一年強半零雨霜止有盛夏稍溫燠

恰如南國萌春陽主人闢園可數畝千章檀杏彌岸
蒙密陰森夙擅竒數年客舍成吾有逶迤一逕日行遊
時倚胡床傾濁酒樹上鶯來擬住聲山頭鹿過堪爲友
拾花笑比館娃棠攀條悞作橫塘柳悲默爲歡祗自知
那憐雙鬢已成絲潦倒天涯
醉來但覺扶搖上却訝天池
離騷江畔反爲嗤不如且向園中賞造物虧盈有定期
處世行贈友人

前年別我江鄉去邊庭五月雪初曙今年復自楚中來
秋風灑撼單于臺河西路遠羗胡族行人過此心膽縮

惟君孤劍獨行遊，秣馬往來何迅速。三十明經不得意，
挾策風塵遍旅肆。黃鶴樓前挂曉帆，芙蓉掌上遊雲氣。
裴橐曾無宛孔資，振施頗重朱家義。搗來再度天上雲，
烟霞冉冉凌蒼昊。一尊遙惠建康清，把盞令人辭愁抱。
更憐擁腫與世疎，渾沌無眉內有餘。庚桑歲日自宜久，
張閣胸懷總自如。一切能消煩惱火，處世如吾寧有禍。
我方力學苦未能，問君何從得此果。倘事支公有僂言，
願拔泥途乘法舸。

九日宴西寧城樓一首

將軍能愛客，况復值佳期。舞帳隨櫺轉，歌筵傍檻移。射

麋供野饌，彈雀助闌卮。醉已過山簡，愁應慰楚儀。

麗譙通絕塞，酣宴送斜暉。射覆燈垂幌，藏釣月近扉。胡
笳彈蔡女，羌笛奏明妃。已極從軍樂，寧辭分夜歸。

日者余生自成將軍所過，予遲約經旬，口占贈之。

策馬來何晚，垂簾市久踈。豈從李廣獵，遂秘蜀嚴書。泛
梗方迷路，懷椒擬卜居。天高不可問，賴爾測盈虛。

贈陸叅戎席上彈琴二首

英武本天性，烟霞亦素心。松間開小酌，席上寫鳴琴。愴
惻思歸引，淒涼出塞吟。坐令承睫淚，聽罷一沾襟。

愛爾朱絃賞，端居幾度過。塞寒飛雪早，簷靜落梅多。無

鶴流清夜離鴻拂絳河不禁羈楚意聊此托微醅

五日同雙溪小坐

歲時傷旅抱幽獨命吳歛采佩分叢藥浮觴折短蒲俗
穿長命縷人尚避兵符物候同湘澧偏慙楚大夫

與諸君子花下小酌次趙衛博韻

宿雨開新霽芳華潤欲流因懷嘯竹侶偶集看花儔命
酒能懸解局門代遠遊廣文摛藻興秉燭故淹留

胡將軍携宴宛上寺納涼

愛客携芳宴諸天幾度過禪心斷絲竹幽興托烟蘿日
爲揮戈久涼因擁樹多留歡殊未已譚劍坐明河

送劉將軍解官歸

正倚長城險翻摧上將壇建牙營月滿卷旆朔風殘書
自中山至盟憐息壤寒壯年雄劍在計日斬樓蘭

秋夜

淒清旅館夕徒倚對明河庭樹銷潘省寒蟲避翟羅雁
歸砧響急烽至角聲多不寐殷憂者長更柰若何

贈陳文崗

幽獨鳴騶至留歡命酒頻旅荒惟庾韭鄉遠少江蓴因
訊中朝事誰憐絕塞人籌邊倘有疏早晚靖胡塵

和李山人溪上無題作二首次來韻

城隅纔麗日陌上恍逢仙窺宋情初結從韓態轉妍荷
妖疑曉露柳弱綰輕烟粧罷翻疑鏡盈盈照水前
不信傾城笑邊人今始知圖堪遺骨頓色本奪燕支蔡
琰降胡日王嬙出塞時華容能並否吾欲賦陳思

寄郭似菴

泰階方命闡荒漠遽從征帝造回瀕厄君恩賜再生
愛遺燕甸石人倚雁門城未老孤忠在汾陽注聖明

寄題都護大通別業

卜居違俗宇結構托祇園逕側才通鳥山深祗嘯猿本
能金作穴翻喜竹爲垣老去耽禪寂調心挹化源

訓武林石山人見懷

瓊樹風期阻瑤華訊札頻力農應得歲貪隱自忘貧水
月西湖夜烟花上竺春相將有誰侶定憶塞垣人

夏日雨後過陳園

選勝遵郊郭衝泥試杖藜溪承新瀑水山渡欲晴霓看
竹人先至穿花鳥自迷笑予來幾度才識小亭西

聞吉將軍招周白厓至喜而有作

深居防醉尉懸榻致幽人門掩張羅日車逢入幕賓對
花沾舊雨藉草縮初因竇灌當年誼嶙峋薄漢旻

出郭即事

經年才出郭春事滿平沙畫閣初巢燕幽亭晚作花徑
懸苔嶺仄溪遶竹林斜旅思方無賴那堪閱歲華

與客野坐二首

步屨因逢客班荆偶列筵錦茵花滿地翠幙樹彌天瀑
瀉漁陽搯鶯調陌上絃因忘巢燕日聊慰問漁年
郊園開野酌恍坐北山阿喜似緣逃藿開顏漫擬荷宛
藤消酒易嵇樹合歡多坐候山頭月關城夜不訶

得亭臯涇陽書懷寄三首

近得涇陽信聞從蜀道還惠應流錦水名已埒巴山意
適花俱笑機忘鳥共閒到鄉行計日朋舊迂歡顏

日知君已倦遊遂初今有賦招隱若爲崖

人躋訪道樓向來塵冉冉茲去即滄洲

征人滯月支晦明勞遠憶風雨遶佳期

在波臣水尚遺無因報瓊玖惟有策筇枝

容居漫興四首

留滯久身世若憑虛

山鳥集閒愛嶺雲舒已適

四序寒偏久青陽夏始知山

箭灘聲駛燕支石磴危酒醉

塞外烽烟息旅中生事跡駐

爲聞猿罷觀因控鸞餘但能誰獨酌何敢賦閒居
隣院聞清磬胡僧吐梵音吹螺能止電沉石解與霖
列祇園遍雲叢鷲嶺陰法門甘露近嘗著祿頌禱

同趙衛博李山人過曹園納涼三首

不慕封侯貴因開離垢園學襟通野徑邱石到山
擾銜尊鹿山多獻菓猿幽棲已霞外真可謂
館非金谷麗亭似翬家幽溪瀑能迴磴山雲
開佛土艷竹倚嶰陰稠本自西王域靈仙此
廣文張雅席山叟挾鳴琴避暑同河朔羈遊異尚
收罌粟院風蒲碧梧林蕭爽塵如洗清冷火乍沉

送亭臯憲副自湟中還朝十五韻

十年勞粉署萬里制邊城坐掃單于壘頻移屬國營
龍沙無野戰湟水但春耕曉月歸兮白寒霜入劍清
政方成挾纊人已擁離旌窳逐誰言念慙獨有情古
來解鮑叔此日見虞卿不改青松色猶存白水盟
相逢一把臂相送乍沾纓王粲淹荆楚班超返漢京
風烟開祖道霄漢待嚴程柳拂星軺綠花侵錦旆
明隔河逢候雁入塞迂遷鶯正抱羈愁極那堪別
緒并銜恩徒感激何日慰平生

詠徐鳳崗所惠美人圖十四韻

能憐征戍苦，拂素惠名姝。色並王嬌麗，人應漢代殊。無
端過絕塞，豈亦嫁單于。行雨衣猶潤，凌波鞵尚濡。佩懸
于闐玉，鑲綴大秦珠。團扇秋風早，單衾夜雪俱。臉桃寒
未落，眉柳凍還敷。本效當熊節，寧貪射雉娛。恃容翻見
枉，掩鼻詎憐誣。長信恩何在，高唐夢有無。轉蓬隨雁度，
明月伴人孤。旅思驚羌管，歸心托漢繻。含顰雲亦慘，灑
淚樹爲枯。倘購千金賦，應還九折途。

喜梓兒至口占十韻

少小膏梁子，那能遠地過。六盤驅隴坂，九曲渡黃河。見
訝音容異，別憐年紀多。青珠原自別，胤鼓炯難磨。對酒
天山幕，承歡滄海波。才應愧終賈，孝已埒荀何。下馬疑
猶夢，趨庭喜欲歌。荒遐供糲菽，珍美勝豐駝。正擬栽萱
草，何期峙玉柯。艱危今有托，欸忽起沉疴。

贈王亭臯憲使

憲使臨戎擁豸冠，坐揮龍節斬烏桓。秋深奏凱花俱發，
歲晚還營柳未殘。挾纊乍消青海凍，懸旌猶帶白雲寒。
籌邊辛苦顏如昨，祗抱孤忠映日丹。

春夜得趙浚谷見懷之作，兼有惠洛陽羽觴者，因憶
往事，獨酌成醉。

鹿藻遙傳太史詩，飛騰重把洛陽卮。豈期勝事并今夕，

一解羈愁憶往時荒楚但憐身尚在朔風何惜髻多絲
瑤華白羽青春伴細酌孤吟醉莫辭

卜居李園即事

流寓經年滯塞垣春來選勝辟疆園林間命酒頻呼鳥
石畔張琴祗共猿僻徑不嫌芳草積端居唯見落花繁
天涯寂寞憐予分何事登樓亦斷魂

九日與客小坐偶對鸚鵡兼聞笙

湟中留滯兩重陽一上烽臺思渺茫落葉共爲江海客
野花聊薦歲時芳當筵解語調鸚鵡隣院吹笙寫鳳凰
子晉禰衡精爽在豈憐愁緒勸飛觴

聞僧房歌吹並作戲贈成將軍

隣並禪宮梵漏遲月明箏響妙彈絲燈前注玉文君酒
花下停雲盧女詞爭土本來離相地慧因那有住聲時
摩登幻術君迷否恐待文殊呪始知

病起

一自恩疎鼎鑊刑謫來數載眼猶青本知道逆旅終難戀
何意狂醒忽更醒夢向帝庭聞異樂寤從南斗乞餘齡
清秋病骨憐無恙漫整方書餌木苓

上元雪霽魯公子石峰邀宴城樓

羈思經春益不禁強因佳節故登臨城頭遍設當時驛

席上惟彈愛客吟燈火百枝花並發月華千嶺雪猶深
憐余數載天涯客一醉危譙敞暮襟

送崔將軍北伐

征胡欲下九天兵詔起將軍赴北平昨夜灞陵猶止騎
豈期沙漠遽揚旌春雲又上行師利朔吹先傳奏凱聲
聖主恩深何以報但擒頭曼獻承明

初夏李將軍壽宴禪宮

百戰當年定月支罷歸精進學慈悲筵開梵宇來天樂
酒挹恒河作壽卮布施功多經一卷莊嚴相好髮千絲
空庭遍植菩提樹長擁清和首夏時

題魯氏書樓

誰知沙塞功臣後翻學蓬山道藏仙六葉寶書過李氏
二王珎墨富唐年遺文久散咸陽火舊壁猶存曲阜篇
幾度登樓窺易象笑余遷客異韓宣

招李邑博彈琴

樂府久無中散調山人偏解廣陵徽老耽泉石爲生計
時引松風入講幃出塞啼鳥違夜月隔林飛雉共朝暉
憑君一寫思歸引絕勝高唐奏楚妃

謝與槐宮直兩度惠訊并示粵臺稿寄謝

河外從軍六載餘胡沙宿莽類逃虛慙慙獨有江東舊

記憶頻傳塞上書在處山川供藻麗惠來詞賦過瓊瑛
開緘一灑燈前淚正是祁連夜雪初

懷劉豫軒

仗節臨戎未及年指麾孤劍淨烽烟殊方幽獨誰相問
逆旅過逢數見憐長嘯氣凌明月夜單醪春滿東雲前
籌邊歲晚應多暇羌笛梅花遍酒泉

寄謝與槐

留滯周南歲幾違近從河汴奉音徽春風視部花迎傳
政暇脩文樹擁扉螭陛起居方擬注蓬山經籍向無歸
中天已報青宮信僚舊還應待紫微

壬子元夕馬將軍招宴城樓

層霄樓閣枕河滄風露登臨益渺茫萬里正懸龍島月
諸天同照佛圖光幾回塞上逢今夕但倚城頭望故鄉
愁劇不嫌通夜飲將軍新釀石榴觴

得金同蓮書知借毅老北上且惠示雅什有子卿牧
羊之况漫占訓寄

恠爾清狂江海客胡然徒步謁君王獻書闕下同方
朔推轂朝端有鄭莊問訊忽傳京國雁品題慙擬使君
羊佳期萬里頻延領何日歡逢竹裏觴

春日漫興

峯臺休暇幸疎慵竟日端居習苦空靜裏晤言唯典籍
興餘陶寫在絲桐灌花分水春朝課誦呬焚香午夜功
閑適數年皆帝造此身何敢惜飄蓬

和栢峯登樓卽事次來韻

指揮初駐湟中節宴喜聊登塞上樓一望花林渾似浣
縱非萱草亦忘憂長纓欲繫單于頸大纛曾懸贊普頭
將出文昌猶若此班超何事獨封侯

別文崗有懷并寄碧桃之作

清光猶自憶當年並馬長安數舉鞭何意負戈關塞日
載逢簪筆掖垣仙烟霞行宦全離俗藻麗爲文夙夢椽

但恨碧桃空有句臨岐不惠益州箋

得宗鄙憂貧之作有感

吾家素業本清貧况屬監門落魄人高士廢餐嘗擬鮒
隱君無屋但懸鶉寒年不攪袁安卧儉歲寧消范史塵
一得音書空悵望但將消息問蒼旻

秋日病起書懷

金天蕭瑟海西頭衾枕盈旬擁戍樓檢藥解消羈旅病
問醫誰療望鄉愁夢回中印雲初曉老憶南陽菊正秋
欲向玄虛探秘訣君恩何日許丹丘

始有聞

記憶頻傳塞上書在處山川供藻麗惠來詞賦過瓊瑋
開緘一灑燈前淚正是祁連夜雪初

懷劉豫軒

仗節臨戎未及年指麾孤劍淨烽烟殊方幽獨誰相問
逆旅過逢數見憐長孺氣凌明月夜單醪春滿東雲前
籌邊歲晚應多暇羌笛梅花遍酒泉

寄謝與槐

留滯周南歲幾違近從河汴奉音徽春風視部花迎傳
政暇脩文樹擁扉螭陛起居方擬注蓬山經籍向無歸
中天已報青宮信僚舊還應待紫微

壬子元夕馬將軍招宴城樓

層霄樓閣枕河湟風露登臨益渺茫萬里正懸龍島月
諸天同照佛圖光幾回塞上逢今夕但倚城頭望故鄉
愁劇不嫌通夜飲將軍新釀石榴觴

得金同蓮書知借穀老北上且惠示雅什有子卿牧
羊之况漫占訓寄

恠爾清狂江海客胡然徒步謁君王獻書闕下同方
朔推轂朝端有鄭莊問訊忽傳京國雁品題慙擬使君
羊佳期萬里頻延領何日歡逢竹裏觴

春日漫興

色有仙集 卷之四 三十一
烽臺休暇幸疎慵竟日端居習苦空靜裏晤言唯典籍
興餘陶寫在絲桐灌花分水春朝課誦呬焚香午夜功
閑適數年皆帝造此身何敢惜飄蓬

和栢峯登樓卽事次來韻

指揮初駐湟中節宴喜聊登塞上樓一望花林渾似浣
縱非萱草亦忘憂長纓欲繫單于頸大纛曾懸贊普頭
將出文昌猶若此班超何事獨封侯

別文崗有懷并索碧桃之作

清光猶自憶當年並馬長安數舉鞭何意負戈關塞日
載逢簪筆掖垣仙烟霞行宦全離俗藻麗爲文夙夢椽

但恨碧桃空有句臨岐不惠益州箋

得宗鄙憂貧之作有感

吾家素業本清貧况屬監門落魄人高士廢餐嘗擬鮒
隱君無屋但懸鶉寒年不攪袁安卧儉歲寧消范史塵
一得音書空悵望但將消息問蒼旻

秋日病起書懷

金天蕭瑟海西頭衾枕盈旬擁戍樓檢藥解消羈旅病
問醫誰療望鄉愁夢回中印雲初曉老憶南陽菊正秋
欲向玄虛探秘訣君恩何日許丹丘

始有聞

聞道軍中隕大星
溘然玄夜鬢猶青
酬功竟擬祁連塚
逐虜誰驅老上庭
薤露滿營秋寂寂
松陰扃戶水泠泠
武安呼服君曾否
竇灌還能報杳冥

上南川公二首公自慶陽戍所復巡撫延綏

數載謫居心已寂
滿朝推轂望逾崇
興師六月歸元老
免胄三秦識令公
賓客獨慙羅雀署
偏裨重與畫麟
朔方幾度投醪後
能使玄冬氣轉融

塞表歡傳節鎮雄
紫泥飛詔下秦中
籌邊歲久

履求舊恩深復賜弓
大樹旌麾懸故壘
甘棠庭

芳叢鎬京燕喜歸
應速中外人情夢
卜同

訓沈鳳峰大叅

未老遺榮世所難
孤標塵海障驚湍
得辭鍾鼓翻爲樂
一屬烟霞勝有官
謝病相如能著賦
伴狂梅福早投冠
年來杖屨知無恙
幾共山僧倚藥欄

訓曲村焦山人見寄

言采瑤華爛綺霞
秋風吹雁到龍沙
招魂已並湘中曲
灑淚如聞塞上笳
歲入山田多種秫
老來春社獨看花
憐君笈笥烟霄外
不負焦光卓行家

贈羽客

傳詩昔事浮丘伯
學道旋從樂鉅公
自棄鄉園探物外

每驗鸞鶴過雲中真經化洽西王界仙籙名藏大帝宮
我欲東歸凌羽翮願君嘘拂惠長風

病起偶成

冰雪關河歲歛周障亭荒寂擁衾裯歲禽五夜還營魄
中聖連朝慰客愁病久雕胡堪作饌路迷竹葉幸爲舟
訢寒鸚鵡辭籠去問爾何能動冕旒

謝陸寶峰寄陶詩

故人能致寒垣思雙帙珍函靖節詩清廟羽商追楚調
玄珠林壑過湘纍抗情物外雲爲侶適意囊中酒獨知
開卷離憂從遣釋潯陽高逸是吾師

答呂龍山

甘泉山色日青葱諫議閒居枕故宮又謝機緣同漢曲
獨裁書素問湟中春雲並出花間騎朔雪孤征塞上鴻
吾已支離甘棄逐封章還遲掖垣東

訓吳鞏昌見示玄言

漢有張衡今見君清修公暇究玄文機龍盪地神難測
穎雀來時正絕羣山遶郡庭藏苑秘路通關塞散靈氛
瑤華忽奉東來訊不羨崆峒領異聞

衛原過訪寓園因帳飲

塞垣初夏值佳期亭障陰森午更宜遶樹禽聲聞布穀

當筵草色見燕脂荒蕪愧比高陽館嘯咏同浮阮籍卮
數載羈栖愁欲絕得從風雅慰支離

再和衛原帳飲寓園之作次來韻初雖奉和不能次
韻者謂第四韻甚險而三江釣舟之句又絕倒所以
閣筆昨獨酌醉後迺復步循似於其難者頗工豈偶
有見聞而發其性情者耶憲采如凝霜遽失繫簷之
馬詞濤如秋水不辨隔河之牛王生變色莊子爭雄
無非紀事率爾成篇

茂林相對意俱幽欲慰羈懷客自留茵席祗憑芳草合
障帷還倚塞雲稠霜飛炎正八龍爭馬水溢河梁不辨牛

愛爾高才經世界把盃何事問江舟

傷碧眼禪師

碧眼癯容儼若仙熙連河畔遽飄然獨携隻屨歸荒域
誰向袈裟得正傳七佛應身原示滅數年羈旅共安禪
榻來寂寞孤燈在塔廟靈光未夜懸

暑夜獨酌有感

巖譴西來幾及瓜欲歸無計尚天涯鄉心對月驚聞角
旅髻含霜忍見花路若梗迷禪作岸身如蓬轉醉爲家
賈生空有投湘賦曾學齊諧幻歲華

訓寄浚谷中丞三首

色
老
聖主平胡歌大風滿朝推轂薦文雄登高本擅詞人賦
絕漠翻成上將功弓抱雁門寒對月劍凌龍朔曉看虹
忠誠早已聞 當宁何事西歸作漫翁
三秦豪彥鬱英芬中秘韜鈴識舊文赴難獨驅貔虎士
用兵曾狎鶴 羣燕郊烽火城先倚晉甸旌旄闕特分
自昔經綸並此 一從張令未經聞
慷慨專征討五 誓清沙塞掃穹廬行營地逼文昌座
飛檄人傳太古 書已喜勲庸登碣石可令封禪限居胥
絲衣暫許克歸 覲玄髻那容賦遂初

寄友人

往同 詔獄經三日一放遐荒即數年夜醮忽傳宮掖
火歲寒才憶諫臣篇鴻冥天外翔歸路豹隱山中結勝
緣汗漫逍遙堪並美可無嫠恤但書玄

答薛方山

河外乘城歲幾除故人能寄朔方書關榆擁日通官舍
塞草含烟藉使車定遠貴從投筆後當陽功自註經餘
知君夙負平胡畧振旅高秋慰索居

寺中即事

萬里河湟秋事深十年星鬢日蕭森逢人亦解成歡宴
感目那堪動遠心松影離離烽火晝鴈聲渺渺塞雲陰

行遊總是銷魂地莫道禪關不泫襟

得桑子木九江所寄書并手撰廬山誌一部讀之終
篇知其玄覽頓悟蓋得山川之助云且書詞相慰亦
飄然有霞外之思視予寒上羈愁不啻如夏蟲并蛙
也慨然豔慕率賦二首

有客西來惠綺書發緘恍已陟匡廬山川盡屬虞初史
松菊仍開隱士居一謝蘭臺忘蘊業向棲禪界識空虛
紫芝翠竹堪終老笑指東林往劫餘

潯陽高臥幾經年福慧兼收總勝緣天與名山供館穀
人從謫所學方僊聞經日悟三車法煮藥時耕五德田
物外乾坤良自適豈知邊塞苦烽烟

宿大營堡

野宿荒涼祗自悲錐懸亭障益孤危不知身世烽烟裏
猶憶鄉關夢覺時浙浙風樞寒轉極蕭蕭霜宇夜何其
莽蒼鷄犬無從到倚枕鐘聲出塞遲

冬月西訪瞿曇途中喜霽

十年孤坐已銷聲此日巾車始問程祗爲慧因探法界
欲將真偈謁圓澄香花散後雲物霽黍律吹時煖乍生
爭土本從心地覓何須馳逐向西行

衛原憲使以涪陵紀夢之作見示夢有凌雲之思焉

賦贈

玄思飄飄迥不羣曾從西蜀夢神君
隔窓玉樹千尋長倚枕仙韶五夜聞
水溢上池供服餌黍懸中極抱氣氲
已知冲舉非難事猶仗經綸爭塞氛

劉漸齋自御史謫郡邑既久茲聞遷秦藩左史寄簡
左宦聞君王國來入關霜氣淨氛埃傳經不讓江都相
揆藻何慙鄴下才能首出雲疑楚峽鳳樓調玉勝叢臺
遙知飛蓋西園夜幾度懷人輟酒杯

讀霞海篇

孔融詞藻擅東京攬轡登高賦赤城
喻海總如秋水辯爭霞誰並蜀山盟
望中羽服非虛遠夢裏靈葩本夙成
從此天台增氣色當年應已愧金聲

和與槐學憲灞橋之作次來韻

千古銷魂此灞橋道傍楊柳入烟霄
行人祇戀飛鳧曲流水那聞弄玉簫
隔岸林花懸祖帳遶溪山翠拂征輶
出關南去吾鄉在悵望河湟萬里遙

寄吳貞石兼別往訊

數年乘障滯河漘三見南宮薦士章
雲罕獨遺鸞鳳羽故人猶着芟荷裳
竹林過雨誰同賞桂樹凌寒定晚芳
頻捧音書惟涕淚玉關東路茫茫

聞朴老謫居山丹日課諸賦此呈訊
講席深局闡聖真窮荒絃誦遍城闈涓埃儻效皆臣職
蘊業能空即慧因老去丹心山色似愁來白髮鏡華新
漁陽近報防秋急北望寧無注意頻

旅滯

旅滯荒遐久自憐每逢秋信倍凄然胡歌羌管人間世
白草黃雲塞上天避難未能隨鶴化爲歡猶有夢魚緣
思歸沉烟憑誰語祇乞仙臺幸早旋

豫軒謂正月離漢江時已草芳不意四月抵河西又
值塞花初發隨地百春可爲喜慰予聞其言而嘉之

口占一絕

別時漢口草新綠到日河津花始開兩地山川殊物候
總教春伴使車來

贈俠少年

早隨飛將戰龍沙日晚收營過狹斜下馬直趨盧女肆
滿樓喧笑擁琵琶

芳園曲四首

水榭風亭結構奇幽偏還勝習家池數枝婉約西川柳
搖漾闌干百尺絲

池牽荇藻分星海石壘芙蓉學華山引徑鹿麋隨意住

恍同夢也白雲歸

洞口藏雲苔更滑林端過雨竹尤斑留賓不用頻投轄
密葉深叢作夜關

射堂閒敞競擣捕滿座歡呼願作盧誰是勝朋誰是負
笑看明月散驪駒

聞鴈二首

二月河梁聞鴈來欲探鄉訊強登臺來時定向江干過
舊隱曾開幾樹梅

靈禽知候及春歸豈謂邊城雪尚飛南州佳麗能容汝
何事凌寒少見幾

罷兵行

邊人猛健緣粗糲一入京華骨便移靡麗已銷猿臂力
三千驍卒化爲脂

包侍御集

盛明百家詩 王侍御集

吾錫王石沙名瑛字汝玉以嘉靖壬辰進士歷官太常博士侍御史終于黎平知府昔寓京師玉河橋與予接舍嘗有互相贈答之什今皆逸去乃從令嗣懷石君索之止得紀行雜言二冊念其平日從事詩學又相與知且久也畧而刻之以存故實隆慶庚午冬日是堂山人俞憲識

雄縣道中登舟

野水遙連古鄭城秋風小艇放初晴涼雲候騎鷗邊急落日行旌柳外明

任丘道中寓目

萬山秋色媚行鞵高樹雲生欲暮天候吏不知江客意
鷓鴣驚起水西田

上南天門

危峯迥揭乾坤勝一覽平收齊魯青已約風塵烟際立
不妨笙鼓谷中聽松岳萬曲秋堪摘霞洞千尋冷不扃
讀罷磨厓仍日觀却疑身世到蒼冥

滕縣道中寄謝可泉巡撫

久煩牽思遲東遊却恨塵踪釀別愁客裏每矜晴潦至
夢中直訝夜光投嶽雲實負千年句菊野虛裁萬里秋

問訊高輝能惠否清風吹冷仲宣樓

汶上道中將會王學憲岱麓漫懷一首

曾躡芙蓉攬岱峯東來林麓鬱秋容霜天落落分襟外
人在寒城樹幾重

東光道中夜泛

暝樹高寒雲不生長河解纜覺舟輕津鳧隊隊如相識
飛上霜堤伴客行

宿薊城

旅跡三春劇漁陽此日留開襟山照入騁目野烟收塞
埃塵應寂津塗柳正柔東來情未極直欲上邊籌

過沙嶺

迴嶺依雲起征袍挾雨過村村花稍發樹樹鳥還歌野
澗平沙合烟寒去旆多驅車寧倦色山郡報民瘼

未平公署讀龔吳二使君詩有懷

壁上群篇題客歲城南孤節駐深春風流絕騁鶴行侶
詞賦全祛鴨綠塵草樹幾山芳未歇旌旄萬里望猶新
清時誰抱關河想向夕憑高思轉頻

藁城道上寄別謝子二首

城村柳枝綠迎途新暑生整飾迫午晷天末織雲清延
佇恒陽道銀驄照人明評文動星緯哦篇積瑣瓊伊邈

愆昔期對晤徒懸情敢述君子光良愁歸思盈

兼日理塵案茲晨攬行裾遶村遡迴翼沿流覲新蕖忽
忽朱明景孤征漫愁予敢希觀風後寔睠論文餘染矚
恒山雲搖想滹沱魚願言亟旋盼玉橋奉鳴琚

定興道中憶周子

昨日白溝上君子遠迂玉一傾三載心再剪雙枝燭梧
涼襲庭虛風尊携醕綠洵言久旅懷天長嗟別促逡巡
遡易水晴波蕩迴矚踟躕念芳睠繁枝耀高旭感茲一
弭節離雲藹山曲川塗忽中夏良晤將焉續

唐山道中

樹裏浮颺灑客衣驅人俗眼礙秋霏亦知江漢鷗綸迥
却喜村疇黍豆肥水缺蕪川稀候吏葉藏山縣下晴暉
溪雲莫漫驚行使野瘼廷謀思不微

謁文王演易所

萬年姜水隔秋潯一廟仍標演易林蒙難倘非純聖德
抱經誰見伏羲心鶴岑雲護孤僧住榆徑天留片石陰
獨立乾坤瞻敬止西風落日欲沾襟

謁鳳山公生祠二首

沙霧當年收亂畧乾坤此地著公祠寒城誦德流風近
秋路驅塵駐馬遲草際碑含河洛潤天中目送鳳凰儀

崇楣未展遺思劇攬轡高雲愧獨知

黑山東下水如潮曉傍祠門縮玉鑣野老尚能陳往事
秋襟何啻挹竒標河丘勲跡晴空麗洛社耆英故國遙
秀野堂中神注裏欲憑江鴈寓芳謠

渡黃河

鼓柁儀城道西風客望懸波平天影近沙坼地形偏鴈
下夷山樹旌搖汴渚烟何當攀少室一遡禹功前

贈八十六翁張公一首過衛城作

仙翁山前靈霧飛仙翁山下金草肥已看上壽映台耀
况乃急流拋俗機拾藥春凌太行石哦篇曉曳蘇門暉

逸巡衛津杖履外秋光萬里憐征衣

秋夜赴飲張水部分司

凌秋不倦侵星約繫纜惟憐隔歲悰海內朋知還此劇
眼前尊酒更誰濃天臨分水平涵月客住晴村暗度鐘
子夜欲歌情滿坐碧筒香剪露荷重

次太安讀蒙泉見懷之作和韻二首

十年夢遶武夷君此日秋憑嶺外雲却恨趨程驄馬客
祇留新句慰同羣

攬轡秋雲志欲宣况逢同誼夜題篇霜風一道鳴高葉
鴈月千山淨遠天

會審有感

寒日三山秋氣深乾坤潛見好生心雲流鶴院晴分影
半落榕庭午帶陰撲案陳言時歲隔倚空長劍鬼神臨
相看山巖情堪竭讀罷臯謨一灑襟

小泉司空見示吾錫羣公錢言率爾賦懷

獨擁寒堂雙翠深間幃千緒裊東林開門竹樹三山色
入手風烟二雉音旅俗直依晴藻落台光故帶晚城臨
最看容歲迎舟樂疏傳天涯一散襟

獨坐賦事

海日冬殘寒不生登臺轉覺旅袍輕山靈野瘼皆侵思

簷鵲江鴻漫起情隔院霜晴應竹色近城烟午忽鐘聲
南來地煖梅芳徧何遜詩懷媿未清

誕日偶成

攬曙東軒寒旭滿披烟南嶼客心懸綠滋不改經冬樹
煖氣偏宜近海天書香薊門鴻鴈雪旅荒苔徑鶴鳧田
園杯忽忽還初度恩到生成轉自憐

春日言懷

物序途塵忽漫催入春衣袂一登臺鄉心直傍遙天轉
清氣滄從大地回野澗不凋千畝竹城芳先發萬枝梅
對酒却憶鷓鴣伴樓雪隄烟躍馬來

除夜書事二首

山城鼓報寒遲小擁爐熏檢客思臆盡春生還此夕
酒狂詩瘦定何期簾香暗裊梅風入雲氣晴連竹鶴移
忽忽行蹤傷老大夜深燈火祝堯卮

瞬息乾坤集歲功坐看風色又旋東百年川路非驚眼
一夜桃梅欲暎空山市暮喧竹江城寒靜數飛鴻
懸知三殿輝煌裏瑞靄千重正大同

贈六華胡侍御北上

韶雲千里薊門春送子三山刻剗新桃雨玉隄懷遠道
隼風清漢起長津行杯故遠塵中月簪筆遙看海上塵

九陌詞豪如有問拾芝虛擬武夷人

登聳翠樓寓汀城作

披情已倦行春騎拂曙仍臨聳翠樓伏水圍山紛入態
異鄉同客迥生愁空簷鳥下孤雲午突石臺含萬樹秋
俯仰碧霄吾道闊欲憑問俗寄滄洲

登巖亭次石上韻

塗蒙四月想山耕稍拂高涼睇野晴一自洞霞能染性
亦嫌塵綬太妨情三松俯嶂如擎出數石干雲儼削成
攬物不勝懷舊意背巖還上玉洞平

澄心亭書事

柳風亭隱入池鳴山雨來乾坤新到客舞榭
靜農謳近雲涼鶴伴迴塵心方倦役依藻思堪裁

道出建陽書坊有作

依山宥飾披雲至抱磻苔蹊帶雨過問寺暫留松榻
觀文欲訂野人訛樓開烟竹僧茶熟巖落風泉鳥語和
騁目不勝行思劇鱗鱗晚送擊鼓歌

題榕江林子園景六首

桃浪放舟

雨後錦花春萬樹風前蘭棹月三汀笑將景跡供詩草
不道人間有梗萍

烟海訪漁

年來野興識吾真漫憶烟濤有隱淪
一棹試從龍窟下老漁笑指白綸巾

雲起觀山

江上羣峯已自竒况堪雲氣噴巖池
空青千尺憑崖跌石間哦出岫詩

潮平濯足

潮滿晴江風不生乘春小試踏莎行
亦知不似紅塵足故喜滄浪合我情

野橋獨步

狎風羣翼沙邊鷺夾岸新楊雨後天
詩在野橋忻獨往溪山留興欲忘旋

秋水垂綸

羊裘漢鼎屬誰收六物疑涵萬頃秋
短棹不移烟水濶知君寧爲釣璜謀

王侍御集終

成均書院同 論德州集

名仕字甫登予辛卯同舉于鄉選江
昌尹稍擢山東德州守歸隱于市夙嗜詩
碧山吟社今刻百餘篇平生梓有家食編考
多載集中隆慶元年秋年友是堂俞憲識

赴廣昌有述

祇役趣脩程親交遠予將靡監切所懷奉卮多慨
昔久被褐中園事韜藏山鹿曠不羈峽雲落無方
達生悟舊旨時肄逍遙章擬薪後灌畦日課詎有
常力苦心自閑弛肩憇叢岡清飈互逝響侑我傾
壺觴天張謝拘

東顧然無何鄉簡書此忝竊意緒紛徬徨官箴求貫責
民瘼思懷康直性畏觸機踈檢宜周防細味種樹書再
賡伐檀章出處兩無尤條然理歸臞丘樊未云遠松菊
寧久荒臨軫申素悰聊用慰嚴裝

桐江四言

舟下桐江耳目一洗惟時霜落水見涯淡碧波悠悠下
映石子石子粲然大小鱗次兩岸絕壁錯繡閣綺紅葩
點綴白鳥容與時聞樵歌聲出雲裏水碓自舂茶烟遙
起鷄犬無譁居人閒止古武陵源變幻在此

十想詩十首

仕假以艾齡忝茲卑牧簿書坐困疲恭
奚堪深抱素餐之羞時興輟食之嘆此

地古平西臺也江山信美可以游目騁懷令
殊以充腸適口徒陳芻豢孰若草蔬
之
輒思家鄉之風味朶頤雖切未免
屬
時真成畫餅遂詮辭於十想庸紀與於一時
云耳

春城燈事動河豚首登俎身遠聞聞城夢繞西施乳
蛤蜊稱海錯金胎莫羨若士膏此期家
江鱗色如銀大者乃善凡
子美食櫻桃題詩嘆轉蓬空憐燕尾絳
枇杷夏中熟金彈憐多摘此邦僅有之
五月熟楊梅勻圓如火齊說似西江人口
白鮫即黃魚魚味過於鮫見鮫不見魚空作

鱖魚信多骨鮮味此獨出子固不能詩又
銀魚笠澤生小白無乃是季鷹思草鱸此
左手持酒盃右手無蠓蚤誰云宦游樂秋

古臺環秀

此下十首俱廣昌景

古人急功名慷慨恒自許觀文猶夫人仰止同
臺空曠慨遺歌渺何處我有昇平詞登此懷 聖主

盱水涵清

盱水清可鑑吾心亦如此臨流歌濯纓瑩泚無表裏
以燭民隱瘡痍稍瘳矣世故劇飄風狂瀾勿輕起

龍岡煙雨

岡形如蟠龍煙雨青更好元氣混物初勝槩冠江表一
杯酹山靈默聽非私禱代代生異人永作 邦家寶

鴈塔風霜

鴈塔歷風霜亭亭聳文筆燈火燃夜深光燄燭天末一
邑靈神秀百年出豪傑我嘗高處登縹緲瞻 魏闕

東嶽晨鐘

鐘鳴東嶽宮爲報東方曉喚起利名人九衢紛擾擾吾
方擁黃紬夢入池塘草豈是耽晏安年來民訟少

西華夕照

尋山到西華十里青縹緲陰晴態度新夕陽看更好上

有仙人橋雲徑通員嶠爲
生方獻 君祝天保
烏石春雲

時雨山出雲及物功化速烏石有歲占共看層寸觸勸
農縣官事停車此山曲載歌有滄詩資此生百穀

黃潭秋月

水月湛空明上下秋一色扁舟載酒來風露浮枕席朗
咏秋水篇再賡明月什此夜泛黃潭何如游赤壁

金嶂翠屏

金嶂列翠屏雲霞殊變恣我來嬾作吏早晚此相對拄
頰爽氣前簾杖茶莊外曾慙多見尋有事子姑退

蠻宮丹桂

丹桂發天香蟾宮分種出此邦富儒英高處爭攀折我
來酌地靈今秋培更密多結黃金蕊遍贈青雲質

甲寅元日上府賀正兼申有述

水雲將影漾晴暉金嶂銀溪表處開靜處天機真自得
鏡中年矢任相催 紫宸授曆領新朔綠綬行春問早
梅暫輟文書事吟咏陽和應藉筆端廻

黃氏園亭霽眺

山縣新晴日溪亭縱目初簿書憐泪沒景物一舒徐淥
酒閒心得紅英春事餘平西古臺在仰止獨躊躇

清明滴水巖游陟和石岡翁韻

已欣天展碧無復雨垂絲
縣宰省耕日田家禁火時
巖空歌應響心澹景隨詩
即此一蕭散悠然物外期

乙卯新正謁郡歸途有述

新年草色已青青
省俗郊原緩轡行
雪霽寒江添碧色
風傳田鼓入春聲
老翁閒學兒童戲
僻壤猶存太古情
豈爲紅芳耽逸賞
且從黃犢問深阱

穀旦書晴

元日連陰到人日
喜看穀旦始開晴
專城方抱素餐耻
報政無如歲事成
物且已知民訟簡
賦完更覺吏憂輕

一罇聊爲三農慶
不是尋花問柳情

元宵開霽縣民迎燈兼懷家鄉時事

春風簫鼓遍山城
人意同欣此夜晴
雲斂金波方穆穆
光搖絳蠟正盈盈
偶陪新歲衣冠會
坐挹豐年笑語聲
鄉國遙知時事改
千門岑寂罷燒燈

宿朱射陂園館二首

喬木陰陰日轉遲
市聲不到鳥聲齊
遠人誤認山中宿
誰信名園枕縣隄

山城擊柝夜遲遲
寒透重闌酒醒時
烟月滿庭疑立久
爲占春信到南枝

射陂園居

華闕開名里芳園接勝游
花凝天市露池挹璧珠
流玉局分巖響金羈隔水留
他年追綠野此日即丹丘
伏虎巖候張南豐

爲候登龍伴言尋伏虎巖
佛牀依石設齋鉢引泉添
勝景三靈闕禪機半偈參
脩然振衣望烟靄渺江南

仰高亭

在南豐

軍峰冠江表影落此亭中
拄頰朝爽入鈎簾夕翠通
二儀鍾秀處千古具瞻容
我爲名邦祝嵩高嗣古風

昌平道中

棧車經月駕夜半即移衾
擁膝尋殘夢聞雞感故心
險夷塗屢換霜雪鬢先侵
獨有朝宗念悠悠切寸忱

碧山社會次是堂兄韻二首

雲泥踪迹動經年重捧芝函意惻然
宿德久懸丹陛望閒心欲伴碧山禪
嗣音真羨空桑奏爲國時搜下澤賢
問俗盡熊來早暮水沉一炷石樓煙

微官晚歲只虛名舊學清時足雋聲
偶向月中聯桂籍欲從天漢拂塵纓
菲葑下采知同味桑梓難忘自有情
白首郎瞻黑頭相可能冷落斷金盟

公退漫成

官衙無伴類僧居公退焚香讀道書心境超然何芥蒂
民生安處一蘧廬未能奏最趨 文陛忽漫論年愧朽
樗江浦芙蓉芳意晚懷人渺渺托雙魚

病齒自勸

茶烟冷落簿書稀吏散空庭與睡宜肉食無功吾自愧
齒剛先弊世誰知含飴幸有孫同戲食粥那無帖可遺
老態相將何足嘆三緘銘在仰宣尼

丙辰生日

三年捧檄此逃虛初度驚心逼歲除蓬矢未酬當日志
瓜期方上考功書逍遙夙慕莊生鷗冷落人歌范釜

賴是妻孥相慰藉寒燈風雨醉懷舒

送郡憲曾菴王公回途值雪口占二首

久苦淹淹雨俄成片片花報春先有信入望浩無涯點
綴枯株巧迴旋朔吹斜直將山縣景暫作灞橋誇

微官迎送倦野景水雲間羸馬衝星出貂裘帶雪還飛
鴻時印迹田父未開關一上平西望瓊瑤遠近山

縣齋咏雪一首

銀竹蕪旬少霽時瓊葩此日集書惟一元灝氣還天地
萬里寒光混險夷白戰難酬歐氏體素濤見晒党家姬
官居徒抱山陰興夜艇無從訪故知

春霽泛舟銀溪偶賦

江頭風雨夜來多此日孤篷霽色和青鳥應時來布令
鳴鳩拂羽自成歌池塘春草懸清夢有弟卧病鄉園袂襖間情
托素波已覺沈郎寬帶眼嬾隨江令賦宮羅

生日留客小酌次是堂年兄韻

歸耕浹歲未逢年經笥便便愧姓邊初度驚心還獨咏
蓬門擁雪且高眠久拋赤芾真無累習養黃芽別有田
孫子扶携探梅去村醪貫得一陶然

春雪次是堂兄韻

索居耽宴起寂寞厨無烟窮陰淡春事慳故

人閒瓊瑤叩戶寄詩篇云此二月雪江南見無前入夜
積更多寓目皓已鮮柳絮爭舞態梨花浣清顏嘉兆占
有秋疲農荷生全且欣糟床注寧慮枵腹眠天晴看花
去聊用忘華顛

春雪次竹沙韻

吾生歷憂患已悟萬緣空惟餘登陟意步屨隨東風春
陰勒花放不見蝶與蜂且復圍爐坐徐引新篘釀東山
整屐懶西湖理棹慵開晴定有日共賞枝頭紅

閒居四咏

休官澹無營長日飽供睡有時睡還覺棋枰客相對壺

觴隨意設取適不求醉心閒體自舒感此歌 聖代榮
名念已灰窮約吾何愧來日即永年倏然物之外

草廬尋丈地乃在闕闡中雖云闕闡中靜與郊野同閒
門晝常掩市喧無由通拳石間踈花伴此勃率翁焚香
展書卷此樂真融融詎敢稱大隱聊以息疲躬

少來拙生事老至常憂飢山田十餘畝力耕非所辭連
值歲云侵收入亦已微甬勉輸 國稅遲恤餽粥資里

胥不到門安眠自怡怡秋成有佳兆預擬含哺嬉

四時佳風日登覽性所便携筇復理棹放浪山水邊啼
鳥樂芳蔭游魚戀深淵况我脫羈縲飛潛共陶然百年

會歸盡假息須臾間榮叟帶索歌此道信猶賢

秋晚山行小酌吟社二首

地接巖泉勝交於布素宜自携桑落酒來趁菊花期澹
泊浮生話縱橫入夜棋更憐吟社近重欵壁間題

歸休無復事日與野情宜爲愛秋原淨言尋山館期散
行塵外屢踈響竹間棋一遣沉冥理詩成懶重題

和晴海韻

各自適吾真胸中滿貯春暢懷須是醉寄傲却宜貧客
話常侵夜高眠不覺晨世途多偏側魚鳥自相親

和晴海雨中懷友

世故慮已平家緣念復輕惟餘此靈府猶自抱長庚天
淨月初出山空雲未生多君諧至道詩到旋須賡

登高次是堂年兄韻

此月此日天氣涼一觴一咏吾之常已拋宦海風波險
自戀家山笋簌香秋入川原千里淨醉來身世兩俱忘
人生行樂真無限歲歲重陽菊並芳

乙丑九日登山偶成

九日九人真偶合此時此景豈常逢天連野水碧相映
山淨朝暉翠且重舊摘黃花吾更健新醅綠蟻飲教空
登臨送目多佳思總入從容笑語中

考槃寤歌八首

咏嚴遵

君平隱卜肆道勝術固微百錢供日給此外莫我知閉
戶養遐心下簾闥聃辭矯矯揚子雲從游禮甚卑瑣瑣
李益州乃欲屈吏爲羅冲富而憂我獨貧而怡真人貴
澹泊允矣百世師

咏向長

子平謝累辟雅志在隱居乏食或有饋取足反其餘讀
易深自悟世界等蘆廬謂貧富不及謂賤貴不如勅言
婚嫁畢家事毋關余同好有禽生肆意相與娛五嶽游

躅徧高風映簡書

咏王霸

儒仲有清節始亦赴徵命造廷抗高辭不肯臣萬乘歸
來事躬耕蓬翟掩門逕翩翩故人子相過容服盛一念
兒曹羞客去卧不應賴有賢婦言不失初守正嘉遯遂
終身清輝兩相映

咏梁鴻

伯鸞古賢人乃在杵臼間夫婦共守志逃名入深山舉
案每齊眉睢鳩兩鬪關淒涼五噫歌東出辭帝闈齊魯
復荆吳長往遂不還爲傭豈無勞顧已少外患終終

士旁高風邈難攀

咏龐公

南陽有龍鳳乘時各飛翻鴻鵠獨深棲不肯投籠樊夫
耕妻饁餉兒子勤耘芟刺史勸出仕豈不念子孫遺安
有名訓終竟免憂煩采藥駕鹿車挈家辭鹿門遺踪邈
難嗣高風至今存

咏張翰

人生行樂耳湏富貴何時季鷹見幾早不受纓組羈洛
下秋風起聿興故鄉思駕言返江東念此風物奇蓴菜
流匙美鱸魚登俎肥一飽已自足五鼎非所知全身復

張復州集 卷全
遠害心與冥鴻期

咏陶潛

淵明曠世士襟度何悠哉少日去爲吏雅志終不回督
郵苦相尋翻然賦歸來三徑雖就荒松菊猶未衰逸興
寓篇章閒情付酒杯有時或乞食餽粟乃見麾無懷葛
天民千古名同垂

咏陸龜蒙

澤國多隱淪天隨更孤峭甫里三畝居山水足幽討下
田歲不登杞菊充黍稻亦復具扁舟風雨五湖釣舟中
孰爲伴筆牀與茶竈揮翰木蘭堂太守驚絕倒拜賜散

人銜永寄羲皇傲

嘉靖庚申歲朝立春一首

百年幸遇歲朝春綵勝椒花共鬪新順叙星辰同一軌
貞明日月會雙輪東郊迎氣莫抽莢 北闕頌正斗建
寅有象太平真疊見屠蘇筵上簇茵陳

九日次社中韻

登臨送目感蕭晨却愛丹楓幻好春人世幾逢重九節
歸田且樂自由身年豐漸覺吳歌動才弱難酬杜律新
漉酒床頭須底物未應輕落孟嘉巾

德州集終

盛明百家詩 黎瑤石集

瑤石黎君名民表字惟敬廣東從化人由鄉貢進士
任中書舍人擢南京兵部車駕司員外郎性嗜詩篇
屢有刻本今止刻其所嘗見者餘所未見者未及刻
也隆慶己巳長夏錫山是堂俞憲識

香山寺

却月橫香閣祠星隱紺臺殿隨山勢轉池向水源開雙
闕浮雲斂千林返照來鶴岑清絕處心賞信悠哉
出塞曲送陳公聘使邊

騁望白狼聞追兵大漠閒黃河通月窟青海入天山剖

竹行秦壘封泥守漢關
豫知麟閣上日待策勲還

夜集蘇子川鴻臚宅命家僮作妓舞戲贈

曲房翻袖短長帶綴衣偏流
盼光生電迴身急應絃雪
飛從掌上月墮在琴邊
蕭颯清霜夜求鳳意悄然

舟泊金川望唐允治不至

嶺雲關樹思依依江上初逢
秋月暉岐路無情還獨往
青山有約更同歸烟生古戍
逢人少水落寒塘見鴈稀
楚客此時頻悵望不知何處
寄音徽

燕京秋懷二首

廣寒宮殿

帝城西錦石瑤沙玉作溪
白鶴每依華表

下紫鸞多藉碧梧棲流雲宛轉通仙掖
墜葉飄飄滿
堤一自玉輿巡歷後月中環珮冷淒淒

秋風嫋嫋吹邊塞轉餉千艘入濁河
白草漭連青海闊
黃塵秋暗黑山多運籌賴有蕭何
畫息虜無煩魏絳和
聞道居庸虛將守犬羊今已悔干戈

送丁戊山人還閩中

木蘭江上動深秋千里誰憐汗漫遊
家共白雲天外遠
身同明月海邊留秦人望逐桃花水
楚客悲生杜若洲
來本無機歸亦得不知何處是菟裘

元夜曲

蕭史乘鸞下帝臺參差仙蓋拂雲來分明禁苑春先到
萬朶芙蓉月下開

遊僊四首

我思忽不愜藐然隘中區凌山度瑤碣肅駕自雲衢遨
遊清都闕神焱吹我軀上帝垂藻旒羣后驟龍趨羨門
進仙藥王喬授玉書餐和鍊真魄精神遊六虛自程無
爲寶年壽安足虞

濯足紫沂海晞髮朝陽阿雲車載玉女皓齒揚清歌參
差麗霄漢玉麟隱相和駕言憇玄圃貽我瓊樹華光儀
忍以逝茲意成蹉跎岩峯閬風岑汎汎濛汜波仙才諒

非偶浩歎將如何

山林非可托所思在神州寓目八紘外經過曲池幽神
光颺然至青鳥從我遊靈妃捧玉觴清詠自相酬懽娛
未終夕曜靈不可留山川夔緜邈白雲良悠悠安得不
死藥千年復來求

淮南好方術矯志栖雲間金鉞汲素纒寶鼎合神丹神
丹資服食白日生飛翰永隨八公去翱翔戲天端志大
術良踈功成慮亦殫連蜷叢桂樹翩翩留空山徒聞脫
屣去安見乘鸞還

同隴蜀諸子燕集

朔風驅塵暗青草蟬聲夕蒲關山道豪貴相逢不揖鞭
却走城南事幽討城南淨域敞青蓮悠悠鐘磬出人天
綠水宛通秦苑樹繁花常帶漢陵烟寓日遊情無不有
却典貂襜爲沽酒素袂初飄陌上桑銀鞍却繫門前柳
座中豪士本三秦西蜀才人并足珍手攬雲霞揮日月
律調霜雪變陽春不分勛名歸汗馬常思稱納上麒麟
邇來索米長安市伏櫪悲鳴絕知己擊筑誰知高漸離
鼓琴未遇鍾期子就裏論交應最深莫比悠悠行路心
孟公痛飲猶投轄季子窮途尚剖金邀歡未久復傷離
汎梗飄蓬無定所滄江白石擬歸興隴樹秦雲入暮心

予亦翻飛向越城幾回秋月向人明他年漢主隆詞賦
應念雄文似長卿

留都六首

鍾阜鬱岩堯河山望不遙神宮侵日月輦路上烟霄弓
與龍髯墜笙隨鶴馭飄金鳧知不滅絳節下朝朝
六衛神猷煥三亥睿覽存鑄金成九鼎翦葉建諸藩玉
曆調元氣瓊枝蔭本根叨逢中興日不改舊乾坤
成龍占王氣遊鳳記高臺山色荆衡盡江源巴蜀來廟
謨資一德天險仗羣材壯觀今如此中流詎足哀
銅爵標霞外金莖擢漢間祥基開白水御苑跨黃山殿

古踈鐘徹花深委佩閒蒼蒼後湖月應載鳳旂還
紫署招延地時髦盡逸羣鎬京陪湛露韶舞續卿雲秀
挹江河潤光生草木文菁莪今日化慷慨憶殊勲
幽薊稱巖甸重襟亦在斯尚紆南顧策數費北門師霜
瘁青苗盡秋深赤羽馳誰能如賈誼流涕向明時

送泰泉先生赴南都掌院

舊迹紆皇覽稽謀藉老成位因推雋起國以用儒榮鳳
閣綸爲草龍門史作程所希調鼎禹延首詠昇平

踰嶺

蕭颯風塵鬢栖皇幾入關溪迴還有徑林盡轉多山無

論鳴騶入欣隨望氣還不知緣底事容易損紅顏

秋鴈得頻字

風煙驚柳塞霜氣入蕭晨度險追飛急凌空顧影頻沒
雲還結陣乘霧正迷津乍起搖邊思長鳴逐旅人稻梁
翻累性繒繳正防身不及雕梁燕銜泥遠見親

答黃汝弘山中見寄

宦遊心不愜早歲即還家一逕初栽菊諸生已賜麻賦
能輕季雅經獨重侯芭詎意躋金馬行將遁玉華監河
能貸粟中散解食霞昔枉丘中贈思余海上槎滄波分
水曲明月共天涯待訪曹溪日幽巖覓桂花

阻風李陽河驛

滿目川原百戰餘，旅情芳草共蕭疎。
蒼山古堠逢秋騎，野水殘燈見夜漁。
地近瀟湘多暮雨，鴈來湓浦少鄉書。
故人憶我停雲外，惆悵烟波少定居。

和公實燕臺感秋

桑乾千折抱燕臺，豈謂胡兒飲馬來。
兵氣旋銷烏鳥樂，陣雲初散鼓鼙哀。
四方猛士多蟬冕，三黜儒生尚草萊。
臥病衡門秋又晚，幾時東閣待重開。

別吳而待二首

相逢各已壯，努力愛前期。
不用投孤劍，衝恩自有時。

戀闕心仍在，還家路不迷。
淒涼弔古意，疲馬入青齊。

宮詞五首

漢主離宮太液傍，舞臺妝榭映垂楊。
林穿翡翠渾無色，花拂瓊蕤并是香。

寶月團團開素波，宮嬪前隊引笙歌。
白雲鄉遠應難覓，爭似琳池樂更多。

金屋無人奉屬車，君王初誦上清書。
日長不用教歌舞，自繞琪壇學步虛。

未央前殿敞秋風，芝火煌煌徹夜紅。
知是驂鸞朝大乙，旌幢斜出五雲中。

立殘銀漏未更衣聞道龍池駐翠駢
衛士夜深傳畫燭
御街塵起六臣歸

答陸尚寶子傳京師見懷

徵書幾度入承明
斲寄衣冠少俗情
燈火遙祠參法從
金貂清秩進宸卿
邠原因病嘗常免
平子歸田賦已成
何事漢家封禪日
却從東魯問諸生

李鳴卿諸子招遊迷樓故址

高閣風煙邗水濱
千秋寂寞綺羅塵
彩毫贈入蕪城賦
衰柳猶窺帝室春
陌上放鷹非故苑
尊前冠鶡盡幽人
廣陵去後空遺散
驚見瓊枝發興新

王使君元美招遊峴山兼汎碧浪湖得汀字

丹梯千仞俯重溟
驅傳來遊劇聚星
山著暮雲還並紫
天連高浪故搖青
瀟湘歸客憐芳草
吳下才人復此亭
蒲路風花相伴送
鷓鴣鴻鵠起長汀

謁楊忠愍祠

青史芳名已絕塵
飛霜天亦愴孤臣
獲麟竟隕千秋涕
斷髮爭論萬死身
易水蕭條餘俠氣
江潭哀怨起騷人
廣路經過地垂柳
千行露葉新

山中留宿承幼于家

坐清夜攤書共草堂
踈燈秋思苦微雨
客衾涼鷄

黍成良晤風波忘異鄉
羈愁稍披豁觸目見林鄉
謁董子祠

英風憐馬上聞氣觀人又立
冕加繁露青衿卽慶雲詩
書維漢鼎柱石奠淮濱東閣多奇士
寥寥竟不聞

七夕行次大店

荒郊窮楚塞羸馬倦長途
十日連風雨雙星信有無
濕螢栖霞野雀睨山厨
一貫旗亭酒良宵不可孤

書大庾館舍

越鳥朝啼苦竹林故園予亦有歸心
解鞍旋酌山筍酒
滿地青松自作陰

抵胥江值王師東下

北來風雨滿長途濁酒他鄉思轉孤
銅柱烽烟連日夜樓船戈甲下江湖
朝廷石畫誰今得諸將金貂莫浪圖
白首看山重引興故園三徑任荒蕪

王曲江招遊芙蓉山作

磴道青松百尺懸琴尊已在楚雲邊
飛鳧倏化仙郎鳥鼓瑟空傳帝子篇
三峽魚龍喧永夜九成臺殿臥空烟
亦知猿鶴窺人得不共桃花住歲年

韶石舟中夢吳明卿

楚粵山川此地分南遷詞客不相聞
楓林落日空懸夢

斗酒狂歌擬對君百口移家經漲海幾行歸淚濕寒雲
武陵一曲堪惆悵莫更殷勤老漢軍

梁園歌

我從淮南來十日苦風雨訪古登平臺滄茫見齊魯平
臺昔日孝王園儀衛還同萬乘尊周廬延閣通珍館脩
竹清池帶國門四方賓客皆麇至枚叔鄒陽取稱美明
月西堂作賦成嚴霜曲榭稱詩起榮枯翻覆那可常左
右謀臣忽中傷日暮杵聲停故苑秋風木葉下睢陽驕
奢豈辨當時事惟有憐才解人意門館荒涼誰曳裾川
原瞻望聊停騎吁嗟世事徒悠悠白日經天河漢流朱
輶自古多傾覆黃金抵用似山丘

送子鳴還浙中

蒯綖何事滯長安握裏驪珠只自看詞客暫留青瑣直
故人偏戀綈袍寒歸心日繞龍丘樹塵路誰彈魏門冠
莫道長楊須獻賦江湖猶抱釣魚竿

承羅浮外史見過山房二首

東陵今日學爲園芹曝何心獻至尊漫有聲名傳谷口
空勞車馬駐夷門清冰銷夏沉朱李涼月邀人倒綠尊
自道羅浮堪吏隱肯將名姓擬軒轅

誰擬南陽有卧廬蓬蒿三徑閉門居祇緣好事能携酒

應爲窮愁獨著書
闌暑氣催鳴鳥變
新涼風過落花餘
雲山正值追歡日
入洛才名信不虛

元夕集友人齋司

伯子芳筵啓歌鍾
燕賞遲天垂五夜色
人醉百年卮出
戶雪逾積驅車星
欲隨梁閣舊賓客
何以寫吾私

黎埏石集終

盛明百家詩 駱翰編集

浙之武康有駱公文盛聞其名久矣未見其人也隆慶庚午冬姚山人以詩集七卷寄予蓋天然自得之音宜爲鈐刻公字質甫號兩溪中嘉靖乙未進士選翰林吉士爲編修官時年已四十矣一時同館之士多重其文無何乞病還溪閨期滿不復赴有移書勸之起者終謝不起溪居惟詩酒自娛而已其用意深遠蓋有託而逃者友人蔡白石稱公詩冲澹爾雅摛詞整秀出唐孟貞曜之上覽者當能辨之是歲十二月旣望錫山俞憲汝成甫識



憐寒蠅賦

吁嗟乎寒蠅爾胡爲乎有生繫氣序之流易歛涼颯之
襲楹念爾類之尚繁顧非時而營營豈弱質之能久諒
寒威之莫勝爾乃僵矣其形悽矣其聲既踰于飛復蹶
于行方縮縮以惟頽遂奄奄而伶俜黜汚莫施其技攻
鑽曷見其能或沿几而莫起或觸櫺而輒仆障不施以
曷入塵未揮而先墮進退踉跄將焉攸措吁嗟乎寒蠅
睠言爾寒能無爾憐感念疇昔忽復長嘆方夫太昊司
辰祝融揮鞭赤日在地炎威赫然爾於斯時氣適志便
蹠足洋洋鼓翼翩翩翕兮翕兮征虺矣羣喧逐汚湛穢醉

醜飽羶弗召以合祛之莫殫恣意一時貽患百端吁嗟
乎寒蠅詎知物從化遷時不可常惟暑爾乘寒宜爾藏
庶知止而不殆或自道於喪亡爾乃淹留濡滯自掇其
殃獨不見夫蝠游以夜梟鳴於晦妖狐乘昏尸虫伺窹
蓋有所肆尚有所避也豈趨就之憐憐能自迓於顛蹶
哉吁嗟乎寒蠅始予爾憐亦終爾患念死灰之復燃將
殞枝之再蔓矧羸豕之躑躅惟易繇之明鑒爰命童子
攘臂執紼爾撲爾摧用殄厥類靡令予遺羗除惡之務
盡弗自嫌於乘危庶幾乎庭宇虛靜幃幄舉開俟南風
之景延當時物之歲隳絕擾攘於爾輩欣四體之悠哉

戰城南

胡風衝塵蔽天黑曉戰城南暮城北城南披靡城北辟
易將軍素號萬人敵一朝遇虜心膽慄何況疲兵與羸
卒君不見黃金鑄印空纍纍城邊白骨翻成堆

將進酒

將進酒勸君一飲須數斗醉鄉風味君知否此中不異
無何有我欲從君覓杜康杜康之族森兩傍梨花白對
鶯兒黃金盤玉露何濃濃鬱金香噴琉璃光朱繡三十
酒一石牀頭金盡何足惜但令我醉無虛日世間理亂
耳不入何況升沉與得失古來賢達誰最名唐家李白

差可稱舒州之杓力士鑑直欲與之同死生君不見規
行矩步徒佺佺低眉摧顏復可憎腐儒棲棲抱一經白
落魄嗟無成不如飲酒稱意氣凌轢一代誇豪英風
至今猶在目千載何人踵芳躅勸君莫作兒女類我
亦撫掌隨君歡勲名鐘鼎且勿言富貴過眼如雲煙閬
風玄圃路渺漫流鶯語燕非所憐青山綠水滿目前山
鳥山花依我簷我歌激烈君舞翩躚狂呼傲睨兩不嫌
劇飲只如鯨吸川幾迴白眼問青天此時此日真何年

臨高臺

臨高臺臺高幾尺下有洪流深不測昔人臨之車什馬

路人壽幾何須自惜且莫凌風射黃鵠我欲言之心怵
惕吁嗟乎我欲言之心怵惕

梧桐行

鬱鬱梧桐樹枝幹直以繁托根幸得所南岡勢嶄巖雨
露日益滋穠陰滿前山詎期凜秋至西風忽摧殘材美
誰復收棄之道路間不若槭與棘翻蒙匠氏看睹此三
歎息歸來涕洟瀾

黃頭郎

黃頭郎爾胡弗思時至太子顧時去野人嗤郎知鑄銅
黃頭郎爾胡弗思時至太子顧時去野人嗤郎知鑄銅

黃頭郎爾胡弗思時至太子顧時去野人嗤郎知鑄銅

班婕妤

秋風時颯颯秋草復離離自是容華歇非關君寵移

驅車復驅車

驅車復驅車驅車向何方車輪未應遠無柰車塵揚

有所思行四首

昔張平子有四愁余小子乃有四思
嗟乎惟思故愁惟思故思其情一也
昔夫辭有姪姪固所不計云

我所思兮天之東泰山巖巖高入空羣峯環列尤巖從
道路阻絕何由通海中別有蓬萊宮雲氣日夕常濛濛
跂予望之杳無蹤歸來閉門心忡忡君不見兮涕沾胸
我所思兮天之西青城峩眉天與齊流沙滾滾沙塵飛

草木陰鬱氣慘悽白日不睹明星稀虎豹亂吼狐狸啼
歧予望之路轉迷歸來閉門心頗摧君不見兮涕沾衣
我所思兮天之南南荒風日常炎炎黃茅瘴癘不可干
長蛇巨虺紛糾纏徃徠出入戈矛攢殺人不異草與菅
歧予望之道路艱歸來閉門心悲酸君不見兮涕汎瀾
我所思兮天之北黃沙白草渺無極層冰峩峩數千尺
陰雲慘淡日無色胡兒中夜吹箴策射虎聞之亦辟易
歧予望之心膽慄歸來閉門增歎息君不見兮涕沾臆

猛虎行

行人停車且莫前有虎有虎山之南黃鬚白額文斑斑

姑惡姑惡姑不惡姑不汝信讒疑重作汝意汝心
樂

出門

丈夫湖海志遠行何所辭出門慘不樂此情誰復知黯
黯赴長道東西竟何之封隅多白雲回首空涕洟

送友人之江右大令四首

江上雨初霽西風委羣芳別離當此時
子舍我去匆匆戒舟航我有盈觴酒送之
為君歌歌聲一何長知音日已遠引領徒慨慷

濛濛山中雲森森川上水雲水何迢遙相望忽千里驅

馬車
一
車清塵揚挂席長風駛豈不厭馳逐王事不遑處行矣
莫蹉跎我民正延佇

厥峯占名邑鬱鬱羣峯攢民風久已漓出宰良獨難君
才自利器試此盤錯間烹鮮念彌勤食殫操自堅遠圖
懋芳烈高駕抗昔賢千古有遺愛願君無媿顏

葛藟相糾纏鴻鴈慕儔匹繫我同袍友胡茲千里隔君
有民社寄而我困蓬蒿丈夫務遠大離別詎遑惜但期
百年內黽勉崇令德人心諒不渝如彼金與石

館中書懷

涼風颯然至虛室
無言時掩關臥起樂閒散琴

書森在御花木愜幽賞覽觀黃虞蹤邈爾動遐想時變
詎足論陰晴互來徃

對菊小集次季泉孫太史韻

嚴霜下中庭秋杪氣逾肅睠茲衆芳委歲蕤獨黃菊主
人丘壑姿對此良不俗佳客紛來過清標炯寒玉慷慨
披情素懽呼對醺醪耿耿夜忘寐相看共華燭言念塵
中鞅青春競馳逐策勲苦不早白日去何速撫劍發清
歌音響厲以促緬懷東籬人何由踵遐躅

東溪

道人瀟灑姿愛向溪頭住溪流一何長洋洋日東注踈

煙起茅屋和風襲芳樹翩翩白鷗羣下我垂綸處煩襟
一以蠲玄經獨堪註

歸田二首

孱軀多疾疾蒙 恩賜歸田嬾向城中居別構在南阡
青山如有情對我軒窗前曉看山雲出暮看山雲還居
諸足自適何用窮躋攀
二徑未擬開爲園纔一畝蒔菊傍東籬種松當北牖嬾
讀架上書時引牀頭酒住客遠莫招且從畊牧偶沉疴
庶以瘳夙心幸不負

採菊

採菊復採菊西園風露露繁芳藜忽盈把詎知襟袖寒採
之欲何爲聊以供晨飧主人藜藿姿澹泊恒自便矧聞
神農書餌菊堪延年何須覓靈品遠躋三神山

山行

愛此山中幽短筇行自拄
深谷雲如貯泉
探雨過時路覓僧歸處恍惚聞
古松樹

送程明府入 覲

西風動林樾征帆泝雲濤悠悠潞河望
上燕山高豈
不憚馳驅念此川塗遙我有盈尊酒送
向東臯別離
詎足歎予心實忉忉徘徊眺原野生計何蕭條弱子離

慈母旦夕聲嗷嗷君行日已遠撫字誰當勞何因返君
駕臨風首頻搔

談星

談星者誰子自言術頗精窮通與得喪一一皆可憑我
命君莫談我心本無營功名力不任富貴人所輕矧茲
禍與福倚伏由冥冥趨避良獨勞委運心自寧從古有
明訓天道遠難徵

漫興

釣魚臨清溪採薪入泮林採釣有餘閒時撫松間琴清
風颯然至明月弄松影適耳已成趣何必求知音

全集

自少愛山情頗多邇來南山下卜築當巖阿
修竹墻頭纏女蘿藹藹叢桂陰鬱鬱喬松柯清泉
夕流好鳥鳴相和展書坐磐石書中意如何延齡與
養性要在蠲煩苛長生豈敢慕庶以痊沉疴

馬孝子廬墓歌

長安客舍逢溫造對我時談馬生孝親亡涕淚何所
日夕奔走荒山道荒山宿莽多嚴霜結廬乃在松樹
乾坤俯仰太偏側歲序流易真茫茫白楊枝頭風
時時白鳥枝上翔含悲夜夜啼不息似與孤兒

古來孝感良不偶，砥柱頽波世希有。紫芝白兔誰能
天遣令名傳不朽，吁嗟乎馬生自是儒者英。立身行
會有成，看君錫類且不匱。寰宇坐使仁風行。

山館偶題

主人愛水兼愛山水，山盡日相盤桓。時間整與山水隔，
便覺塵垢蒙心顏。買園今幸近山水，清景不礙軒窗前。
平生心事差足慰，日枕岩石聽潺湲。

前山歌

主人愛山不愛遠，卷簾惟見山當眼。藹藹行雲日夕間，
濛濛空翠軒窗滿。引泉剡竹來何遙，劇苓荷鋪風蕭蕭。

聞麋鹿日相狎，短莎細石同游遨。黃金臺前塵十丈，
不見前山空張望。芒鞋竹杖會有期，結廬擬共松陰傍。
惠山泉歌訓秦古修學博

我昔飲中冷之水，金山巖勝名自謂。無虛傳南來復飲，
惠山下水味迥過中冷。前迺知古人評品有未當，今我
更置應無嫌。遂以惠山之泉爲第一，中冷不得仍爭先。
歸來久臥碧山麓，病榻往往增紆煩。良方百試一不効，
要湏滌以茲山泉。廣文先生惠山客，幾度來訪心余憐。
遂令貯泉滿石甕，千里載以梁溪船。僕夫畀之入我室，
一見忽爾開心顏。驕陽三伏正茲候，矮屋何處逃朱炎。

紆煩無那日加劇霜崖雪壑心空懸茲泉何幸一朝得
入口不啻層冰寒瀕更齒頰盡森爽涼颼習習生吟肩
沉疴悠悠亦去體心腎脾肺俱冷然柴門不啓晝逾靜
湘簟一任攤書眠銜杯莫漫稱聖賢列鼎徒自誇芳鮮
野人從來薄滋味飲水更覺心相便泉乎爾幸不我棄
與爾共結平生緣吁嗟乎廣文爾我氣味實相似遠道
致此情何處會應卜築依爾室飲泉淪茗白首同臥蒼
山巔

有鵲篇

有鵲有鵲來從海上之三山羽儀脩脩潔且鮮乘風飛

度蘭巖前饑食潭臯粟渴飲溶溪泉豐毛竦肉體骨堅
二雛遠志何翩翩奮翮直須凌紫烟豈與鷄鷄同翾翾
鶴兮鶴兮徘徊不異蓬壺天虞羅弗驚意自便長生奚
啻千百年薰風堂上列綺筵葵榴花開紅欲燃洋洋僊
樂雲中傳劒珮彷彿來羣僊蟠桃礪珂堆玉盤瓊花瑤
草何芊芊山人日抱山雲眠捧觴未許僊班聯赤羽箭
青琅玕何因薦之壽學邊新詞聊寄有韻篇

夏日竹林漫興

道人自是山林客蚤向江湖滯行跡廿年覺悟方歸來
重入山林寄幽寂小園竹樹初長成坐見繁陰滿檐隙

炎天赤日午不知况有清風滌煩鬱道人無事時閉門
但向竹根施几席兒童不用供壺觴滄茗焚香聊永日
踈狂本乏唐晉風漫擬七賢并六逸

王翁畫小山爲施璉川太守賦

誰人寫此一拳石望中氣勢何龍從神劔鬼削不可測
恍惚劈破蓮花峯平生愛山已成癖展卷不覺心神融
世間真山自不少竒崛似此常難逢主人寶此異瓊玖
旦夕懸向茅堂東何須千里事攀躡臥游日在空濛中

題畫

邇來畫品誰最名江夏往往推吳生吳生已矣筆蹤絕
偶見此圖差可恍山容黯淡雲霏微巖前老樹枝離披
峯廻谷轉路欲迷斷橋流水行人稀中有幽人寄幽躅
閉門日與雲俱宿衣冠豈是陶家村花竹還疑子真谷
山風隔澗吹雨來山童門前掃綠苔南隣有客不知姓
相與日舉花前杯道人素袍山水澗幾度披圖增歎息
桃源何處可移家好向圖中覓踪跡

松竹梅引

君不見徂徠之上蒼髯翁望中丰骨何從淇園之族
更瀟灑直節挺挺凌高空亦有羅浮丈人行皎皎獨抗
冰霜容相逢共結歲寒侶不與桃杏爭春風西園老人

自竒古氣味與爾將無同貞姿雅操晚逾勁締交日在
巖阿中看君壽骨已森聳海上何必尋僊蹤歲寒之侶
自相守闕千百世長青葱

客至

山城車馬來應少卯屋樓遲太枯稿囊中不辦沽酒貲
餽客盤餐殊草草故人元是高士流澹泊氣味何相投
爐熏茗碗坐終日款語自足銷窮愁人生良會苦不數
別去我心翻作惡臨風莫惜雙鯉魚頻寄山中慰離索

瑤山篇

我聞白嶽東南擅形勝瑤山岬嶂相因依芙蓉削出玉

芙蓉雲日掩映流清輝瓊華琪樹互巒嶺翠在下有
人棲幽人夙抱瓊綺魄向山中寄踪跡朝升絕磴
紫霞夜汲清泉煮白石是世寧同砂礫羣延生那假金
丹術主人平生心好竒丘樊孰與同襟期披圖恍若接
眉宇杖屨何日相追隨

旅夜

蕭蕭風雨夜獨坐慘寒縈要識愁中意空林杜宇聲

松下小憇

攤書松下眠細草如茵軟忽有天風來濤聲在高巘

華陽洞

石洞華陽古深探極香冥不須燃燭照坐久自明生
紫雲洞

我來紫雲洞正值紫雲凝邀雲石牀坐相與結平生
村居雜言

飛花郊外路啼鳥水邊村莫厭過從少青山日在門
仲夏西莊喜雨用老杜好雨知時節爲韻漫作五絕
句

十載客京畿風塵何擾擾白首來山中始信爲農好
插秧當此時正值西山雨新水漸滿畦水風來許許
山中好藏拙衣食苦無資辛勤事畊稼朋輩未應知

佳樹陰陰合荒村雨過時披蓑去隴上餉彼牧牛兒
葵榴花欲燃更值端陽節門外客不來一觴聊自撥

欸山亭十友吟

有序

欸山亭十友者侶雲道人之所與友也道人自分
蹇劣無能友當世之士又不敢尚友古人因自附
於草木之無情者庶幾不我拒也然此十友者亦
非凡卉儔也其清姿雅操素質幽芬有未易倫擬
焉者徒區區托跡於其間冀得彷彿以自裨耳不
識十友肯卒與之締盟否也爰作十友吟率爾扳
贈寓冀望之意云

蒼髯翁 松

翁髯一何蒼翁性堅以朴華采不外揚因得老並整

抱節君 竹

萬彙多紛披君獨抱高節引領北山阿孤踪許誰躡

冰雪丈人 梅

丈人冰雪腸歲歲飡冰雪雖乏梁肉姿丰神自高潔

晚香居士 菊

居士何所爲日向東籬臥幸自有餘芳不妨時已暮

懷素子 水僊

閒尋水石居忽與子相遇冲襟一以投徘徊不能去

碧叢道人 菖蒲

山中有道士挂體惟碧叢風雨曾無恙何須製薜蘿

秋江逸客 木芙蓉

客從何處來寄跡秋江上本無桃李顏不與春風抗

月露主人 梧桐

月色淡於水露花涼復滋主人中夜坐清興屬誰知

幽芳處士 蘭

自抱幽芳僻來尋處士踪清風知我意引我入林中

雲華僊 蓮

僊人何所游水國散幽躅冉冉雲華姿天然出塵俗

山行

杖藜渡清溪溪深路復迷忽聞山犬吠行過竹林西

閒居雜咏二首

綠樹門前香藹青山座上盤旋稚子晨炊麥飯道人午

坐蒲團

池邊雨細花落簾外風清日長呼兒採藥蘿徑對客攤

書石牀

漫興

草閣鑪熏栢子松房紙帳梅花七碗盧翁風味一尊陶

令生涯

皇恩寺偶題

五里蒼松石徑迂乾坤此地可安居閒心不共雲來

長日清風一卷書

出通濟門

都門清曉月光微荏苒東風上客衣日影漸高煙漸歛

一川楊柳色依依

午門春讌

帝城春曉列春筵珮玉珊珊鳳闕前沾醉但看同拜舞

不知今日是堯天

送韓二尹之官太平

小艇吳江路渺茫春風三月過錢塘知君自有哦松暇
好向天台訪石梁

送客之閩中

星輶冉冉下雲霄山水閩南道路遙我病不堪仍送客
一川秋色况蕭條

午門春讌遇雪醉歸口占

東風吹雪下瑤壇片片飛花撲酒寒馬首醉歸春色裏
太平光景在長安

枯木竹石圖

石峻峻勢亦奇幽篁古木更相宜東風莫漫憐芳草

晚節真心祇自知

出郭

青袍白馬興翩翩行盡芳原又一石泉豈是陶翁棲息處
數株垂柳在門前

苦熱行六首

暑氣方張六月威餘炎恐逼漢宮闈何當一瀉天潢水
萬歲山前作雪飛

太液湖波深復深鳧鷖兩兩出波心何緣乞得三千斛
散作南郊一日霖

農事村村何太忙鋤禾當午不如湯唐皇自有清虛殿

却愛薰風夏日長

城上驕陽不可禁無端爍石與流金蓬萊自有扶桑樹
不借人間六月陰

十年病暍爾何堪袒走狂呼太劇顛短壑青松無處覓
漫從疾館說冰山

嶧岬冰山是主家纍纍沉李更浮瓜衝炎道上誰家子
乞得寒漿只自誇

舟中即事

藥裹書籤自一舟病懷
悠悠西風忽送南來鴈
傳得邊聲動客愁

東坡詩李廣文索苜蓿二首

抱病無他事高臥長於水上村猶有俗情醫未得
從山館乞芳蓀

道人風韻何瀟灑手向盆池剪綠蓑肯許移根來小院
清芬應比百花多

西莊漫興

買園近作幽棲地種竹栽花興不孤莫遣隣人來問字
但令山鳥勸提壺

宿洪村普靜寺

問水尋山路欲迷白雲携我入招提紅塵不到跣趺處

碧樹春風鳥自啼

貧女

朱顏黯黯不勝愁
裙布釵荆幾度秋
莫向春風誇豔冶
徧身羅綺是青樓

春行

莫厭尋花及早春
淺紅深綠未全勻
陽和漸向枝頭起
一度看來一度新

雪曉

夜聽蕭蕭枕上聲
清輝早已透疎櫺
兒童不用驚相報
玉樹瓊花料峭庭

初冬

初冬初焙出山城
陽羨還從未品稱
今夜西齋好風月
一甌相對與山傾

秋日遣興

細雨高原草樹蒼
秋風時復送新涼
閒開綠野惟三徑
坐款青山但一觴

雨中雜興二首

池上櫻桃開乍繁
雨中顏色忽摧殘
無端老眼模糊甚
却與梅花一樣看

簷外梅花幾樹開
道人時與共銜杯
如何風雨偏相妬

不遣清香入酒來

登樓

春來日日多風雨
興味蕭條只似秋
無那桃花又零落
強撈杯酒上西樓

山人

山人住近竹林西
山鳥山花日自怡
幾度獨行山下路
紫簫長對月明吹

桃源圖

水遠山長何處村
桃花開徧竹間門
相逢莫問興亡事
且向花前倒一尊

邊庭春思

夜來飛夢繞吳關
楊柳枝頭雪已殘
曉起却憐身是客
望雲還上賀蘭山

涼州詞

荒臺漠漠起秋雲
擾擾胡兒萬馬羣
莫倚西風弓力勁
營中今有霍將軍

便面小景

一派飛流落遠山
竹窻欹枕聽潺湲
閒將甲子論今古
門外浮雲幾往還

漫興

春光冉冉莫蹉跎老去看花興若何
試數堦前紅藥蕊今年較比去年多

送秦古修遷官魚臺學諭二首

輕塵漠漠擁征輪泗水沂山入望頻
桃李門墻花幾樹春風又見一廻新

東郭清秋酒一杯送君千里上魚臺
山中索莫何由慰矯首雲間白鴈來

牧兒

東風吹雨過前溪草長平原小犢肥
短笛數聲歸去路半山明月照蓑衣

左順門值雨

曉漏趨朝候殷雷送雨時
殿雲低拂檻檐溜急池自喜沾衣濕
何妨退食遲商霖應有屬千載動遐思
郭將軍山亭和全九山太史韻

曉隨天仗出還過亞夫營並馬緣溪入
雙禽隔樹鳴喜看春意動頓遣宿愁醒
日午登樓望遄歸想旆旌

送蔡白石使荆二首

薊北離亭晚荆南逸興新
數峯青入望孤月白隨人
細雨沅江棹穠花夢澤春
知君懷古意投賦汨羅津
驛路曉霜清蕭蕭班馬鳴
芳尊聊出餞暮景獨含情使

節雲中下樓船江上行懸知星彩動遙應紀南城

中秋

獨夜耿不寐露華涼襲楹雲中無鴈影月下有砧聲風
景還佳節關山自遠情一迴增感慨杯盡更須傾

送張于夔

江上雨初霽涼風吹客旌酒傾燕月白夢繞楚山青模
範才非忝雲霄志未平即看宣室召前席問蒼生

送鄭封君歸海南

清風開霽景遠思促征騑沙鳥迎青舫山花映錦衣雲
閒春共適菊淨晚相依洛社千年勝看君嗣德輝

冠縣道中見桃

江汎時看柳山行始見桃倚風枝自颭經雨色偏饒望
遠情方劇看春思益勞修途倦行役誰與覓村醪

彭城晚眺

恠石倚層城洪流日夜聲河山當百二龍虎幾紛爭人
去豪華盡烏啼草樹腥茫茫荒野外孤月向誰明

鄭王東園宴集

勝地藩垣重名園景象新峯巒晴倚翠花木晚餘春風
送歌聲緩香分酒味醇鄒枚那可作簪筆媿詞臣
使鄭歸游竹隱寺

昔年曾寄跡瀟灑白雲房
啜茗晝逾靜篝燈夜自長
棲遲傷短髻游宦惜流光
何日尋猿鶴重來臥石牀

南山

南山有真隱結屋倚崔嵬
日出陰霏歛風迴霽色開
採芝雲擁屐放鶴月臨臺
不用憐冰雪梅花臘可栽

送蔡白石移官南鄒次韻留別之作五首

上國旌初駐龍江棹復還
祖筵開綠樹逸興說青山
別浦雲俱迥晴波鷗自閒
因君起遐思恍已度吳關

畫鷁翩翩下東風潞水濱
海霞朝欲歛江月晚堪親
安

夢懸芳草王程及早春
從如鏡上張筵倚待高人

石城時擁騎沙浦暫維舟
梅柳迎新蓋江山識舊游
烟

花歌舞地龍虎帝王州
自有飄蕭興何須羨海鷗

落落驚鴻影翩翩矯鶴羣
乾坤從作客歲月敢忘君
清暑開屏幃雄心寄典墳
幾迴湖上路詩思鬱春雲

離索情無那琴書欲杜門
雲邊看過鴈江上憶芳蓀
雅奏還清廟高梧自碧垣
况當虛守日好上賈山言

臘日對雪志喜三首

愛此春前雪憂懷暫自寬
占年方有慶對酒不知寒
高詠陽春調閒供小鳳團
帝城風景異好上玉樓看

愛此春前雪憂懷暫自舒
微微沾袖濕洒洒入檐虛
瑞

色浮三殿氛埃淨九衢呼兒時掃徑恐有客停車
愛此春前雪憂懷斲自開冰花凝遠樹風片落深杯好
着湖邊屐行尋谷口梅更同詞賦客酒翰一登臺

送閔元禮歸吳

西風江上涼把酒送歸航會晤日何促分携情自長片
帆秋月白孤鳥暮煙蒼無那臨流意隨君去渺茫

送陳子之任德化

送客臨芳甸停杯思不懽未酬千里志聊寄一枝安淦
浦清相映匡廬秀可餐暮雲江上路矯首思漫漫

對菊小集次張太史項山韻

菊下采菊初黃南客深秋思西堂此日
雲低送色樽月淨浮香好是元孫侶伊瀍興不忘

對菊再次歐陽太史強齋韻

秋色凌秋豔芳尊對日開主非陶令隱客是謫僊才自
吟襟爽何須舞袖迴夜深還秉燭相對更徘徊

再次陳太史平岡韻

令節非重九花前漫舉觴未應驚暮色應是惜孤芳對
影憐宵月防寒畏早霜繁英挿踈髻莫笑老夫狂

送韓子南歸

我愛韓康伯飄蕭思不羣來瞻丹陛日歸臥碧山雲

馬中丞集 卷之三 二十四
半閣松間出溪流竹外分方書閒自檢還擬續桐君

山樓即事四首

日長何以遣對景有新詩竹上留題處花間得句時
踈梅含晚色老樹發春姿未暇論陶謝天然是我師

日長何以遣花下有清尊喜見山當眼無勞客到門
天真時自會妙理更誰論豈是柴桑里風流彷彿存

日長何以遣膝上有鳴琴未遇清溪客誰爲白雪音
小亭開霽色佳木下重陰數曲冷然罷清風拂素襟

日長何以遣架上有殘書漫說三冬足時緇幾卷餘
慚先寄敢擬鄴侯居浩瀚真何益忘筌在得魚

前溪夜泛

佳節中秋近涼宵霽色開迴流閒盪槳邀客共銜盃
鴈影穿雲度灘聲拂棹來月華應可待洗盞更徘徊

壽可園翁

雅懷何所愛白首但園棲花氣薰人近松陰覆檻低
農書時自檢道侶日相携風致還誰似香山共品題

響應瀑布

飛瀑懸厓下荒亭坐自看細穿雲竇遠空洒雪花寒響
欲諧金石清堪濯肺肝詩魂憑喚起逸興滿林端

秋日游雲岫寺

古寺何年建齊梁歲月深荒臺餘鳥跡曲檻下藤陰對
酒空凝思看花獨賞心清歌誰與和流水是知音

雨後西郊款步

時節清和近郊原宿雨收山青淨於洗綠樹藹相樛雉
雉投荒嶼花飛趣亂流前村農務急新水已平疇

月

今夜新秋月披衣坐自看出雲光乍滿近水氣猶寒繞
井螢方燭依枝鵲未安有懷誰與晤矯首在樓端

郊居對雨

無營常晏起過午未梳頭病減文章價貧多旱潦憂問

奇誰載酒舒嘯獨登樓待得浮雲散晴空豁遠眸

中秋

醉歸人語靜散髮步中庭萬里秋如洗深宵月在明星
河疑路近衣袂怯涼生不寐情何極寒蛩草際鳴

閒居對酒

愛此青山麓來棲病裏身蓬門無過客草榻有閒人鳥
哢東溪曙花開北塢春一觴時自酌興與西隣

郊居

紅葉江村路向秋病客居雨荒門外草蟲蠹篋中書籬
菊開還落巖雲卷復舒息機吾豈敢身已渾樵漁

馬車系集 卷之三 三
春日載酒訪隱

羨爾幽棲地悠然隔世塵偶携清醕至况值柳條新白
鶴池邊侶青山座上賓無言情自洽來往不嫌頻
天目山昭明寺

石徑岩堯上禪關窈窕通鳥啼青嶂口人臥翠微中恍
若三天近悠然萬慮空何當稅塵鞅於此寄幽踪

宿紫陽宮望天目山諸峯

何處覓僊蹤山行路幾重迷途問樵客落日到玄宮竹
几爐煙裊松窓茗碗供夜深渾不寐興已在雲峯

雪霽

旭日散晴暉西山雪意微茶初烹石鼎客已到紫扉
雀檐前下輕雲谷口歸村醪聞已熟莫惜典寒衣

夏日過徐玉泉獅山草堂四首

盪槩江村路言尋孺子居幽花當小徑垂柳夾清渠簪
組心何繫琴尊樂有餘我來情更愜吟賞即吾廬
塵鞅年方息郊居趣自幽蘆洲依淺水桑畛接平疇聽
鳥憑花檻看山坐竹樓道書時懶讀散漫在牀頭
陶翁何所愛白首臥柴桑園菓呼兒摘村醪勸客嘗漁
歌聞遠浦沙鳥近橫塘漫憶滄江上扁舟溯渺茫
朱炎何所避來此水雲鄉竹塢煙光淨荷亭雨氣涼濯

縷君自適散髮我猶狂未暇論賓主形骸久已忘

村莊漫興

小構石林傍幽深拙可藏病情惟藥餌生計只畊桑舊
帙從兒檢新篋喚客嘗邇來渾少暇種木在南岡

陽峯爲張學士題

陽峯擅名勝砢砢俯南州日出陰霏歛風迴宿雨收嵐
青春藹藹雲白午悠悠欲採瑤華秀言探石室幽靈廳
依谷轉爽氣出林浮瞻望心恒切躋攀力未由何當隨
杖屨絕頂縱吟眸

對菊小集吹稽川南太史韻

庭菊開何晚深秋益自憐密看低翠幄圓訝綴金錢過
雨香逾遠含霜色更妍孤根彭澤後上品洛陽前暫下
鑿坡直時借禁署僊人清渾比玉酒濁漫稱賢慷慨論
今昔蹉跎閱歲年斜陽從酩酊華燭更留連倚檻風生
袂題詩錦映聯景光還自愛倉卒見華顛

送劉四山別駕還茗城

曉雨淨氛埃涼風霽景開野橋閒駐馬蕭寺共銜杯自
惜分携屢偏驚節序催悠悠鄉望遠黯黯別顏摧雙鬢
先秋改孤帆帶月迴暝烟淮浦路晴日峴山臺鴻翻情
空繫棠梨手自栽翩翩雙隼羽遲爾日邊來

假山

疊石僅踰丈崢嶸勢在茲巧因圖畫得工類鬼神施及
徑苔初合陰崖草已滋浮嵐凝翠篠危影墮清池潏潏
魚翻藻關關鳥轉枝風迴吟榻畔月上捲簾時藤蔓侵
衣桁花香入酒卮平生山水興對酒有餘思

嚴先生祠

富春山下鬱春煙曉日摳衣古廟前遺蹟不隨陵谷變
高名常與日星懸灘聲汨汨流偏急松色蒼蒼節更堅
慚愧十年南北路遠心空寄白雲邊

訪友塗中滯雨

波渺無津疋馬西風日易曛客舍况逢三日雨
猶隔數重雲山容慘淡當窓見鳥語啁啾近水聞
有路難行未得旅愁鄉思益紛紛

春日郭氏山亭次壁間韻

騎馬春郊遠興生參差樓閣望中明杯間日暖花爭發
谷口雲開雨乍晴淡靄翠浮深樹合迴峯青落小池平
壺觴竟日淹留地坐倚清酣聽鳥鳴

奉和姜貞齋 宮諭扈從謁 陵八首

旌旆翩翩露未晞千官朝擁百花圍 鑾輿迥覩紅雲
繞僊馭雙瞻彩鳳飛宇宙分明唐氣象山川掩映漢光

馬車
卷三
輝叨從幸與枚臯列簪筆惟應日月依

右嚴城候發

行宮森邃簇朱干紫氣龍文見鬱盤縹緲爐煙隨仗馬
繽紛供帳屬儀鑿天顏共喜瞻依近文從偏承禮數
寬朝列即同僊吹發滿身清露不知寒

右行宮早朝

淡蕩東風歷九丘欣欣花鳥遲宸游從知雨露思長
淫未信衣冠禮獨優千里祥光隨日轉三春和氣與雲
行壺聚此日逢迎地士女謹呼樂未休

右永安遲暉

瞻斗柄迴齋宮忽傍九霄開風清黼座雲連帳
儼壇月滿臺浩浩泉源隨地發深深松檜自天培
心久切園陵祀不爲三春雨露來

右諸陵陪祀

羽騎翩翩歷翠微昆明時復候清駢迴流虵出蹠龍磴
噴沫晴濡建鳳旂海脉遙通元浩浩雲光交映自輝輝
橫汾却笑當年事祗嘆秋風木葉飛

右駕幸九龍池

雨霽靈山紫翠攢彩輿西引路迴盤禹岳弱柳縈千騎
冉冉晴雲擁百官王氣自應開福地春光長合駐僊

壇芳湖畫舸還相待時見微風動碧瀾

右 駕登十八盤嶺

曠曠曉日初迴輦藹藹春風復上臺倚逕蒼松浮淡靄
侵壇碧草淨纖埃層嵐迴觀金山麗華燭雙懸玉殿開
盛事於今誇始見倚那清頌更須裁

右 駕還謁金山 二陵

森森芳湖霽景開 翠華遙自翠微來波翻紫荇迎僊
騎風送紅霞上 壽杯縹緲花香浮萬嶼葱蘢佳氣護
蓬萊當筵擬獻嵩華祝 漆翰慚非絕代才

右

駕還

春日邵園宴集二首

東風池館稱幽尋何啻南溪十畝陰自喜佳賓還邂逅
底須清景在山林坐移碁局苔堦淨行傍鶯聲柳徑深
忽向高亭生遠興滄浪聊復動長吟

南園更覺風光別乘興重來散馬蹄僂僂不辭苔徑遠
扶携還過石橋西花香拂拂時薰盞湖水溶溶近拍堤
圖畫瀟湘真在眼凌高虛擬覓丹梯

院中紅杏

詞垣地接瀛洲近紅杏花開麗景新初過雨痕香欲散
迥凝霞彩色俱勻憐芳曉折枝枝豔送酒時巡樹樹春

忽憶故山棲息地一杖高閣對嶙峋

午日

駕幸西海泛

龍舟在迷

彩絲金縷應佳辰翠苑晴開麗景新泛泛龍舟誇角觝
雖雖鳳管聽韶鈞雲光自動蒲觴影花氣長浮綺席春
幸共枚臯扈仙蹕願歌天保答皇仁

送沈夷齋諫垣謫官錢塘

江亭立馬思依依送客那堪對夕暉燕市炎蒸三伏熾
潞河風雨片帆飛東西岐路從漂梗南北高峯好振衣
况是清時憐直道不妨杯酒暫相違

少巖引疾歸蜀

拾遺家住浣花溪忽向秋風憶舊棲鴻翻遠衝村雨散
馬頭斜拂棧雲低心懷報國須焚草興到看山且杖
藜青瑣同趨定何日不勝西望思悽迷

宮柳

城闕東風春可憐參差弱柳弄春妍銅池曉散霏微雨
碧殿晴開縹緲煙度水飛花隨御輦繞枝啼鳥近芳
筵無言脆質零秋易松檜同看閱歲年

院中葵花

都城五月芳菲少唯見葵花向日紅枝直不妨風力勁
色妍偏愛露華濃名園衛足功須記野客傷根刈豈逢

獨把一觴還自詠南薰人在玉堂中

夏日喜雨

隱隱雷聲何處聞城南雲氣晝氤氳滂沱忽送西堂雨
沾灑全消大地氛喜對新京晴掃榻好迎佳客細論文
盆榴况有餘芬任不厭傳觴對夕曛

九日邵園宴集次桂洲閣老韻

都門風景邵平園上相閒開九日尊地有樓臺元近郭
徑多榆柳却連村山頭涼吹從欹帽水面晴雲故傍軒
莫訝黃花能醉客游歌千載見皇恩

邊警八首

吹野蒿雲中門已度天驕煙夜逐
塞草黃寧武三關無險隘要防千里

乾坤不盡生
坐困真憐漢上
西風獨上高城望
西去誰經亂後州傷心風日氣颼颼人行萬里

西去誰經亂後州傷心風日氣颼颼人行萬里

鴉噪千村有，鷓鴣古堞盡。隨秋草沒長河，空帶
哀哀鬼哭。何時已，偏共殘更，羽戍漢。

將軍新佩虎盤囊，白馬翩翩下朔方。烽火
捷書先遣到，長楊論功自合叨。殊鉞生靈
借劍有人還，激烈幾迴抗疏上。明光

矯矯忠宣思，不厚安危四海望。逾勤謀猷
談笑能，肯道功氣小。范甲兵威建武老，种
經畧持。可憐遺績今誰繼，諸鎮割殘不忍聞。

妖祲西來黯黯浮，天心寧忘朔方警。倉皇
聞轍誰爲後，車謀飛箭可能清。絕漠長城
聖主憂

登壇孺子嗟何及，肉食那紆聖主憂。

邊雲漠漠暗邊臺，颯杳胡沙漫草萊。豺虎
正逢多事日，倉湊須仗濟時才。留田實見先
零困，繫頸虛傳頡利來。千載太平還坐享，未
應輕遣玉門開。

覃懷驛聞 駕還志喜

山水湖囊去路遙，迢迢歸無乃。聖躬勞風
行萬馬宵馳，道塵擁千官曉趨。朝定有壺觴
迎父老，豈無霖雨下雲霄。星輅木遂趨行
殿起，聽晨鷄有重翹。

明月寺次壁間韻

乘輿來尋明月山，丹梯應不礙躋攀。旌幢
縹緲煙雲外

臺殿參差竹樹間幽徑落花僧未掃高秋斜日鳥初還
清歌不盡徘徊意憑醉臨風更倚闌

宿昌平劉諫議祠

諫議祠堂日已頽入門蕭瑟無高萊英風祇自懷千古
行潦那能奠一杯人憐夜雨山月明風露冷秋槐
更餘不盡徘徊意手

過湯陰岳武穆祠

湯陰城上日朦朧武穆祠中飛構暮雲猶宿雨
古牆垂柳自春風和戎已信金縢力破虜誰論鐵馬功
千載令人重悲詫不勝清淚濕枯蓬

南屏山宴集

湖上風煙淨可憐一尊開傍菊花前丹梯颯沓仍隨憶
白鳥翻飛故近船踪跡乾坤元不礙襟懷山水自相便
兩峯南北尤奇勝拄杖還須躡翠巔

飛來峯洞小集

莫訝看山趣自偏杖藜今日興悠然尋雲不覺深無路
探壑從知別有天佳句可能酬勝賞芳尊聊得共高賢
斜陽不用催歸騎擬借僧房一夕眠

宿中天竺

斜日重過湖上林乾坤幽意愜招尋雲依佛國三天近

路轉松陰九里深自喜琴尊偕勝侶况憐猿鶴有清音
燈前忽起煙霞思兀坐中宵動遠吟

祈雨有感次陸東坤大令韻

秋來轉覺炎威熾千里那堪稼穡枯避寢不辭三日禱
登壇還擬百神孚靈飈忽向岡頭起甘澤遙隨鳥翼敷
矯首玄功猶未歇晚來雲氣更模糊

花朝宴集任嶧峰司諫宅

紫陌春風引興長玉壺春泛鬱金香鶯聲晚度龍池外
花氣晴薰瑣闥傍唐代風流傳菴畫漢家詞賦有輝光
多情更擬深宵醉華月華燈况蒲堂

送魏淺齋中丞撫兩河

翻翻旌旆潞河津萬里旬宣簡命新未訝臺端重風
裁即看河上見陽春榴花日映官亭酒柳葉風清驛路
塵吉甫于今誰繼誦驪駒聊向別筵陳

送鄔佩之福州太守

燕臺春曉雪初晴五馬翩翩出禁城閩海天高飛鴈
遠潞河風駛片帆輕三山樓閣煙霞思四野桑麻雨露
情公暇自知多雅詠紫清還協鳳簫鳴

送許元寵之任都昌

江亭杯酒晚踟躕執手那堪思黯如岐路風煙千里外

父情桑梓十年餘雲松斲假琴尊適霄漢還看羽翼舒
宮署况聞堪眺望捲簾山色到匡廬

送張子居使錢塘兼訊東橋令叔

寒雲漠漠曉垂空野寺芳尊此日同鄉思忽馳飛鳥外
歲華空老別愁中星辰北闕情應戀花柳南州興不
窮歸見東橋須問訊關河久矣候飛鴻

送客

高城木葉下蕭蕭無那涼颼日更飄簪笏曉辭金闕下
珮旌秋指碧山遙携琴莫漫尋僊侶採藥惟應伴野樵
獨有主恩渾不忘幾迴飛夢在丹青

送童內方 宮詹省覲還楚

十載鳴珺近紫宸賜還今日及青春牽風水苻迎僊舸
炫日山花照錦茵色養豈論金馬貴庭趨真慰白頭人
沅湘自昔多芳草採掇還看入佩紉

送客歸蜀

漠漠輕塵擁畫輪江山今見獨歸人蕭條暮景驚黃葉
迢遞鄉心動紫萼三徑菊松還舊業一川風月自新隣
青城漫擬僊蹤近國病民勞恐愴神

齋居次張水南學士韻

紫霄深鎖院重重啓戶遙看月在東裊裊爐煙浮御氣

馬車編集 卷之三
遲遲宮漏滴銅龍雲飄金井烏啼樹霜冷瑤壇鶴唳風
耿耿寸心渾不寐幾迴瞻候泐寥中

對菊小集次盧涑西太史韻

淺紅深紫信誰強晚色今看獨讓黃客至祇應供一笑
詩成不覺到斜陽風流已占陶園景翰墨仍薰漢署香
盡飲不須愁酩酊邊戎今已 奏于襄 是日捷報適至

再次康礪峯太史韻

簾捲虛堂曙色蒼幽藜時見菊花黃爲園未擬開三徑
勸客猶堪具一觴粼粼秋容明几席條條涼氣襲冠裳
憑軒不盡徘徊意自起狂歌款夕陽

江風吹雨氣清方尊竹
漢漢帆帆海上行白髮烏髭
儒郎况在烟霄上鴈塔峯
至日試筆

搖落那堪暮景催
帝城未亨時漸啓三陽

泰和氣先傳六管
辰生意自滄宮外
柳含芳誰寄隴頭
梅朝回幸有鑿坡
侶好共清寧一舉
杯

郊居

踈慵無那病中身
委甚移居似子
人旋栽從夙好
青山相對作新隣
門無車馬
况復中朝書問絕
丘園應得

郊行

病起尋春到水涯
山開其
苔徑移勝數
不須更覓滄洲
沙

秋日雨中友人過訪

苔徑蕭蕭日已荒
閉門終日坐焚香
高情忽枉雨中駕
一笑同傾花下觴
谷口煙光秋漠漠
簷前樹色晚蒼蒼
重來不厭無佳賞
黃菊東籬漸有芳

紫山姚子新居

小園幽寂小堂開
望近南山爽氣來
春水野塘魚潑刺
午陰松徑鶴徘徊
焚香燕坐時繙帙
對竹閒吟一舉杯
莫訝嵩塵今始隔
冲襟久已淨纖埃

登樓

病起獨登溪上樓
晴天爽氣開新秋
霏霏竹葉翠相映

藹藹嵐光青欲流，僊侶東南憶勝境。
浮雲西北懷神州，壯心耿耿誰與語。
坐對一觴聊解愁。

夏日友人携具過訪

款山亭上雨瀟瀟，坐對爐薰午未銷。
倚檻餘花猶自媚，到門佳客不須招。
芳厨已許携珍饌，野店還堪貰濁醪。
款不妨歸路暝，醉乘涼月渡溪橋。

寄題吳氏東林山眺遠亭

道青林外古松巖，畔有層臺悠悠去。
鳥天邊下，漠漠飛颿，採藥侶依雲並宿。
吹簫人與鶴同來，何緣坐我，笑對清尊亦裏哉。

種竹

南園種竹已成蹊，新竹抽梢忽復齊。
風檻乍看青鳳翥，雨簷翻愛綠雲低。
炎天小簾時堪展，野客清尊日與携。
興到不須供翰墨，錦聯隨意節間題。

春日過舍弟小園看花

藜杖尋花溪上行，春來聊遣病中情。
寒輕野渡冰初泮，雲散芳郊雨乍晴。
華館未須誇艷冶，小園差足慰平生。
壺觴預擬過從屢，醉與東風結好盟。

西天目中峯

十載尋山力未任，名山今日獨登臨。
到來石塢雲初起

行過松房路轉深危磴近看青漢接孤村遙見翠煙沉
陰晴况值須臾變幻景翻今一賞心

村居

野情多與世情違茅屋山中獨掩扉稚子漸開松菊徑
老妻親製薜蘿衣茶烟裊裊浮書幌花雨濛濛濕釣磯
更喜年來秔稔熟療饑無藉北山薇

春日登道場山樓

絕磴躋攀力不任登樓尤覺勢嶮嶽嶽霏微城郭千家雨
迤邐桑麻四野陰風景自應稱勝槩壺觴聊復動長吟
乘風幾欲招黃鵠獨倚危闌望遠岑

望湖亭

山徑逶迤深綠台望湖亭上一徘徊搏風鶴鶴翩翩下
帶雨帆檣縹緲迴轉眄已疑塵世隔盪胸真遣宿醒開
春寒不盡登臨興明日須還載酒來

歸雲菴詠雲

菴畔閒雲冉冉歸候雲長日坐荆扉遙看縹緲來曾榻
近愛霏微冒客衣野性自知堪作侶病情何幸得相依
徘徊更訂山中約白首同棲願不違

春日西園睡起

天恩昨許故山歸別墅今開竹下扉衰病祗緣親藥裹

閒身真稱着荷衣古松巖畔蒼煙合芳草池邊白鳥飛
布被幾回春睡足起看新水上漁磯

贈九野孫山人

九野山人風雅流抱琴何意到林丘瓊珞未擬才華並
水石真憐氣味投對酒屢移花下席看雲時上竹間樓
山中筍蕨還堪具草榻無妨數日留

辛亥立春試筆

簫鼓喧填西市街兒童驚報送春來未誇彩勝光華異
却喜陽和次第回老熊不嫌雙鬢改壯懷偏傍一尊開
東郊况值新晴候好待扶筇探野梅

郊居用唐荆川太史登墩韻

紫蘿裊裊迎風柔主人自愛林塘幽溪頭白鳥數回
座上青山長日留衰病不禁文字役樂歲幸免饑寒憂
巖花洞草更解意携酒遲我青春游

春暮遲人不至

春初元擬接清歡詎意春深尚未還簷外落花時片片
水邊啼鳥復關關芳園載酒同誰往絕嶠看雲只自攀
清夜不須勞夢想計程應已到吳山

元夕山居

莫道城中京物饒村居聊爾度良宵華燈自向山亭簇

濁酒聊從野老招未許年華增白髮獨憐身世遇清朝
更闌不寐情何極坐對西樓月影高

雲岫寺王肖溪大令宴集

雲岫藏雲雲不飛老僧長日伴雲棲參天竹樹陰陰合
覆檻藤蘿裊裊低過雨流泉穿石下啄花幽鳥向人啼
我來正值朱炎候却喜涼生白苧衣

書魏子華雲松樓

古藤修竹紛蒙茸童子揖客巖扉中堦下翩翩舞獨鶴
簷前鬱鬱盤孤松玄談未暇祖莊列古意直欲探鴻濛
吹簫更與坐明月仰視黃鵠翔天風

客有過山莊談時好者心頗厭之賦此

病棲山館十年餘冷淡何殊釋子居利欲驅人還自笑
繁華過眼即成虛清宵露濕磯頭艇白日風翻枕畔書
洗耳高蹤那更得好將生計問樵漁

南鄉子夏日游竹隱寺四首

古寺隱叢篁石徑逶迤碧蘚荒夾道松枝低拂幃蒼涼
清露沾衣濕不妨款步上迴廊老衲相邀入竹房旋
汲山泉供茗碗悠揚風送閒雲下石牀

古木鬱森森曲檻垂蘿歲月深猶記當年棲息處驚心
簷外依然見履痕往事且休論十載紅塵拂素襟好

就遠公來白社雲林日坐蒲團對碧岑

燈火宿雲房不厭今宵清話長擾擾紅塵多少事奔忙
贏得蕭蕭鬢裏霜 無藥駐年光漫說神僊不老方好
向尊前拚酌酹行藏付與天公自主張

雨洗碧山頭藹藹鬱光翠欲流歸騎不妨苔徑滑颼颼
竹下涼生覺早秋 緩步出林丘何日重來續勝游佳
思却憑清夢遠悠悠騎鶴還尋海上洲

翰編集終

盛明百家詩 陳隱士集

吾錫陳君東川字朝宗自號近思子家貧無資設館
自給少年業舉子不就不復求進恬澹自守屢居以
終身平生吟咏之外惟遊山看花耽一劇飲而已律
以今人誠隱士也平生平易簡素頗近于黷嘗館予
家塾歿值屢空予爲經理喪事以終挂劍之義嘗慕
古韓康善隱儼里居一廛兼攻醫藥然術故無傳而
君復懶散好遊故不得以醫名于時邇刻明詩最後
得全集于其子乃爲采入後編隆慶辛未春首友人
俞憲汝成父識

擬古三首

陽春鼓群動氣機無停旋冥栖究元化屏謝塵宇綠飯
糗安所適雲卧心悠然真源契千古此在庖犧前
玉露滴秋月寒衣催暮砧征人眇千里雁杳雙魚沉山
雲度叢木倦鳥還故林無情尚爾歸感之淚盈襟鳴琴
寄幽恨流水空遺音

幽蘭隱豐草含榮吐花白持此欲爲贈美人綵雲隔野
曠天宇空蒼茫慘風色良遇復何時慨然長太息

關山月

秋高胡馬肥風卷黃雲飛重關鎖邊月慘澹寒無輝烽

火防秋急匈奴未解圍將軍心許國無淚洒戎衣

大隄曲

春隴燕麥黃春隄柳花白點檢春風情惆悵別離客流
水空爲聲浮雲澹無色

塞下曲

雲連朔漠雪連山戍守龍沙日未閒城下胡兒多獵騎
不教輕度玉門關

懷潜坤兄客濡湏

春風別淚濕羅衣旅雁南飛客未歸江花野花秋渺渺
楚雲吳樹思依依關山望斷登臨廢童僕情親故舊稀

澤國水寒涼節度鄉心應解憶鱸肥

次韻答周文起九日見寄

莎徑寒烟入午林謝安山屐費登臨未堪落木高秋思
無復狂歌舊雨心返照鐘聲黃葉寺極天烏道碧雲岑
關河不斷瀟湘雁應藉離人爲寄音

秋懷

幽栖地僻竟淹留霜葉黃花又入秋才怯馬卿徒病渴
情如阮籍未醒愁江天搖落初聞雁雲物淒涼倦倚樓
不盡心期成浩嘆幾回空自看吳鉤

寒夜偶成

荒城擊柝小齋空情味蕭然客裡同短箔斜分簷外月
乳鴉啼散隔林風杯傾玉薤餘寒瀝花暗銀燈剪夜紅
悵別悠悠心正絕數聲連鴈寂寥中

步園次石村子

元運司化權青陽轉吳甸幽禽對喧呼灌木鬱葱蒨
淑風日佳春服還泚泚復茲林下歡邈無區中眷
嬉忻得朋邂逅具時彥淵泉空素襟
菘竹清可援碩果復饒殮駢羅侑佳宴
酒令時復監詞鋒競酣戰嘉遯愜幽貞
恬忡寡常戀斷金擬全交歲寒任冰霰

陳氏來益齋留別

香凝燕寢石齋幽帟帳青綾伴客愁迢遞鄉心銀燭夜
淒涼風雨候蟲秋松花滴酒難爲別蕉葉題情漫紀游
明日歸舟重回首水雲沙鳥思悠悠

石村草堂看月同姚陸二子二首

高雲落木江村暮遠道孤帆客子來
姚合舊知誰繼武陸機先達更憐才
草堂影亂青蘿月花嶼香傳白菊杯
永夜氣酣歌激烈雁啼霜落斗西迴

秋樹離離秋雨青石林東望暮雲停
葦航信宿同仙侶江漢風流見客星
露下千楓還改火月明雙眼自虛亭
誰家長笛飛聲遠萬里關山入夜聽

答脩吉

九月雨霜寒欲飛野人猶着芟何衣
江湖歲晚淹青史京國烟花夢赤扉
涼雁入雲遵渚遠濕螢流雨傍林微
相逢莫漫嗟行露鳴鳳朝陽亦易晞

次石村

湖上客來雲水居草堂明星垂紫虛
壁月秋生石薜荔爐烟夜駐金蟾蜍
青泥白日路多阻醜酒論文愁爲舒
禮樂章逢高宴會由庚久已賦嘉魚

席上分題得蝦腐

小篋沉雲捕淺沙收時和月繫浮槎
金盤薦熟凝鍾乳

石鼎烹鮮動赤霞水母共歸青玉案江蘋猶帶紫梢花
莫嫌旅食無蕪味蝦菜淹留興未涯

曉發

風林宵隕穉星渡曉揚舲未作三山客空懷萬里行旅
魂勞遠夢羈跡任流萍安得凌虛翼俱飛向北溟

入城

曉進風溪棹先秋葉半凋沙迴花擁岸雨積水平橋山
靄青巒合關雲碧樹遙草堂城郭近歸路正鳴蜩

宿望亭

落日津亭暮涼風水棹輕繫維蟬柳近倚爨鷺沙明

樹通吳望歸雲動客情關河今夜月先夢石湖行

過許墅

行行隨釣侶倚棹問鱸魚白鳥晨光淨青蘋水氣虛帆
檣懸露葉關市盪風旗望望吳城近烟花繞闔閭

花園子

花園子花樹青滋培領得春風情世代相傳橐駝業賣
樹賣花衣食給一年賦役半入官妻孥僅免饑與寒繁
華易歇春易老金谷平泉莽烟草何如花下酒一壺四
時佳興無時無

晚次虎丘

海湧山前暮維楫涼風蕭蕭下山葉綠崖碧殿生夕陰
梯雲石磴捫蘿躡翠挹浮嵐乍有無劔池龍氣還嘘吸
蛾眉往蹟成劫灰榛莽荒丘空伯業胥江東流日夜聲
千古興亡嘆何及憑虛咲引雙玉甌山月侵衣露華濕
子夜四時歌四首

春風吹柳花輕盈襲羅綺飄飄蕩子心不渡湘江水
池涼雨淅淅水綠荷青青上有並蒂花下有雙魚行
孤鸞掩青鏡淒絕梨雲夢梧桐露井寒關山月明共
皚皚吳地雪悠悠玉關思歲寒阻芳訊欲寄青松枝

吳歛四首

迎郎復送郎還隨女伴入橫塘花枝綽約含愁影
軟袖輕盈帶遠香

輕舟泛泛水泆泆掠亂風鬟半髻雲采得白蓮花朶朶
澹妝不妬石榴裙

湖中競進采蓮船湖上看花簇錦鞦空翠濕衣風葉亂
水珠蕩漾不成圓

荷葉團團綠滿塘荷花拭拭明妝盤渦瀾瀾雙雙戲
采袖蟬紗冉冉香

宴若餘亭次俞克菴太學韻

高爽煩襟豁傳觴日未曛穠花迷狹徑空水淨流雲傳

味崇珍饋吳歛寔曠聞地偏真隱在幸此挹清芬

夜坐書懷次克菴兄韻

秋半涼生漸雲空月正懸商聲淒木末蟲語聒愁邊倦
跡同飛鳥荒吟愧噪蟬授衣寒節近惆悵百情牽

俞氏中園賞玉蘭花

春風吹送玉蘭香促席花前對舉觴舞態絕殊紅拂袖
鉛華不染素娥粧與酣浮蟻臨流水歌送啼鶯出畫墻
珍重高情多慰藉不嫌潦倒任踈狂

次韻克菴兄夜坐之作

露冷衆芳歇林踈群籟生隙駒憐節逝熠燿見宵行

漢斜光遠關河夜氣清攬衣詩骨瘦歌枕夢魂驚白髮
懷猶壯青燈眼倍明自知緱嶺隔何處紫鸞笙

潛坤兄七十自壽因次其韻

夙成詩骨本來臞坦蕩無心涉利途顏巷清風迴俗轍
程門素業守師儒微吟命酒皆成趣雄辯驚人似近迂
束髮論交今白首高明常藉破庸愚

蓮蓉晚歸

歸晚看山興轉濃禪林微度夕陽鐘青春老去忙頻過
好景年來得幾逢潦倒放歌驚翡翠空明擊楫下蓮蓉
松陰十里西神路回首烟蘿紫氣重

贈吳僧同石和是堂韻二首

早入空門已証禪玄虛更覓洞中天由來萬法都無二
水月千江共一圓

叅透虛空不離禪何須此外更尋天要知第一西來義
直指人心覺性圓

送吳僧同石安禪東林

久厭紛埃擾來尋背郭居白雲流淨榻黃葉下秋除法
侶香花共禪心水月虛三乘開覺道問訊莫辭予

九日追悼魯泉

常年此日憶登臨無復黃花共賞心舊雨再逢難共
此

停雲空自結愁陰朗吟風月人何在長笛關山恨轉深
惆悵獨行潭底影暗泉聲斷少知音

問菊

問訊東籬花有無汀蘭岸芷半荒蕪獨憐歲晚寒香好
勿使秋深野興孤風色漸高催短景雁聲早已度南湖
芳時正及初開候莫負陶公

同斗南侍御西溪探菊

卜郭尋花共故人酒家分得一壺春託根莫道移時晚
簇錦初看潑眼新驄馬野情停上駕鱸魚溪興問西津
相逢休惜花前醉彭澤當年迹已陳

送同石僧還吳江次是堂公韻二首

梁清溪上別歸路指吳山水遠情何極途窮老益艱野
雲隨浪跡霜月照離顏白髮諸緣在青蓮不可攀
百里東吳道雲歸江上山茲行非遠別從今未爲
雪添新句青春駐舊顏又知方塔勝何日共歸
十月朔日吟仙閣宴會有懷鶴山

搖落歲華晚初逢月建陽看山還紫閣對菊又清觴鶴
遠人何在棋閒日自長莫嫌良會數衰鬢各繁霜

贈希簡遷居

移家元是舊圖書更喜身強六十餘雅操尤宜居有竹

安貧不歎食無魚青衿化雨常懷德華屋春風嬾
千古子桑遺範在賢聲今復振鄉閭

又次韻贈俞繡峰

幽栖新葺水東園候客嘗開剪韭軒碩果飽霜輿得載
嘉蔬培雨槿爲藩喧闐城郭囂初遠古樸門墻蔭正繁
林壑淹留知不久鳳翔千仞足徵言

是堂乃兄有贈故云

守歲二首

挑燈深坐續爐薰新舊年華此夜分白屋清貧甘自守
踈慵不作送窮文

溫溫木火地爐紅斗柄初廻漏在中此夜年年除未盡

蓬門依舊領春風

寄問瀛厓海棠

海棠春色近何如想像紅妝片雨餘
點筆漫題青玉案
掩扉不欸碧油車日隨病酒惟高枕
除卻看花懶曳裾
老我本非題鳳客携壺相訊莫辭予

題俞李臺折枝玉蘭

漠漠雲陰晝不開看花閒過李紳臺
娟妍素質春誰並
雅淡瑤枝曉折來色潤恍疑崑崙玉
香清遠過隴頭梅
風流無復陶承旨遙憶秦娥夢幾回

海棠再次前韻

東風初信雪初融
臘尾春寒未肯融
光暗空林
欲徵春色燒痕中海防
怕恐兵燹息民
還期歲屢豐
老眼乾坤生意在漸看紅杏在花叢

后渠之館留別仍疊前韻

蚤梅初見破椒紅
草閣題詩送馬融
晚霽雪檐如聽雨
新年桃李又春風
山靈回斗晨迎客
劍氣衝星夜吐虹
三月艷陽歸正好
還期花下一尊同

雲源朱鍊師畧篆次韻奉贈

索郭無心一太虛
雲深深處養胎嘘
暫飛海上三山鶴
來視人間九曲書
洞府豈能淹吏隱
蓬萊行復襲仙裾

浮生未問餐霞訣白髮青藜愧腐儒

花朝過三徑草堂因觀魚於東濠

日值花朝未見花柳風寒帶草堂斜緩尋春去出溪池
網得魚來問酒家貧老烟霞無長物分甘藜藿是生涯
光陰忽已春分候且對芳樽閱歲華

和秦從川懷伯兄東歸紀夢

拂衣未卜夢先回消息真傳自楚來萬里江湖收戰
九龍猿鶴絕驚猜蘭英秀衍芬芳遠棣萼春深
白首二難難老日南山相對日銜杯

三徑池上獨坐候客

池上虛亭獨坐時東風吹動碧漣漪殘花委地春無力
灌木連陰午正遲世事歷餘蒼鬢改機心忘盡白鷗知
故人有約休相負轉眼芳菲又過期

晚逸失偶奉慰四首

琴瑟相諧五十年白頭忽爾斷水弦由來造化難齊物
莫向東風泣杜鵑

少年結髮事良人偕老相依敬若賓花落已看成碩果
不須惆悵惜餘春

七十年來別細君遠觀自可慰酸辛紅顏薄命知多少
白首相遠得幾人

不用悲傷嘆鼓盆
擇龍春雨又生孫
古今代謝尋常事
莫遣花前負綠尊

寄懷竹沙山人

竹墅春深沙雨青
楊花落盡水流萍
隔離野色分蒼靄
入戶山光擁翠屏
泉石清癯憐獨鶴
風塵衰鬢嘆雙星
西神松嶽雲千頃
何日相携共斲苓

悼楚藩左史王龍淵

關河曾記送君時
照水荷花惜別卮
千里相望雲臺月
十年不寄嶽陽詩
賈生白髮歸何晚
司馬青衫淚欲滋
故舊漸凋今有幾
傷春不忍聽黃鸝

朱瀛涯杜鵑試花因以賦贈

綠絲分移二十年
今年花試草堂前
託根喜得陽春地
質誰司造化權
次第紅芳空譜豹
依稀丹淚染啼鵑
江南種來伴瀛洲
陸地仙

立夏前一日訪竹沙

扁舟載酒送餘春
菘竹沙邊訪逸人
黃鳥聲殘如惜別
刺桐花發又迎新
陰繁積雨桑疇暗
浪鼓和風麥壠勻
蚕事未闌農事急
村村非復亂離民

過鄧園有感

園池雨霽綠蕪新
鶯老聲殘欲暮春
此度又來前度客

看花不見種花人，青蘿補屋空遺業。粉竹穿籬過別隣，
興廢由來元不定。如君如我獨傷神。

秋日問菊於爲山翁丈，邂逅同石上人，因留竟日，
爾短述。

秋盡霜氣肅，墮擗淒寒風。林巒衆芳歇，菊有黃金
幽發。孤興訊彼南陽翁，翁夙雅愛客，繾綣情靡窮。因之
展瑤席，呼兒刈園菘。青菰及綠醕，屢出山厨供。儒餐自
恬素，鮮肥疇與同。庭下花韡韡，光彩春融融。眷言惜遲
暮，祖暉迅浮淙。人生寄天地，飄浮類萍蓬。遠觀貴取適，
不事憂忡忡。吳江有禪侶，邂逅何從容。至言啓蒙昧，少
悟忘色空。慚予久迷復，一見茅塞通。良晤豈易得，道契
尤難逢。白社不我棄，他日還相從。

送春晚歸作旋風吟二首

夕陽歸棹半吳歌，依舊春遊樂事多。記得去年方避寇，
豈知今日又清和。

豈知今日又清和，荏苒春光去已多。惟有青山常不改，
夕陽歸棹半吳歌。

三徑草堂坐雨

門掩薔薇兩杯香，竹葉春吟談同逸。侶農圃接芳隣，
綠
深巖鳥幽花笑近人。白頭楊伯起，交晚益情親。

蓮塘晚酌

蓮塘涼透雨晴初，萬綠千紅錦未如山。
照斜光低樹晚，水雲流影傍花虛。
羽飛野酌觴無筭，艷鬪吳歌韻有餘。
樂事賞心民物共，風烟非復舊郊墟。

奉懷一齋鄒山人

龍涇旅寄想當年，伯仲蘭金義共堅。
風月曠懷忘爾汝，鶯花漫興幾詩篇。
青春舊識今何在，白髮相看老自憐。
去日繁華休嘆息，道鄉松菊尚依然。

七月二日出顧橋港

葦航泛泛午風輕，曲岸陰陰樹底行。
沙鳥泝流如候客，

野花隨路不知名，雨餘耘耨多閒暇。
兵後鄉村始樂耕，六月又過徂暑候。
香分黍稌報西成。

七月十五夜月

暑雲收盡玉輪浮，萬里清光十二樓。
觴咏直須通此夜，陰晴未可擬中秋。
人看明月常常鏡，月咲吾人漸白頭。
海窟廣寒知幾許，乘槎欲作弄珠遊。

十四夜雨後東樓待月

獨坐山樓舉一杯，小窓空向月華開。
斷雲吞吐明還暗，微雨稀疎住復來。
千里清光虛縱目，一年好景負登臺。
明宵端望一輪滿，長笛風前醉落梅。

九月晦前一日山行

舊約重陽已負期抄秋風景亦多奇
丹楓不減春花好酣橘猶餘晚實垂
鳥下平林雲共遠僧殘古院茗來遲
登臺更有携燈興回首鐘聲隔翠微

立冬前一日至山中

竹院僧殘後寒山客自來
秋從今日盡花向小春開
谷響傳清籟松陰藉紫苔
幽期還歲晚爲問雪窓梅

子月六日吳竹沙初度

叢菊花寒小雪天山入初度
啓初筵匏尊光灑春雲暖
林橘香分曉露鮮舊憶桑蓬懸
此日即看六十是明年

除夕

絳臘清酤欸歲除沉沉更漏夜
窓虛行藏老大無餘
六十年來尚敝廬流俗相沿仍
爆竹故人交際只新書
南枝已得春消息雪後寒梅喜
漸舒

人日立春

喜逢人日又逢春物候風光滿
眼新行樂莫教虛好景
尋芳宜早趁香塵鬢邊白雪從
伊老花下清酤不計貧
詩草奚囊無定跡雲山隨處任
吾真

壽朱瀛崖六十

春風初到紫陽居六十欣逢歲
閏餘蒼鬢散人怡水石

青雲多士藉吹噓，下章詩草臨池墨。四序庭花滿架書，物外清緣多自得。尋常不造綠尊虛。

雪後觀瀛涯海棠

石闌紅入海棠嬌，乘興來觀雪半消。問字久踈前度客，迎溪猶記昔年橋。東風又復催花信，晴日徐看變柳條。荏冉春光隨逝水，賞心莫遣負花朝。

春分日山行志逸留坐

催人歲月信如流，春雨新晴試一遊。芳草瀾邊侵碧溜，杏花墻角見紅稠。滿懷春意元無競，發眼韶光不用求。雲白山青春未足，歸時日尚遲留。

次竹沙燕志逸韻

二月梅花學雪飛，山人留客閉岩扉。溪魚入饌銀鱗細，野菜登盤翠甲肥。老去欲尋勾漏訣，年來久息漢陰機。五陵裘馬非吾有，隨意春風白苧衣。

送志逸張翁遊茅山

三十年前憶勝遊，華陽曾被白雲留。水流不競桃花片，風陣輕翻柳絮毬。好景送君仍此日，點衣涼雨更如秋。蓬心飛越三山路，人在青霞十二樓。

送三徑楊翁重遊廬山

勝遊久已別匡廬，今復江湖縱所如。藥餌隨緣供服食，

萍蹤到處混樵漁。三山遠指孤飛鶴。五老西迎一蹇驢。
白鹿洞雲元舊識。臨風還弔紫陽居。

四月八日華藏感舊

湖山舊識青蓮界。此日空懸白社情。廢院久荒蘭若地。
題碑蕪沒太師名。曠懷風月憑誰領。浪跡鳧鷖待我。
好弄扁舟隨釣侶。烟波萬頃一絲輕。

鶴樓贈黃鍊師

踈跡何須事遠求。地靈隨處有仙樓。笛聲吹徹梅花
萬里長風一鶴秋。

先秋一日述懷兼謝迂泉翁招飲

井梧搖落解迎秋。風色淒其逼小樓。暑氣漸收連日雨。
晴光微帶斷雲流。素居每切無衣歎。艱食難忘潦水憂。
珍重故人能慰藉。暫憑尊酒破窮愁。

不寐聞雨

永夜耿不寐。悠悠重我思。未堪愁絕處。况復雨來時。室
罄無餘粟。衾寒待纈絲。衰遲兼薄劣。誰爲恤吾私。

贈張志逸初度

去年記得壽君時。菊有黃花酒有醜。改歲未凋青鏡髮。
南山仍對紫霞巵。世緣不染惟心逸。雲跡無羈任所之。
即此便爲難老計。長生何必問安期。

和海村乘日樓韻

東郭日杲杲薄霧晨漸收
林踈耿霜葉紅入青元樓
欣遘黃鶴侶玄談興彌幽
仙游忽陳跡鶴去雲自浮
達士本夷曠未解齷齪
愁開尊面叢菊采采花
作籌良朋愜雅會好鳥音
相求遐觀緬瀛海更欲登
高丘塵宇久脫屣不逐聲
利倚問梅有佳約還放清
溪舟

夜坐

寒雨蕭疎弄晚晴西風吹
送遠鐘聲燈花解喜迎人
咲詩草關愁對酒生白髮
霜欺搔更短青囊業薄老
無成清緣未了鶯花債隨
意雲山且放情

巳未人日

去年人日正逢春今日逢
人春又新歲
雨霑細草綠初勻倏驚歲
月終還始
行樂儘餘春興在鶯花休
咲白頭人

折枝玉蘭二首

最愛名花是玉蘭城中能
得幾家看風枝故作霓裳
舞絕勝當年白牡丹

玉骨香肌迥出塵折來端
合贈幽人芳菲一任多紅
紫誰信山居別有春

清明後三日問花於仲山仲山適出

問花時已過清明花萼相輝雨正晴仙侶未逢王子晉
麗人如見董雙成錦香合圃春風轉蜂蜜歸衙午陣輕
雲杏露桃天萬里故園且適暮年情

晚坐

毒熱晚稍却殘霞欲斂紅移床欣就月掃石坐宜風雨
后愁仍破酣餘茗屢空颯然秋已近涼意在梧桐

中秋十一夜瀛涯書屋坐月

近城華月向幽居薄葛猶存暑氣餘涼樹暗驚風鳥散
晴雲不假雨龍嘘徐聞清漏傳銀箭漸逼寒光照竹書
飲量已充猶強進高情肯爲故人虛

又自限韻中秋待月作

年年不負此秋期華月清尊兩自宜光映顏顏難却老
寒侵詩骨愈搜奇誰家歌管翻新調幾處關山惜遠離
遷坐不知良夜永滿庭風露任淒其

秦鶴亭卧病聊用寄懷

南塘叢桂鶴亭秋記得尋花路轉幽一室尚餘龍德隱
十年不侍鹿車遊多君惠顧勞青眼愧我風塵漸白頭
病骨春來知愈健雲山莫謂倦登樓

春日茶夢閣與姚子話舊

顏巷久不到門深綠草春曉來山閣雨驚起夢茶人遲

暮交期遠江湖往跡陳青囊慚未廣白髮爲誰新

春陰用石村陳子來韻

亂雲漠漠掩晴烏花鳥關愁樂事孤山寺久虛東郭履
茗泉空負玉川壺樹交香雪開穠李春鼓條風起病梧
不獨青林時雨足餘膏兼潤藥闌枯

睡起同前韻

夢枕春聲破曉烏擁衾蕭榻坐來孤山當簾戶看成畫
林媚鶯花欲挈壺香露潤沾荒砌藥綠陰斜映小窓梧
病醒未解思吞海茗碗頻澆渴吻枯

自况再用前韻

不問南飛鵲與烏樵山釣水興難孤行厨飢煮青泥甌
荷鍾春隨石凍壺兼置自甘樗朽質知音誰識尾焦梧
衰殘未遣詩魔累轉覺年來藻思枯

次韻壽鶴山道人

朱塵飛不到山家瑤草春風幾歲華綠飲法吞青海月
鶴歸常帶赤城霞雲隨藜杖時尋酒壺香雪烹茶
千載玄都遺事在仙桃今復見初花

雨夜宿洞虛山房

閣夜鐘聲動燈殘花欲飛雨寒侵蕙帳雲卧怯荷衣
躑躅僻埜情淡寡謀生事微觀空超罔象業已破玄機

曉望支硎山

曉發看山興推蓬日射窓雲空開四野地勝接三江荇
帶牽絲亂山螺擁髻雙闔閭千古恨劍氣爲誰降

九日魯泉見速登高次韻二首

秋陰山興半銷除此日晴開興有餘珍重故人能枉駕
不煩折簡寄雙魚蟻浮萸菊寒香酒鹿引柴桑日暮車
隨寓竹藏皆樂地乾坤何必問盈虛

載酒梯雲歷上方醉酬佳節又何妨朱塵不到蟠龍地
紫氣常浮起鳳岡極目三吳空震澤振衣千仞罄餘觴
山樵應笑歸來晚無數黃花短髻傍

鶴山過我觀菊失于邂逅用是再期

君來訂我看花約我出尋花不遇君好及幽期還作伴
休嫌嬾性故離群庭分秋色金莖露錦奪天機玉女雲
莫道白衣無好事酒香新秫可成醺

燕後二日訪鶴山承以餘尊見留次韻紀興

野性耽踈放幽期愜遠尋人逢三島客鶴送九臯音叢
菊留花晚寒香伴竹深山樓供眄眺倚醉日初沉

丁未元旦後二日梓巖草堂問梅二首

南郭陽春見早花草堂依約老逋家山人不問山中曆
笑指東風領歲華

折得南枝第一花春風到處是吾家
轎車不逐香塵侶
隨意芳尊對物華

次韻薛終慕卜居

城市山林愛索居新移東壁舊圖書
門無宰木千章列
地有儒宮一畝餘
花鳥野情常自適
石田生計未爲踈
不才吾獨慙淪棄
老大窮巖一朽樗

終慕喜得晚子次韻贈賀

吉夢昔曾占太史長庚今復應
懷春瑞芝晚秀香雲繞
仙果東來紫氣新
積善徐卿應有慶
探環羊祜豈無因
古今重噐非凡質
廊廟他年看表鈞

春巖鄒子主鶴山師席喜而賦贈

一笛仙風正落梅
寒巖吹律喜春回
青霞有伴同賓主
白鶴無機自去來
揚子草玄多問字
淮王招隱廣掄才
他年記取傳經地
蒲院桃花總舊栽

同梓坡昆季花下暢飲

瀆南流水灩新陽
一樹荆花舊草堂
此日連枝同宴會
不須春草夢池塘

送陸雲濤表兄教授台州

千里携書向赤城
滿城花柳近清明
冷官再捧燕臺檄
髦士重聞魯鐸聲
魚藻春涵芹水潤
鱸堂人比玉壺清

桃源自古神仙地吏隱于今復擅名

山行次韻

溪水練相似雲山畫不如踏青忘野燒采秀入烟墟鳥
乳芳春候林繁積雨餘良辰每乘興遊跡未爲踈

酬石村陳子兼識乃婿秦子擢魁之喜

春來久曠故人書珍重瑤緘託鯉魚舊雨聯床如對面
玉山芳樹想幽居門清過客從車馬草綠閒庭倦掃除
近喜乘龍有佳婿忽從天上獻驪珠

復次前韻

抱藝年垂暮談經道未貧青燈延舊雨白髮惜餘春

業今承昔交情久若新干時非夙志在野願同人

陸小崖宅賞牡丹時有內喪

南郭尋芳幾扣門鼠姑一見若溫存當年培植思耆舊
今日看花到子孫春透錦雲明老眼曉翻清露濕啼痕
主人好事今猶昔又向東風醉一尊

倪守溪邀賞牡丹次韻

春花誰占玉樓先綽約紅妝曉鏡妍傍檻亞枝擎雨重
覆簷叢薄任風顛玉環供奉當筵舞銀燭留惟入夜然
珍重主人連下榻不辭信宿對花眠

愁雨二首

忽忽春垂暮淹淹雨未休
蚕眠多惡濕麥秀半無秋
漁父知魚樂山人切杞憂
空餘青眼在雲樹倦登樓
未及黃梅候應嫌穀雨多
來牟俱損穗溝洫欲成河
野有荆葵嘆民無瑞麥歌
何當啓閭闔拭目見羲和

吳小峰新居

小橋橫跨水雲東
蘿屋蒼苔曷徑通
生意不除庭草綠
秋期猶見海榴紅
新居卜築城闌僻
舊雨相過笑語同
後會乘閒好來此
花時莫放酒杯空

契琴尤子玫瑰至秋復花喜而賦贈

仙種傳聞到玉臺
兩年花作一年開
花神解報重重喜

如有熊熊入夢來

吟仙閣與楊三徑錢鶴山談玄

仙樓邂逅三山客
坐久不知風雨來
雲榻秋生侵病骨
藥爐烟濕護丹臺
跡隨泛梗身如寄
話到無生世可哀
何日相尋蓬海去
青霞白鶴共徘徊

中秋初十夜與一葵蓮庭坐月

今夕是何夕中秋五日前
晚涼蕪早月卮酒近池蓮
勝會休辭數清光漸向圓
芳時莫虛度華髮易流年

十一日從吾有約不至

坐月久相待故人期不來
蘚堦露露滑葵戶映花開
獨

夜誰題鳳孤吟且覆杯銀河渺無際遙憶濟川才

十五夜月

此夜月方滿一年秋正中乾坤青眼別今古賞心同蟾窟金光溢龍門海氣空仙槎可乘興直欲駕長風

九月望日放棹進詩溪抵九龍第一峰登崖

老益溪山興登遊不厭頻肅霜林脫候秋水野航入菰葉妨垂釣蘆花失舊津前峰九龍近松徑入嶙峋

鶴山首舉蔬筍會次韻

黃葉空庭晚秋陰紫閣斜我來宵聽雨曾記燭籠紗待叩寒山竹還烹雪水茶一杯聊此日幽對隔離花

閏月重九

閏秋餘九月今日又重陽好景人稀遇新醅橘正香摘萸仍記節尋菊更携觴日月隨流逝登臨莫厭常

是日楊三徑邀過是堂公園池感舊寓懷

城市山林地相過憶去年葛衣當暑候梅雨晚涼天采菊同仙侶烹葵結淨緣故人吳楚別回雁隔湘川

讀法華經有感

清淨妙蓮華誰人識自家六通迷覺道四大汨河沙彼岸非難到浮生豈有涯何當離火宅門外即三車病餘少阻花興次韻東周一葵

常年作伴共尋花花信今春隔綵霞伏枕病餘司馬渴
臨卽酒負美人家綠陰寂寞徒增悵紅紫芳非亦浪誇
窓草滿前生意在一杯猶可答韶華

睡覺

睡覺衾單更覆衣斷鐘殘月曙光微春歸有日寒猶在
老去無心夢亦稀又雨簷花方住落風高雲葉故應飛
送春莫負扁舟興楊柳晴溪綠正肥

端午前一日小峰書屋宴集

節近淮南午朋來季子門榴花嬌對客蒲酒預開樽歌
嘯情逾洽淹留日欲昏凱風醒醉眼高枕石床雲

奉次陳石村拈芳園見寄

爽透風迴圃陰繁雨過林幽亭浮白興永日草玄心勿
藥猶清癖無絃自素琴鹿門追舊隱今古一冲襟

聞竹沙吳山人輦結社喜而賦贈

碧社久不作青山若待人柴桑新結侶花鳥舊同春尚
友心懷古相依德有隣何時尋逸駕問渡水南津

送王長史之任楚府再次前韻

雲夢秋風送綵旟到時應及桂花初禹門遠切登龍望
官廩清分養鶴儲王氣北瞻雄海嶽文光東壁映圖書
崇階特進君恩重鞶帶橫金佩賜魚

贈癡愚懶人

得失雞蟲何日了，小痴大黠總爲狂。不違願學如愚子，懶向人前說智囊。

酒餘竹窓卧吟

冰簟藉高枕，閒窓背竹眠。雨收殘暑氣，涼愜早秋天。草帶碧如織，花枝紅欲然。興闌仍命酒，席地卽爲筵。

十一夜雨後醉歸待月

宿雨晚初霽，青天月未來。醉歸幽興在，坐待濕雲開。暈彩猶含魄，餘懽欲舉杯。豪吟對影誰，是謫仙才。

十二夜雨甚燈下次韻

淫雨妨明月，飄風起暮寒。新愁憑酒遣，舊稿向燈看。漏屋青囊濕，秋衣白苧寬。此心明不爽，猶得靜中觀。

十四夜人靜月斜移席向明而酌

故舊連宵燕，誰云會不常。倒尊將落月，移席借餘光。通市人初靜，寒譙漏正長。關山明萬里，又客幾思鄉。

復和清宵不寐韻

蕭然病榻苦，更長欹枕虛。窓月色涼肌，骨轉於愁裏。瘦繁華徒向夢中忙，他鄉音信無。陽鳥繞砌寒聲聒，露螢紙帳卧雲清。不寐呼兒數起候晨光。

暑雨

暑雨曉澄霽卉木滋華敷火雲鑠炎宇發育神功膚眇
隰被豐澤橫縱匝溝涂桔槔輟衡宇耘耔趨萬夫乘時
敢云懈勸力爭歌呼眷茲務穡勞疲苾良愧吾蕭齋愜
幽獨菜竹姑且都薰風更徐至恍然涼思初暄寒代相
禪歲月嗟易徂

風雨阻宿三埧

荒村風雨阻歸舟落葉蕭蕭逐水流樹杪寒聲驚客夢
蓬窓燈影伴離愁天時變故應難料世路行藏不自由
爭似沙鷗栖息穩蘆花深處任悠悠

和是堂公御風樓燕集韻

樓高架瞰重城風散輕雲雨正晴宦轍已酬經國事
隱居深遂暮年情杜門地僻心逾遠點筆詩成句益清
好景况逢橙橘候當歌酒斝莫辭盈

三徑楊翁壽幾八旬而闔相又屆古稀君子好逑不
多讓也因贈

七十由來人罕遇雙登壽域世尤稀椿雲藹藹團傾蓋
萱日輝輝照舞衣五世遐齡仍濟美百年偕老又相依
格天共享平康福瑤婺祥光映少微

和澄源王子南禪晚步韻

朋游久別招提境聯袂登臨共野情滉漾濠波城堞近

陽明詩集 卷之三
三
荒茫暮景歲時更殘虹截雨吟懷壯逸抱凌虛劍氣橫
出寺不知歸路晚澹烟清磬送寒聲

壽秦愛竹初度時九月十八日

與君同歲是庚申曆甲周餘又六春更喜懸弧當令節
徧開叢菊始經旬萊衣競舞龍門子觴羽頻飛燕賀人
笑指南山期共老桃源何必問通津

壽致靜許翁七十

道義論交五十年兕觥初獻古稀筵無心利祿惟行素
隨意簞瓢自樂天白髮弟兄誰二老青雲事業羨諸賢
不須遠覓丹丘侶尚友烟霞

惜陰館謝來是堂主人

絳帳豈能追往哲素餐恒自媿非才即看急景隨流水
將見東風變草萊風月雅懷時覓句壺觴漫興幾登臺
龍門悵別情無限他日還期問字來

守歲

夜闌深坐酒無巡明日年華又屬新暮景孰爲青眼客
春花應咲白頭人慙無長物囊空在喜有閒情鶴與隣
藜杖東風隨步履溪山到處是通津

立春

條風初動早梅春春入衙門不厭貧展曆又逢新甲子

看花仍是去年人浮雲世事從遷態老境閒情且任真
山郭水村皆樂地尋芳載酒莫辭頻

元宵阻雨

春宵燈市擬觀游豈謂天時不自由踈雨濕衣妨步履
洩雲歲月阻登樓乘時取醉情猶在徹夜行歌興莫酬
來夕餘懽仍可續星橋火樹未應收

新春言懷次潜坤韻

去年山館託隣居往復詩筒日未虛抱拙空餘吟癖在
論交轉覺世情踈雅敦夙好偏憐汝時有清詞獨起予
雪調陽春誠寡和故人休訝久無書

是堂公以蠟梅之詠見貽次韻

綠野光風轉寒梅愜賞心種竒殊雪能樹老半苔侵
日烟初暝清宵月可尋獨餘幽興在芳酌不辭深

續成三徑翁首倡花朝之句兼訂社約

燕山釣水醉花朝宅近涇南第一橋閨藥雨培芳半折
春漲雪初消獨憐歸興開筵蚤共荷高情折簡招
更期終袂日莫辭狂駕賁蓬茅

春分偶成

春分月逾半春光此日分崇桃紅欲拆細柳綠將勻
林
東
初旭山晴起卧雲物華殊可戀釣侶惜離群

春夜喜陸山人見過

春宵喜得故人來，呼取新筇勝舊醅。
曠遠別懷從此豁，支離愁緒一時開。
吟多不覺殘燈暗，話久渾忘短漏催。
山寺舊遊三月暮，振衣湖上憶登臺。

陪迂泉翁賞海棠韻

濛濛花雨晝生寒，乘興衝泥未覺難。
延賞久應留客坐，半開雅稱及時看。
天成景色堪浮白，睡醒酡顏似渥丹。
清夜不須燒燭照，月明香影到朱闌。

新安道中

海亭新築一扁舟，披瀝沙樓白鳥臥。
柳枕滄波岸

火明漁榜溪風引，棹歌催程雙槳急。
遙指入烟蘿

歸舟喜晴

昨夜孤舟雨，茲晨喜乍晴。
問津知市近，蕩槳遡洄輕。
雲日涵波影，林風送鳥聲。
艷陽春正好，慰我客途情。

和迂泉梅杏二花來韻

韶光已暮尚餘寒，花信遲遲故作難。
清艷不隨春共老，殘妝猶自晚留看。
繁枝密布雙分影，佳實中含一粒丹。
漫興品題時點筆，行吟幾度繞迴闌。

雨中觀王晚逸牡丹

冒雨看花事亦奇，春光已暮放猶遲。
託根不棄清寒地

逞艷應憐富貴時玩物閒情忘世態同人佳興撒藩籬
雖無金屋藏殊色爲語東君好護持

四月八日憶華歲舊遊

湖上山亭憶舊遊蕪葭深處繫扁舟松門古寺今陳跡
世態空花總繆悠佛日流光如迅鳥人生虛幻等浮漚
清緣幾度能消受碌碌塵勞歎白頭

立夏日詠薔薇

花事半隨春共去薔薇接夏喜初開自全天巧成嬌艷
不假閨人費剪裁窈窕淑姿輸芍藥同儕佳友藉玫瑰
乘時花下當謀醉莫遣飄零後雨催

夏夜坐月

仲夏初弦月虛庭試納涼草蔬聊命酌牟麥喜登穰
腹安吾老康年頌彼蒼鄉村農事急秋稼願豐穰

次友人病中詠折枝牡丹韻

膽瓶分得鼠姑花虛牖迎風障碧紗晴萼輝輝含瑞日
露枝嫋嫋弄香霞病憐佳賞能延客殊勝平章不在家
萬紫千紅零落盡暮春風物更何加

次爲山子見寄

兩地分違各一方幾經春雨復秋霜舉杯久失鶯花約
折簡時傳翰墨香未得便鴻酬一札即看夏木已千章

何當共結仙山侶爲覓烟霞度石梁

雨中承迂泉翁江魚白酒之惠走筆偶成

杜門對雨檢農書方喜田疇霽霰餘深荷故人分美鹽
况兼入饌有江魚飽食鼓腹憐衰老細酌淹巡慰索居
酣睡小窓殘夢醒不知高枕是吾廬

雨中懷友人復疊前韻

近因勿藥暫拋書芳草池塘思有餘高隱且同羅嶺豹
幽栖時釣廣溪魚鳳城久駐烟花景龍德難淹水石居
憶昨扁舟維柳岸讀書深處識精廬

梅雨

梅雨連朝應候來甫田高下荷栽培看花時過春三月
祈穀年豐酒一杯擊壤可無含哺樂格天賴有濟時才
天瓢一滴霖千里燮理懸知應上台

再詠百合花二首

婀娜瓊枝若有情分芳不負麝香名閒窓坐對渾忘倦
喜得移來避雨聲

燕坐相看倍有情是誰品列百花名開時正及朱明候
不費當年羯鼓聲

喜梅雨

黃梅連日雨時植正宜農已見水盈澮還期日麗空未

須愁早鬢預喜卜年豐小酌傾盃綠衰顏借酒紅何當
一持釣溪上學漁翁

病中自遣四首

庭宇荒蕪倦掃除焚香孤坐小窓虛酣餘睡起渾無事
閒檢青囊一卷書

平生無毀亦無譽白髮青山尚敝廬自咲年來方技拙
臨淵空自羨游魚

多雨藥闌生事微掠泥巢燕故飛飛羣居飽食休聞
蛛網添絲默有機

梅雨彌旬小暑將時當炎燠尚清涼荒庭漚漚足

瓜蒞長來二尺強

贈吳君生子

吉夢長庚兆已先善鍾餘慶果生賢延陵世系宗三讓
旌節家聲閱五傳黃卷生涯應裕後青雲事業定光前
華堂燕喜秋方好良夜酣歌月正圓

自牧誕辰爲九月十六日因以賦贈

年年此日到君家節過重陽菊未花不惜綠尊供舊雨
肯辭丹臉襯晴霞壽徵南極天垂象光滿東樓月正華
主勸賓酬忘夜永嚴城擊柝斗西斜

和友人石塘宴會韻

湖南佳處漫停車紅葉凌寒玉露餘
咿喔雞聲茅屋近飄飄帆影水雲虛
牧兒引犢行隨草漁父鳴榔故趁魚
好景留人忘去住言歸不覺月明初

和社友賞菊韻

晚香甘節避春紅造化裁成錦百叢
綽約飽看霜落後栽培追憶雨深中
餐英甘谷遺風在采秀東籬逸興同
縱飲儘拚花下醉任教潦倒笑山翁

陳隱士集終

經金鉉業雙樹玉堂身况復歌征彙
相先繫爾麟

和施苗二子讀李將軍傳二首

生不戎功漢不侯文皇景廟戒防秋
貳師帶礪嫖姚印多待張生說斗牛
曳兵絡馬豈殊勲塞上旄頭卷黑雲
茂陵劉郎正好武策功寧負飛將軍

芙蓉

露滴天下秋雲暗江南雨采采芙蓉
花迎風向人舞

容義興廣福寺

十里春風棹迴橈一問津僧移洗鉢
水鶴避掃雲人野

樹禪房合山花石徑新我來非漫易端爲惜餘春

荆溪上

東風靜捲游絲長桃花半落流水香美人照水芙蓉裳
蘭橈玉腕擊波去欲來不來空斷腸

張公洞次答杭方伯二首

銅棺之西山欲窮山靈夜裂雲根空衝嵐無火路疑折
迎日有門天亦通隧道石牀消息遠龍雲燕雨泥塗融
春風擬載如澗酒再問真源到此中

石磴雲梯路不窮薜蘿深處石雲空人傳闢與風雷會
天鑿今於陸海通玉琢金追火齊出丹嵐翠壑春爭融

遙疑陰洞細烟霧多是車箱箭括中

晴海行贈吳廷綸

氣竭東南地維缺百川歸墟尾閭洩陰霾曠虺腥風寒
高濤亂卷夜不乾日華鼓轉咸池紅曜靈下燭魚龍宮
青霞倒射歛無迹珊瑚欲透玻璃碧天吳海若如燃犀
容光直徹崑崙西明明中天不私照河山大地虛朗曜
正明大潤被海隅坐令昏暝昭且濡海上主人樂觀海
披雲揭日挹光彩我歌得似彷彿無誰哉移入丹青圖
望斗山不果登呈王仁和兼柬陳石村用姚潛坤點

韻

此日尺書行塞鴻白帆朱舫入秋空龍宮雪濕晴亦雨
馬渡水腥寒帶風星野虛含北斗折靈根靜與西山通
恍爲十里青村路遙憶美人如夢中

問梅用陳石村點韻

歲晚長風吹客衣巾車寒叩白雲菲百花潭空冰雪冷
七日陽來消息微多情後會春事動有夢已逐羅浮飛
倚醉行吟盡東閣今夜玉人歸未歸

寒夜定韻

冰花食寒霜柳偏暮薄紫山生白烟劔拂青袍愜雲臥
帆飛牙檣乘月牽黃髮乾坤知履素疎簾信宿祗談玄

况茲今雨一尊酒風雅欲追清廟弦

來益齋擁爐

水落空江劍影寒壯懷不負鷗毛冠芙蓉火熟茶飛白
琥珀春濃盃逼丹鳥散冰巢愁並濕龍蟠雲洞喜重軋
相如况有長楊賦誰信風塵路劇難

發夕

雲白空江暮城深夏木重倒尊移翡翠鼓檝起魚龍吾
道非棲枳誰能問采葑茲遊正寥廓倚醉欲東封

道中

六月南湖道東風看水生柳深藏夢鳥沙白引孤城歌

扇晴薰煖漁舸落日輕牀頭有雙劍忽復作龍鳴

湖上

百道橫塘約雙帆入海天神來從灌口我醉亦花前歌
袖垂銀甲歸船擁白蓮斜陽泥初典相對說明年

虎丘

青帆白舫鷓冠斜紫閣峯前問落花今古品題歸鸞鷲
帝王陵寢屬琵琶轆轤雙井泉千尺閭闔孤城月萬家
莫信靈源有尸氣年年僧供紫茸茶

泊虎丘

虎丘山下泊問壑計吾曾山木千章合樓雲白尺層簾

看涼浴馬帆進夜歸僧幽意况無極酣歌憶杜陵

花園子

石網沉橐駝死春風先及花園子花園子賣花聲滿園
新樹猶青青荷鉏抱甕自朝暮古來石網今園戶花雙
瓶酒一缶橐駝有神知降否但願四時花不落黃封不
下賢太守花園子醉且誇看到百年能幾家教兒夜種
盆中檜明朝同看長安花

蓑衣仙人歌

九尾綏綏向南坐道君出關符錄火思陵趙九虛席左
僊經不錄責在我蓑衣仙人戴三朶門生天子尚徒裸

牙牌曉賜真人可金牌夜開壯士鑱五城梓宮誰解裹
百年莫挽厓山柁菴衣真人得因果玄都青草青無那

橫塘曲

東南風溪水深西北風溪水落水淺舟楫遲水深波浪
惡深淺妾自知郎心無厚薄青絲挽舟河柳長鴛鴦夢
冷芙蓉香鷄頭葉皺菱角短寶韉香動遊人滿玉釵金
佩越羅襦紅香汗滴青葱裾君子貴在無非儀妾亦豈
樂歌大隄春風東來鴈北去來問橫塘雙鯉魚

子夜四時歌四首

妾身如柳枝郎心如柳絮風枝空依依花飛復何處

荷花滿前池上有雙蓮子摘取待郎歸願郎復如此
月照梧桐枝形影兩在地祗恐一夜霜葉落枝空倚
郎雪天上冰妾冰水中雪冰雪本同生何有天淵別

采蓮曲四首

吳門女兒宮樣妝荷花雙臉綠羅裳輕裾玉腕擊波去
不是常郎亦斷腸

二郎祠前多異香石湖湖邊多女郎翠袖濕雲金鈿落
白蓮爭采並頭房

大姑十五嫁王昌小姑十二深洞房年年六月蓮花發
一樣橫塘新試妝

去年郎在蓮正芳今年郎在徒旁皇妾心雖比蓮心苦
妾思猶勝藕絲長

拈芳亭詠物十二首

玉軸光涵蠹夢山人曉破蛛封鄴棟虛光萬裏少陵已
足三冬 右書籤

玉幄丹花粉蝶朝川落木鮮雲不上黃岡石竹正浮朱
閣春芸 右畫筍

孤雅欲追清廟行藏獨倚滄洲天入江山有待春來花
鳥深愁 右詩筒

天光浮碧巖巖綠烟碧引春空試論太丘殊品當推竹

屋元功 右茶竈

綠綺琴張衣露清齋寒帶春星一自猗蘭人去歌留大
雅希聲 右琴臺

庭草雨荒深碧石花風約紅飛清簟踈簾玉局幽人靜
日閒機 右棋石

寒月欲墮不墮客子天涯水涯無筭深杯竹葉寧辭枉
笑蓮花 右投壺

散帙聲流白露捲簾人倚青山無那柳州刺史風豪命
斬倭觥 右燕几

螺甲雲空燕寢水沉烟散江南少室幽人索價博山居

士同驂 右陶鼎

有客且留剪韭無人道看花太白春深桑落誰敲竹

瘦山家 右瘦杯

才擁朱衾具草夢回莞簟生花豈必策勳殊域當憐臥
遊五車 右筆床

圖象金追玉琢文章翥鳳游龍若有鬼神呵護何如河
洛陶鎔 右印函

席上分韻得歌字送楊將軍

江門開祖帳其柰別情何勝國消金甲樓船擁素娥朝
花青玉案細雨鐵錢驪泗水旌旄盪汾陽開濟多長年

催去鷓落日奏靈鼉萬里春風道離歌亦凱歌

春日山行分題得鳳谷泉

鳳翥千峯迥泉飛百尺長靈源兼雨出細石帶雲將閣
夜星河動山春草木香因悲在輪鞅落日倚滄浪

畫蟹

西風吹水落魚床離黍荒萍九月霜公子莫悲秋索暮
獻師圖品入鮮芳

觀王進士畫扇歌

憶昔五雲之樓觀君丹青圖已覺神飛出鉛觚天機霧
縠積盈尺彤管霍霍走湛盧林華失色山石裂日月卷

舍江海泣青門落日載筆行青門主人忽倒屣玉筍檢
出白楮團七寶錯落栽齊統江南風生雲遁壑海棠倚
醉秋闌干水仙葳蕤棟英紫鱸鮪潑刺窺翠羽虛堂清
夜垂華鐙玉枕粲粲堂下雨我歌君且畫我畫君亦歌
高山落空瀑錦袖來青娥小山白露長安宮春雷聞聞
驚臥龍安得繫此西飛之赤兔坐令青海百折吹長風
石村阻風望虞山
楚天風雨夜不斷行帆盡染花間雲寒沙走白江岸折
陰壑散青蘿竹分草堂飛管已信宿春山隱几空氤氳
津酒明燈亦自喜雷聲無那隔溪聞

問津訓友人

沒海探虬珠把劍向東漁斬山抱琅玕拭目迎晶輝矧
茲平旦發脩途阻前期捉衿訊故老爲辨烏雄雌周道
復如砥咄嗟何忘岐願附青冥翮未言澹忘歸

白湖曲

金刀淨剪青天雲東風百丈桃花津醉拍銅斗出青門
吳歌越歌湖上聞南帆北帆柰落暝

湖上有僧號西閒者因贈

白馬寺前飛赤烏蒲月優花老苾芻游子東來問江水
袈裟濕雨上春艫

泊崇福寺

兩白湖上樹春鐘近楚冠天浮海色夜雲動法池寒我
醉消金甲漁歌倚釣竿山行正明發相擬折青蘭

五君子祠五首

祠在海虞山下

玄鳥造天攻牧宮述坤乾前有尹與陟后有咸與賢
茲六七作世際明良篇嗤彼不經此三累此懷璵璠尚鬼
俗未已流風邈千年

右巫咸

姬亶寔翦商伯遜季復賢文身匪變夏善處伯仲間志
在王昌發基此八百年嗟哉李元吉令人欲忘言

右虞仲

高夷習文裸賢者且不免文昌鬱齊魯東南末由衍撒

亭天雷一出地龍門破青冥逾蓬萊扳若木尾閭乾焦
釜沃海若宵遁陽侯啼江靈夜嘯山鬼哭一馘便取雙
螭頭歸來上獻青鳳樓回首龍門一東望海天盡作紅
雲流

劍口行

畢箕飛光犯天闕玉龍出山山石裂天丁卷土驅入海
芙蓉萬丈如壁立兩山夾天天亦低愁雲泣霧晝不飛
祖龍張華亦何有把劍欲淬青鸞鷁東封南渡或一至
睥睨霜刃那敢試怒來盡馘千松頭泉聲猶含灑天淚
鯨民不識神之功至今猶詫仙人峯


陸文學集
卷之二
三
蕩子婦

兔葵齊齊燕麥黃
吳蠶欲老空春桑
蕩子在遠道青蘿
當鹿場願作五色
線綴君芟荷裳
八月秋風歸蟋蟀
將
在堂

陸文學集終

盛明百家詩 許石城集

許石城詩溫厚坦易仕路所宜久覓不得乃命子淵
造其第索焉石城報書有云穀不善詩雖拙稿爲故
人悞梓大抵潦草支吾不成證果辱左右過採不敢
不呈其愚有可通者望批示使知從違幸勿貽笑于
名家也山是觀之不自滿假之心具見矣其精進遠
造又當何如予得書感嘆并書首簡石城上元人字
仲貽嘉靖乙酉舉于鄉乙未會試第一初仕計部改
儀部轉天曹郎以文選遷南太常少卿尋謫浙江運
副起爲江西提學僉事仍遷南尚寶卿放歸今家居



有年登臨詩酒克然樂也予辱舊識其友陳羽伯金子有詩俱已囊集而君尚缺然是用汲汲云爾詩凡百餘篇隆慶改元夏日錫山俞憲識

送江進之赴汝州

江子儻士著書臥巖谷挾策謁聖王命作汝州牧五馬度成臯雙旌指王屋悠悠萬里途初展驂驪足班荆坐岐路酌子白玉卮丈夫志四方分襟安足悲位崇才不困境闊化可施願將五袴謠贈我長相思

題印岡圖贈羅丈

名山突起都城南屹如天印留人間青霄在上星斗近

白日欲落煙霞還下有層岡若平地見說丈人開別墅三花燦爛搖天風五柳芳菲滴巖翠已看花柳媚長薄更有龍蛇藏大壑牛頭吐霧濕荆扉鍾阜流雲映溪閣閣內文章錦繡光少年曾獻天子堂朱幡領郡播甘雨白筆當朝飛烈霜芳名久入山公啓閑情苦憶柴桑里闕下空懷諫獵書谷中早曳游山屐谷中鸞鶴終可依闕下衣冠有是非辭榮豈愛朱丹轂避地惟求薜荔衣卽今雲臥已多年脩眉一似崑崙僊近報靈旗巖下落定有人傳玉笈篇

送向令赴南豐

十年抱璞不肯售頭帶鵲冠坐江口時違長嘯蘇門前
賦成肯落相如後阿閣終栖綵鳳翰牛刀暫試麻姑壇
爲報盱江四千戶新來茂宰似潘安

阮德載與余爲中表兄弟別赴魏邑悵然贈詩

射策金門早致身殿中爭羨少年人正欣振鷺蒼龍陞
忽觀飛鳧白馬津白馬津長水如練清波宛轉通銀漢
題柱驚看司馬車栽花喜識安仁面外家兄弟誼非疎
朱雀橋邊共著書不愛栖雲臥丹壑俱能捧日向宸居
獻納司存選上才九重青鑠待君開寄與兩河風日道
政成早送使車來

畫鹿行

古來寫鹿誰最賢耶律以後皆無得存鄉近惟
毫端物態俱天然快園野叟氣豪湯此圖全得山水後
疑從靈囿翻然來走入君家錦堂上玄圃平閤藥草生
靈泉倒瀉溪流清溪邊伎伎似求仙草豈性如百靈
野叟風流不可見絲筆貽君足珍玩霜毫豈羨芙蓉
銅牌未數宜春苑朱門駿馬金埒重內家鸚鵡栖
何如豐草任幽性虞人不得等長方憐君自是金生
百年意興惟原野世路逃名不受羈雲崖結屋常
余本江南一散人悔將書劍悞風塵披圖便欲拍
許石城集

共採苹蒿樂性真

題文太史水墨山水

赤城西望天台山石梁險巖不可攀梯乃得度
上有玉闕非人間東旣鴈蕩並稱勝地豈容青想
龍湫之水天上來絕壁橫絕光浮萬壑未得
不意烟嵐在縑素對面疑聞瀑布聲
吳興太史畫絕倫一幅不啻輕千金
始信丘壑歸胸襟吾鄉徐君嗜登涉題詩轉贈蒼
草閣高懸得臥游何須更訪雲中關

武元亮遙授按察照磨贈歌

士乞身何太早洞口白雲愁不掃
只在雞山道乍携珠劍謁金扉
長笑羲牛空被錦復云沙鳥解忘機
曉來忽上接關蹤
願假冠裳保貞素世人富貴苦糾纏
君視榮華草頭露
風流虛拜幕中官喜奉天書下紫
綬物外漫拖新豸服
江頭重問舊漁竿
芳菲鄧尉聞藤
同顛倒烏紗游樂土
已諳雲路致身榮
更脫塵寰折腰苦
燕京斗酒送歸騶
朔雪寒雲起別愁
眼看鴻鵠冥冥去
縱有虞羅不可求

老子青牛歌

大道無宗即元始萬化紛紜此根柢
一氣常流天地間

古今得之惟老子老子本是日之精生來鶴髮垂千
三門雙柱貌絕異品物豈得同儀形昔有元君行
見之親授神圖訣長跪靈言七十篇頃刻玄法
東游曉出函谷關青牛獨跨輕塵寰關門今
遙占紫氣知龍顏陵遷谷變幾千載道德遺文
云誰了悟得長生俞君無乃聞真解君年六十
健思飄飄欲御風已從六甲辨玄龍九道靈
吁嗟大道祇清淨坦方若夷人好徑君得真詮
不須更訪扶桑境

送內弟汝明南歸

去年憶爾來相訪長安雪片沾衣上今年送爾江南歸
薊門滿地楊花飛天厓骨肉稀見面恐使分違隔歡宴
可惜南雲不共還一曲離歌淚如綫爾去懸知慰倚閭
弄孫老父正含飴天運悠悠不可問百年但上黃金卮
君不見高車終悞蘇季子扁舟寧負范鴟夷歸到故園
親友問爲言清興遶東籬

天文十詠

省中視政簿領稀簡靜玩玄文謬裁短什

天

鍊石何曾補蒼蒼本太空萬形歸覆幬一氣自鴻蒙
與推輪並圓將倚蓋同勿將方寸管容易測穹窿

日

晃朗懸離照舒長識化微嶮眩昏乃入暘谷曉還升異
道成寒暑分時判寢興葵心無一寸於此向偏能

月

天上飛明鏡揚輝滿八埏虛疑魚腦減盈覺蚌珠全絕
塞光逾冷深閨照獨偏此中有靈藥乞與度長年

星

靄天疑有質連貝各呈輝森布標分野群來捧太微宵
占賢士聚曉覺故人稀獨愛旄頭落天山奏凱歸

雲

列岫無心出長空不斷飛映巖遙作障觸石遂成衣迢
迢瞻親舍繽紛繞禁闈成霖湏歛盡莫遣蔽晴暉

風

飄來盈玉宇起處自青蘋觸物鳴天籟乘時轉化鈞入
歌還漢里度曲阜虞民更喜北窓下炎天來故人

露

灑氣迎秋淨神漿入夜繁細輝承曉日薄潤接平原入
柳蟬爭咽沾松鶴共翻金莖慰消渴何日賜文園

霜

玉露迎寒結鉛華向曉濃空中擊鷹隼溪上老芙蓉黃

變高梧葉清聞遠戍鐘莫令含怨地長夏似嚴冬

霧

迷茫何處起宇宙倏難分漠漠疑寒雨飄飄亂水雲柳塘春黯淡花塢夜氤氳獨有南山豹因成五色文

雪

乍見彤雲合旋驚密霰飄霏霏沾閣道莽莽積林梢已覺鴻飛絕愁看馬去遙如何吟客興偏在灞陵橋

省中四詠

省直希營卽物成詠會心寄意情見乎詞

鶴

映日星晴耀凌風玉翮鮮翩翩游畫省渺渺下青田對

深砌長鳴徹遠天何當唳萍葉刷羽大洋

鹿

何日辭玄圃空庭臥綠茵全生逃羽獵混迹向風塵石如求友銜花欲近人敢忘豐草樂容易換天真

菊

籬下黃金色分戔鳳鳥司遂令游宦地忽動故園思子食英日陶公送酒時行藏各有意莫去推殘蕊

栢

睠爾巖松樹嚴霜不可摧羽儀雖復在未見落空臺歲久蟠根遠風晴鶻語來已能辭翦伐全長掛翠杯

秋日病起

暮雨滌煩暑西風吹客裾雲開天漢迥露下井桐疎節
變殊方外心清多病作眼看鴻鴈度未得素交書

寄洪上人

迢遞南朝寺清淨法華峰簷虛花拂檻日靜松
自趨金馬道時夢夢自能人來傳覺海空

明妃詞一首

黃屋和親恩絕類入漢情心摧回絕夢夢斷上林鴉
氣朱絃動胡塵玉面生華曉漸遠空山暮車聲

滄寵辭龍陛含愁赴路鄉花飛類共墜天遠恨俱長磧

草連沙白闕雲出塞黃多情漢宮月流影照瓊裳

恭謁 皇穹宇敬賦一章

分祀崇郊典嚴居肅帝宮高明一祖配陟降八神同紫
氣團華蓋玄陰接上穹萬年瞻秉壁靈貺自無窮

詠一

天地清寧後侯王乃見尊車書崇大統號令戒多門士
以無雙貴心由不貳存萬殊元有本吾道與誰論

詠萬

品物形容別君門道里多從三生幾許挂一漏如何對
策言難盡封侯戶豈過獨欣歌聖壽列國似星羅

省中回偶然作

結綬逢清世移家近上林
鄉園三逕隔歲月二毛侵座
有長春酒庭無暮夜金承
頰借微祿充訕豈吾心
病起答蔡丈見懷

病起秋江晚黃花悵遠天
喜逢金馬使持贈錦雲篇
玉版虬龍綴瑤函象緯懸
江湖瞻大雅投分荷忘年

秋日柬徐君敘二首

秋生烏鵲鎮客臥鳳凰城
火宿金天墜陰蟲石竇鳴
盤羹調錦帶壁劍挂蒼精
偃仰蓬蒿室僊園阻共行

契闊南州士銀牀桐葉秋
靜懷琴響發清憶桂香浮
舊業貂璫貴高情洞壑幽
玄珠如可覓白首願相求

送金子有會試

同歲攀秋桂才名衆不如
蚤窮京氏易今上賈生書
虹挂雙龍劍雲飛五鳳廬
茲行登瑣闥長謝薜蘿居

送僧

方袍見爾賢何處度迷川
斲脫真如地長游不住天
陶瓶藏法雨芒屨躡慈煙
飛鳥歸林晚相期鷲嶺邊

子房山

高人今不作異代想風流
斲託三人傑何關萬戶侯
雲從孤岫返水抱古祠流
悵望冥鴻翼九禽不共游

歌風臺

真人提劍出羣策授戈同惠首三秦地名高百戰功來
衣懷舊社天馬入新豐今日高臺上還思歌大風

呂侍郎涇野先生挽詩二首

華嶽遙鍾秀天階首策名雄文光玉署雅念濟蒼生抗
俗身常拙旋乾志未成居然龍德隱愁絕望霖情

禮樂瞻先進文章仰大賢江湖身獨老廊廟望空懸曳
杖歌傾木藏舟罷濟川乾坤留妙撰還並六經傳

送溫子假歸

乞假問歸路北風吹彩舟遙憐建子月應上景陽樓岐

鳳待高舉隋珠寧暗投分明非久隔亦自動離憂

送葉院判省親

近侍念斑衣皇恩許暫歸彩舟尋故國法酒獻慈闈闢
深魚應出開林鶴亂飛商廷資瞑眩計日返金扉

送人改縣

柳枝搖錦甸馬色駐旗亭花縣移新秩牛刀發舊型過
家辭海鶴入郡散秋螟瓊樹行看集煩君惜鳳翎

飛來山房贈陳九臯

邃巖開近郭曲棟枕廻溪門靜翻瑤草窓虛度紫霓竹
牀宜散帙石壁待留題好是全身地無勞學馬蹄

初夏集錢司封園次胡魚伯

卜居依近禁結棟俯崇隈竹戶玲瓏入花房次第開嘉
辰勞授几新月助銜杯興劇詩同就無煩剝燭催

十月九日雪偶過謝子

僊館逢初雪開尊喜對君微風搖密霰暗月影彤雲卷
幔光逾淨聽詩夜已分歸鞍瞻貝闕轉愛白紛紛
至日早朝以病不赴枕上有作

萬寶告成功明王御法宮嵩呼借異域殿燎徹遙空病
伏雲霄外心馳舞踏中長慶遠竊喜庇微躬

送楊進卿

知君慚未薦復此惜分襟歸路搖雙旆行囊挂一琴春
城雲葉暗野戍雪花深驥足終當展無忘萬里心

送王戶部謫武林

美人騎白馬二月出皇州曉雨濕官道陰雲生禁樓登
山搖綵筆臨水盪蘭舟僊吏人間去何妨爛熳游

余別陳山人久矣都下邂逅令子喜而贈詩

日下逢之子飄然有父風囊盛五色筆臂挽六鈞弓虹
氣生珠劍霜花上鏡驄懸知度關日今古棄繻同

叨轉出京辱謝陳二子贈詩次答三首

間官仍故里謬此拜殊恩暫別雙瓊樹遙辭五鳳門贈

言揮麗藻出餞枉高軒預想還家日蓬蒿正滿園
捧檄元將母爲官忽抱孫橫金還故國擁駟出都門絃
奏離筵動芝蘭友道存宦遊南北異併是答君恩
草閣談玄日雲門結綬心故情君併切離思我難任解
纜河流駛還鄉雪片深竭來山水意惆悵隔知音

武林城訪王祭酒

弭權絃歌地登堂喜識公舒徐經世論恬淡古人風奎
壁臨軒白蒲萄入酒紅蒼生望霖雨何日灑寰中

濟寧聞虜報

十月胡塵動傳聞入冀州重關虛設險猛士失防秋輦

鼓中原急乾坤滿目愁不知廊廟上何以慰宸旒

修竹園

茂林青窈窕修竹翠檀欒中有蒼眉客能修絳雪丹地
疑通嶰谷人似坐僊壇玉柱間頻鼓銀題老更看風來
搖佳席露下濕芝欄扶老栽鳩杖逃名製鵲冠夜涼聽
雜佩書水對停鸞還以幽貞意相將傲嚴寒

俞隱君壽詩

削迹雲階上逃名淮水東亭居雙桂裏徑轉百花中地
與浮丘接心將太古同治生求老氏問道揖韓終荆植
千年紫棠舒並蒂紅書游聞引鶴宵夢吉占熊近報三

秋節言開七寶宮筵留玉宇歌動碧梧風世泰身堪
逸形和慶愈隆丹臺從此壽靈壽誰能窮

省中秋思

上國西風吹客裾省郎作賦意何如梧桐曉落銀牀淨
熠燿宵流鏡閣虛東望屢傳遼海箭南來稀奉秣陵書
學語故園憐季子花堦應駕白羊車

塔院雨中述懷

花宮白日飛山雨卷幔蕭條几席寒細細陰苔生古壁
濛濛香霧透空壇身依魏闕龍光近家在鍾陵鴈字難
回首秋巘蘿月好石林應負竹皮冠

春日駕謁 七陵奉 聖母行

龍旂宵下五雲間轡輅春游 萬壽山翠潄蘋繁修祖
祀紅巒花柳媚慈顏行宮綵仗通三島衛士金戈接九
關更欲移舟汾水上僊槎應汎海潮還

奉和汝湖翁沙河道中韻

五渠春水接天河玉輦經游紫氣多夾路羽儀交日馭
行宮僊樂動雲和飛魚口外龍旂轉洗馬橋邊豹尾過
獨羨上卿遙扈蹕詩成傳出鳳凰坡

入直觀 九廟敬賦一章

辟地除壇禁苑東 九皇新廟肅垣墉旋開繡戶棲金

爵更引雕闥挂玉龍昭穆位分周俎豆春秋樂定舜笙
鏞駁奔幸屬衣冠列率舞還同鳥獸容

送朱山人入京

攝山山人江海思行囊猶佩青雲芝獨乘道上風塵騎
去看天邊日月旗清夜好傾燕市酒白頭初識漢官儀
歸來猿鶴迎僊馭知爾荷衣未化緇

顧世安病起寄詩次答

海上題詩慰索居文園病起漢如草堂已謝青囊藥
花逕須乘白鹿車僊錄千符不肯厭空門二瘴覺都除
何時解脫從君去石筍灘前共結廬

哭金子有

布衣長謝薜蘿居白日乘雲朝帝廬覽勝止留靈運屐
憂時空抱洛陽書浮生結友憐同志造物全才息有餘
望斷方山人不見城笳隣笛總愁予

渡江

絲輿凌曉度皇川遠奉慈闈向日邊松菊實孤桑梓里
冠裳虛擬孝廉船渚雲汀霧圍征蓋竹筴江魚捧壽筵
此去本無三禮賦漫依清切愧才賢

過寶應訪朱子介

歲歲懷君湖上樓幸逢良夜一停舟盍簪勝地更今夕

鼓枕洪濤真浪游日月擬陪金馬詔風塵寧悞黑貂裘
甘泉侍從多知己應薦揚雄賦景儀

扈駕上陵

斗轉星廻下玉京天行雲從
初日遙含彩鳳旌陵外煙霞
微臣扈蹕瞻新典詎數橫汾近侍榮

季冬三日始雪先夕蓋上禱云

聖德祈天天不違玄冬靈雪晝霏霏銀珠細落罽人室
瓊蓋新裁織女機布野瑞占雙穗麥臨朝歡動九龍衣
却慚莘澤歌黃竹歲杪虛馳入駿飛

元日與顧汝由飲酒

飄飄萍梗度星津楚楚衣裳化洛塵十舍幸隣青眼客
彈冠元爲白頭親天邊改歲璿璣轉篋裏迎春綵勝新
海樹江雲同阻絕何時重問舊綸巾

送馮汝言令宜興

漢廷已薦子雲才剖竹仍煩下帝臺橋畔萬人看駟馬
天邊列宿映三台靈溪秋水迎舟發僊邑春花繞郭開
岐路莫嗟雙袂解雲霄還望二鳧來

送湯世登

萬里携家上海船到時黎蜃拜車前鯨濤歷霧圍官舍

詞不坊集 卷五
一五
鍊樹瓊花照酒筵
驗歲土人占草節
採珠波客候龍眠
遙知問俗經過地
停旆常投飲馬錢

送武宗舜

炮羔鳴鼓歲將闌
送客南歸思渺漫
綠酒且停金勒馬
紅塵空戀竹皮冠
深悲黃葉風前散
遙憶青山鏡裏看
牛渚鷺洲招隱地
知君無夢到長安

送陳惟表赴滇南

日邊送客游南粵
立馬銜杯說土風
攬轡獨行山瘴息
塞帷羅拜野人同
漢皇金碧留巖畔
諸葛旌旗在眼中
怨別不須驚萬里
由來飛矢意無窮

送杭子判普安

殊方作吏君恩重
且喜春雲送馬蹄
問俗旌麾勞露冕
望塵蕃部雜雕題
僊巖時有丹砂結
蠻洞晴看刺竹齊
莫惜携家登絕徼
皇風今過夜郎西

柳村卷贈席將軍

江村山柳萬條青
村裏將軍甲第成
石岍午陰嘶赤馬
旗門晴日轉倉庚
有時開逕延三益
共坐垂簾論五兵
海內祇今思大樹
莫令尊俎負平生

送陳敬夫守台州

清朝登榜見才人
黑髮金章已在身
粉署握蘭同就日

赤城分虎獨行春，海霞垂綵明朱紱。僊鹿成行引畫輪，預識奏功當受寵。飄飄珠履上星辰。

夏日有懷江村園亭

聞道楊園敞翠亭，雜花千樹映疎藤。竹間彩石藏靈異，檻外清泉散鬱蒸。臥聽蛟龍吟玉澗，坐看風雨下鍾陵。黃塵東帶慙高誼，回首蒼松去未能。

送李子復官南曹

君有高才甘吏隱，南曹仍去遂初心。舊游獨訪春官侶，秀句重題大士林。賓館酒杯勞駐馬，天涯秋節悵分襟。鳳臺遙望無窮憶，蘿月幽期阻共尋。

中秋諸子集余館席上次羽伯韻

城上西風吹暝煙，天邊華月照秋筵。近人涼氣霏霏灑，應節清光故故圓。絕塞此時喧鼓角，總戎何日選才賢。銜杯幸接憂時客，高論飄飄五夜偏。

謝王檢討贈劍

帝京游宦再逢君，臂上青萍解贈勤。慷慨遂輕千戶值，光芒遙動七星文。北來戎馬年年急，西去烽煙夜夜聞。願拭鸞膏報知己，白狼河外靜妖氛。

省中老杏爛然吐花對之有懷率爾成句

文杏何年植省堂，看花一倍惜年光。雪殘芳蕊驚遲發，

歲久高枝訝許長近日故應通御氣倚雲疑是學宮粧
村邊沽酒饒千樹回首山川隔故鄉

東園公壽詩

王孫名譽滿人寰門闕差我宵漢間坐上衣冠皆國士
水邊樓榭即蓬山瑤林羣鳳將鳴世玉洞三花巧駐顏
南望金堂思獻壽獨慚留滯紫宸班

叨轉出京馮子汝強追送潞河贈詩次韻申謝

江左投交二十年文成倚馬有誰先著書久卧齊山下
仗劍常逢易水邊秋晚送歸勞驛騎月明呼酒上樓船
雲霄事業非遲暮爲喜却藏兩髻玄

渡江

謬承新命下金鑿忽漫還鄉歲已闌綵服近家沾鵲喜
青山隔水見龍盤風收宿雨江光淨日射高涼樹影寒
今日親闈瞻帝闕寸心遙對北辰看

還家口號

謬持銓簿近明光叨拜閒官得故鄉入令喜攀庭樹綠
逢人爭訝髭毛蒼煙霞有意嘲逋客俎豆無聞媿奉常
笑對慈顏傾壽斝緋衣猶帶漢宮香

詠草蟲

小院無人至叢蘭遠徑生秋風催節序兩兩草蟲鳴

味虞美人花

一種嬋娟色迎風舞力微直須將豔質繡入美人衣

雪詩二首

靉靄彤雲接海涯霏微靈雪舞山家欲呈來歲千箱瑞
故放茲晨六出花

瓊樹光搖七寶粧銀花色映九龍牀掌上遙看迴雪舞
珮中還有辟寒香

步虛詞四首

僊壇高結五雲深十二樓臺接禁林玉磬不知何處起
天邊鶴駕一時臨

芝蓋翩翩紫館晴空中香霧百神迎金書盡是長生錄
寶炬還同不夜城

丹室叢霄瑞氣生霞衣遙引上公行窠中見闢三清界
山下聞呼萬歲聲

鸞鳴縹緲雜簫鳴紫禁齋心徹紫京天爲萬方增聖壽
不須僊藥自身輕

別家赴江右

窳身常分老西湖豈謂 朝廷念腐儒造士獨承新
勅去過家重別舊皇都牙冠繡服娛慈侍彭蠡匡山愜
壯圖願爲清時成棧樸敢緣多病惜馳驅

滕王閣送謝與槐廣西督學

詞臣西去暫停驂高閣銜杯落照含十載官階同內外
一時賓主屬東南三湘舟楫逢秋雨八桂風烟擁夕嵐
莫道校文勞侍從即看宣

詔過江潭

將赴謫所辱九卿諸公會餞於神樂觀奉謝一首

碧殿離筵集上卿武林遷客駐雙旌還家謬接翔鸞翼
去國翻增野鶴情千里風霜催短髻十年南北任浮萍
扶持社稷羣公在何惜江湖寄此生

與薛考功

薛君海內呼才雄五車經史羅心胸揮毫巧奪機中鋒
吐氣直掩雲間虹憶昔從君過燕市獻書齊奉臨軒試
敢云李杜並聲名實取雷陳比交誼頃余謬作南宮客
君忽分符向東越萬里魚書苦不聞三年芝宇空長隔
太平天子重考功起君特置留都中余且承恩乘銓簿
一時南北樞機同君性孤高余亦顛寰中道義遙相向
誰令萋菲遂成文豈知蕙艾還生謗麻姑山深松栢青
武林地勝烟波平天王神聖許暫去逍遙倘遂山水情
百年寵辱總非真何必金章乃致身此去險夷那用上
不妨歸作耦耕人

石岡示述懷之作走筆和答

榮名真外物山水即仙鄉對客但一醉爲官無寸長
湟中俄夢鹿道上各亡羊世路皆如此浮生莫漫傷
恒兒還悵然作

山下謝安宅城邊梁武臺鄉關看汝去懷抱向誰開
門逕尋常閉松篁取次栽親交如有問真欲賦歸來

姚園夜集

步屨過芳沼披襟對友生山雲澄夕霽竹樹散秋清
風急鷗絃勁林虛畫燭明十年簪再合不飲恐非情

書屋新城戲題

避人聊稅駕築室且藏書一笑浮雲外長吟飽飯餘
流鶯啼灌木碧草上階除偃仰還隨意金章恐未如

題謝時臣山水障子

吳興謝子知名早彩筆烟霞擅工巧此圖盤薄知幾時
萬壑千巘青不了層巒突兀凌蒼空孤峰秀出青芙蓉
百道泉聲響竽籟四山松桂蟠虬龍石上仙人貌如玉
棲真獨着丹霞服閒調白鶴養玄姿笑把踈梅製新曲
憐予十載客幽燕歸來祇長風塵顏今年守官倏無狀
天子放之江海間出門偶遇淡居子手持此圖索詩句
坐觀頓使心神閒鴈宕孤山無乃是吁嗟人生貴適意

富貴何時少年去他年倘遇謝吳興何須不寫江東樹
山庄偶成

茅堂新築傍郊墟二頃謀生覺有餘淮水夕流平野岸
鐘陵秋色映皇居高原種竹將邀鳳絕澗垂竿早得魚
揣分似宜蓬纍臥故人天上莫吹噓

歲暮

湖西清暑鎖烟霞藥裹關心早放衙四海虛名慚綵筆
百年多病憶丹砂床頭綠酒偏欺客夢裏青山每到家
苦涉風塵非上計江邊空老刺桐花

寄徐東渠別駕

君游東越還叅郡我傍西湖未解官一水睽離惟自語
千巘蒼翠不同看江邊剖鯉書頻得雪後移舟興恐闌
婚嫁已成年各長幾時回首問長干

寄孫學職

歲首蒙君問謫居冰霜忽訝歲將除風前苦憶瓊枝樹
海上欣傳白鴈書賓榻久懸殊有待雪舟重泛定何如
丹山碧水登臨地肯信年來已結廬

丙午除夕

臘盡冬歸歲欲除他鄉風物轉愁予數行栢葉供時序
一樹梅花伴謫居游子衣裾違五綵故人消息斷雙魚

自憐馮尉頭先白祇恐丁公夢已虛

人日遊湖

湖上衣冠會列仙芳時同泛木蘭船百壺送酒嬌歌滿
七日逢人笑語偏水暖鷗羣依畫槳雨晴峰翠落賓筵
叨陪盛地羞文藻不及蘇公在鎮年

經開化廢寺

何歲旻公鴈字堂荒苔敗葉滿陰廊
寰區始信龍池劫父老猶傳寶樹光
祇死金銷誰結座石壇灰冷舊焚香
獨憐挂錫孤僧在坐理殘經對夕陽

贈別陳山人

頻年夢寐思安道今日舟航入會稽
海上形容還鶴鶴人間岐路幾東西
休誇服食生毛羽獨喜江山借品題
却笑王程牽俗吏空瞻丹壑愛幽棲

九日寓分宜有懷王臬子

談玄日奉紫霞裾暫此分襟亦愴予
道路秋霜旌節外屋梁明月夢魂餘
乍驚白鴈排雲度空負黃花滿目舒
此際萸尊逢令節知君高興復何如

送朱山人

野客乘舟冀北來逡巡還傍斗南回
告余天上彤龍闕不換江邊白石臺

盛明百家詩 舒東岡集

舒振伯名纓別號東岡浙之鄞人中嘉靖乙未進士
蓋嘗居卽署謫州郡不知終於何官讀其詩可以洞
見其性情也隆慶戊辰秋姻友以梨洲歲續稿一冊
寄予編入後集是歲己巳春錫山是堂俞憲識

過隱者居

宇內浩無垠群生各有寄朝市登俊髦山林儲散器二
者孰居多還讓山林地四面松竹陰何嘗苦芒刺四時
鳥雀聲未始驚夢寐長安有狹斜車馬不相避羨此高
蹈人隨處可掉臂

夏夜歸自狼山

山行不覺疲入晚多風致神怡體忽輕塵遠心無累蕭
疎灑葛衣局促祛候吏夾道竹松幽螢火照歸騎

山人見訪

山人忽我顧滿袖携雲霧素心在桑苧不識城間路聊
共一樽飲澹泊殊可慕只說田事好庶得供官賦家世
住江邊所悲風浪怒眼見利涉人往往陷一誤自願守
窮居莫向險中渡生長樂躬耕熟知晴雨數出門臨清
渠舉棹極沿泝念茲真隱情難與俗人訴對景罄餘歡
慎勿愁日暮

種竹

種竹復種竹種竹蔭環堵閒來把書玩可以同晤語矯
矯松栢姿蕭蕭鸞鳳羽節勁自多寒葉踈本無暑有時
陰陽交凌空戰風雨

贈友

丈夫重標格峻嶮玉拄腹饑食山上雲渴飲江心淥白
挫無損容落落騁孤躅荼蓼苦自清輕肥旋見辱哀彼
澳恣輩竟爲名教戮君不見燕臺所重千里馬買骨不
買肉

對菊

寂寞坐秋堂涼風襲我裳庭樹已無綠輝輝菊有芳撫
時懷舊跡對此意偏強採摘將誰贈同心在遠方

門有車馬客行

門有車馬客飄然登我堂攬衣忽相見不知來何方試
問行遠近再問苦風霜一一叙終始同心且同鄉我嘆
別家久未獲接輝光聊取近市酒對飲罄中腸論及出
處事歡極轉生傷念我抱壯志漢落不相當勤身走南
北舉室缺餼糧所向旣以拂時或犯虎狼丈夫貴有立
進退宜早量苟能敦高尚枯槁又何妨并述朋舊情日
夕佇相望謂我子門之女弟

出自薊北門行

出自薊北門黃霾白晝昏鐵騎凌荒隴金戈慘別魂榆
樹寒無色鴈叫胡天黑旄頭並月光壯士憤曾臆交河
咽不流苦霧四山愁豈無鄉關念欲雪吾君讐聞鷄不
肯寐拔劍舞邊秋風霜橫北澤百萬蹂貔貅行衝夷虜
陣突速有神謀妖氛一以蕩罷兵樂時休

秋懷五首

信宿秋風起草木皆披靡身世無定形日月無留晷輕

肥固已榮憂患亦相似何如知幾人屏跡遁山水
貧病滯江郊多將世事拋歲序蹉跎過涼風滿燕巢養
閒希隱吏守拙如繫匏落落孤雲跡但貽君子嘲
世事皆無憑但有林壑趣長懷君子人超然能神遇不
染車馬塵白雲同來去纍纍金滿籬肯易片時住
屋下亂蚋蟻風前聞擣衣懷人不可見獨坐掩柴扉庭
午天還朗林秋葉已稀含情誰與訴閒送白雲飛
顛氣周葑菲石潭澄見底淵然涵萬象虛中不留滓遊
魚浮碧落飛鳶墮深水睠茲秋景真吾心本如此

悲海殤

傷哉風雨來何劇捲沙拔木聲辟易空桑夜半叫軫軫
倏忽疲民遭水厄邇來生事既以艱况復天吳喪其魄
吁嗟赤浪高幾層中有鯨鯢恣剝食人生制命固在天
吾民其魚真可惜翻然欲起填海謀古來精衛今無翼

佳况篇

造物有佳况不雜世間塵非顯亦非晦此意本來神聲
華塗衆竅恠未識其真一元十二會所屬惟高人高人
志不群卓犖凌蒼旻觀物不以物脫然且遺身嘯歌活
潑趣俗情非等論曾不立詭異但欲祛因循毀譽置弗
問耽幽甘賤貧閒撫曾點瑟好懸子夏鶉登山着謝屐

飲酒漉陶巾靜嘗雲水味安眠薜荔茵終爲首陽骨亦
擬照星辰樂哉佳况理胷中別見珍但可冥相會言語
難具陳

春暮

東山春欲暮心賞迥無愁月影江干澹煙光草際浮披
襟當遠吹洗幘殿清流不盡招遊興何須問去留

僧舍

半山有僧住草閣近蒼旻石甍祛塵障松圍入定身多
陰迷白晝掃艷隔芳春過客時來往見雲不見人

東郊漫興

堪悲俗吏心解世幽尋且甘滄浪趣勿作梁父吟
步遠迴岸班荆依碧林千里總在目曠然清煩襟

過田家

村家却厭文幽事樂耕耘天宇無纖翳茅茨絕垢氛潭
心澄午日樹杪礙行雲世路年來窄甘從田父群

村中漫興

閱歲走江濱人情幾見聞衰榮均弊草蒼白任浮雲機
巧徒爲爾輕肥未足云到來村景寂殊厭市塵紛

病中作

苦熱時方熾驅煩體不勝非才貧自守毒暑病相陵求

藥無良艾通醫爲折肱經旬滯江館伏枕聽漁罾

先秋一日承諸友携遊西寺有作次韻會書院池頭再賡前韻二首

嘉會迎秋日清陰擁坐傍塵衣猶帶暑蘆葉未經霜樂
聖期同醉遺形戒莫傷小池浮淺碧想像鑑湖莊
何處覓初涼相攀綠竹傍澄潭深見日素葦澹疑霜徙
倚多留興羈貧未足傷昨遊今可繼風物近西莊

早秋書懷

久客悲時邁含情獨倚樓塞鴻忽南至星火又西流極
目吳山晚行歌楚畹幽無能樹嘉政虛領幾年秋

北山

悲秋劇何堪贈遠行蕭條楊柳葉今古別離情
寒衝風去青萍耀日明他年異車笠莫負割鷄盟

江鴈

涼風搖客思舊鴈識江濱折羽曾逃患哀聲不可聞衝
宵經塞月向曉入吳雲是處虞羅遍虛弦亦斷絃

觀獵

北野起玄氛西風掠燒痕逸遊陵峻坂縱獵蹂荒原側
翅鷹鷂急驚心雉兔奔邇來誇詭遇湯網復誰論

過曹子貞書屋

城角秋陰重茅居淡不緇壯年希聖志危坐讀書時至
貴本非外幽歡良在斯晤言蘭意遠燈火落更遲

同凌伯源小酌

木落驚時謝朋來興不孤道情渾淡洽嘉話入虛無醉
盡盃中蟻閑歌城上烏感茲良會少且復戀須臾

除夕

並舍聞燒竹他鄉閱歲華傾壺聊自守且莫頌椒花

春早同州士遍遊江上諸山

前山後足登臨吟艷幽芳稱客心江竹斜連殊有韻
後山後足登臨吟艷幽芳稱客心江竹斜連殊有韻

述作誰當陶謝手忘言聊倚最高岑

尋仙女洞

仙裾住處午潮平風際猶疑煉藥聲絕島纔容一徑入
危厓遙接五峰行鎖肩紫蔓留丹氣出洞青雲閃化旌
赤水玄珠無可問登遊亦擬脫塵纓

元夕後飲顧氏書院

白雲長護讀書莊並几梅花冷自芳
早恨市塵迷勝賞更留村景待踈狂
光搖竹葉歡春座豔折芙蓉照夕堂
歸騎不妨莎徑滑蒲渠新水漾星芒

春夢

無端春夢太憧憧
枕上看花亦自紅
竟逐不知身獨在
睡深焉說事都空
分明喜戚人前意
頃刻經營帳底功
浮世漫論真與假
何如一笑任飄蓬

石港謁文丞相祠

艱危渡海志從龍
荒戍猶傳相國蹤
潮激空沙悲義憤
雲連古棟凜遺容
乾坤其憶王臣蹇
樵牧應知野賽恭
當日虜塵今已散
夕陽孤岫自龍從

別署

遠市幽居稱獨潛
當窗盪風竹亦祛炎
霧侵虛壁苔將遍
雲起迴塘水自添
陰壁松偃戶人閒
白晝鳥穿簷

圖書滿架時尋樂
何必含悲賦病楠

題曹子貞無我齋

江野清連遠近觀
書齋深隱竹松寒
碧潭曉散瀟湘色
晴苑秋疎鷺鷥翰
傲晚已多陶徑菊
傳芳還足謝家蘭
下帷不負平生力
無我方知禮樂歡

秋晚客至呈懷

吏事無拘樂有群
清襟相照夜論文
江城霧氣侵樽到
郡閣鐘聲隔竹聞
道洽何妨居寂寞
情閑始覺世紛紛
秋雲黃葉休增慨
座接芝蘭自可欣

秋暮望北海

雲山斷續海天遙，殘壘秋深朔氣驕。
折葦經霜棲遠鴈，荒蕪被日下寒鷗。
得朋未用傷孤客，適性何妨擁弊貂。
便擬仙遊凌絕島，漫悲秦氏欲鞭橋。

行西亭場

西亭秋杪物華消，拂曙孤遊意自超。
極浦漁煙連霧發，平郊獵火帶雲燒。
路窮滄海人家少，天遠迴堤客望遙。
遣盡俗情應有會，何須憔悴嘆無聊。

柳枝詞二首

把酒臨江醉又醒，晚潮將起日亭亭。
陽關唱徹人辭去，次楊枝不要青。

縹霧縈煙媚色齊，楚王宮裏鬪腰時。
可憐風雨摧殘後，葉落枝空冷自知。

昭君詞

白璧既以間黃金，負蒙駝君王豈不察。
命薄遭網羅

雜興

莫言蝸涎澁，自濡無不給。莫言蚊睫細，入夜猶能睨。
分量本不齊，小大任天機。俯仰乾坤內，人生亦甚微。
營營名與利，所競僅刀錐。

偶述

平生浪自負，欲樹勲名垂。不朽何意回，飈吹我身展轉。

泥塗塵沒首強顏作小吏袒跣奔走自惟迂踈不合
特往來落落會無偶久知聲利亦等閒顧視性中何所
有莫言行路難且盡盈觴酒

塔鈴

竹院並禪林人間事不侵江城春意寂石潭花影沉鈴
響風前落悠然澄客心忘言憶道侶脚踏草痕深

早望觀音山

拂曙征鞍動驅馳道路艱遙見雲峰起心神忽自閒
聲林杪出月影樹頭殘天花散客帽知是古禪關

詠蛛

宇內函萬物相生亦相養云胡巨腹蛛當戶布密網設
巧羅衆愚遂以截來往滋類且復多爲害豈不廣安能
訴彼蒼盡欲絕其黨

飲酒行

嘗厭古人詩留情多在酒我今熟試之乃知此意真不
苟春風座上芝蘭馨須信同心有麴生運籌樽俎破愁
城神武由來有酒兵一酌便忘嗔累酌能洗塵醉舞清
秋晚行歌滄海濱

顧士輝漫憶夢中題竹句云月送一枝影到壁予曰
此宜味梅然初意不可廢也因爲足之

水繞雲低村館寂黃昏更覺春無迹徒倚庭闌耳目虛
數聲何處滄浪笛霧滿花叢夜欲央風收土谷天沉碧
傍簷疎竹忽疑梅月送一枝影到壁

宿半山亭

危亭據山脊虛牖只通風坐石身多快聽江耳自聰
茗連雲熟食蔬帶露充六窓呼可應未必是頑空

夕霽

舟行欣夕霽月影漾澄川明滅流輕素虛無切上玄
隔林幽吹發接岸暗雲牽坐覺心神迥遊真豈在筌

聞杜鵑

春殘芳樹歇客淚杜鵑啼萍跡空山裏松齋獨夜棲
驅車悲杞棘涉水畏鯨鯢吏道何其迫寧能效突梯

旅館

何嫌茅舍窄身陋志應存俗物不到眼清風許入門
山豕琴中意酣歌月下樽却愁烏與兔飛走競晨昏

題胡汝方靜遠齋

靜遠齋能會棲遠總莫過玄同揚子宅樂擬邵公窩
釋累栽疎竹怡情養綠莎含章經緯足愛道鬼神訶
雅語傾如注幽懷澹不波未須行路惻物外意偏多

春興

香身同集 一卷之三
江郭散初陽空齋燁有光草容爭出砌苔意欲連墻應
候鴻登塞依入燕在梁無嗟身落寞蘭谷自多芳

集顧士奇鐵渠書院

最愛西郊路悠然雨後天祛煩初出郭逐勝慢揚鞭曠
望分高下携行任後先欣從鷄黍約應似鹿門邊新綠
沿堦迸柔條傍檻眠橫籬幽帶霧茅屋澹宜煙石几侵
踈蘚藜床滿舊編映屏通遠岫繞碓響流泉花細春猶
寂禽喧意自便透林渠氣爽入戶野姿妍散地真堪隱
非僧亦近禪歡言終末日懷抱忽增玄

雨中行海門有感

春雨滿荒陬凄然動客愁鹵田殊覺慘災麥不成秋四
望迷玄靄孤帆怯亂流慨茲生事少民病幾時瘳

自嘆

散秩叨江郡踈慵只自由非才宜求擲薄命但多尤疲
瘵空爲念孤危誰與儔世途矜軟美時俗忌清修抑志
沉山麓攄情共水鷗方圓長異致寒暑忽三周巖戶聯
高尚鄉園憶舊遊平生得意處雲物滿梨洲

書屋

小結放翁巢沿籬只護茅爽心塵外得佳景靜時交風
搖連砌竹雨長拂池芟但會尋玄趣何須作解嘲

春夜予適遠行顧士奇舉餞且期曰莫負牡丹開因足其言

饑走嘆非才孤踪遍野苔輪困終弗售狂簡不知裁雅興逢投轄清歌聽落梅玉山看欲倒金燼坐成堆候曉行旌發傷春杜宇哀主人仍見祝莫負牡丹開

修張武定公祠

赴敵凌蠻嶠捐生凜義肝哀思真有激廟貌豈應殘舊府英靈在邊郊惠澤寬龍旛經雨斷虎韞積塵寒愧我非支廈何人更畫墁江濱諸葛像曾重昔賢歎

山家偶會

幽素羨山家茅簷倚半沙蒸藜發榆火引水通溪霞江夜光生照郊春望自奢偶從分席坐未說是天涯

迎客

幸茲叨散職長得慰朋歡總有罇瓢趣何愁春欲殘

雨懷

浮跡嘆西東春心只未融浦帆雲漠漠村樹雨濛濛

湖景

岐路愁多險晴湖澹不波蘆風吹浩蕩樹影漾清和

築花臺

新築花臺二月初江城得雨氣方蘇乞栽佳種尋隣圃

濯及芳辰引曲渠戀物豈同塵俗念收春祗伴野人居
石欄對檻風枝細已覺香迴滿案書

集顧士奇西十里莊二首

昔城西去水莊幽野景無涯盡此收小閣臨池虛有暈
高臺壓徑爽如秋心怡坐隱花偏寂興洽行歌鳥自酬
更喜主人多遠韻酒酣林夕未知休

花壓空堦柳壓塘主人携我樂春芳清流激宇端非俗
韶舉凌風自是良憇並午陰仍覺寂遊聯野步轉知忙
平生林澤誰同興未許忘情傲辟疆

維揚寓舍

塵跡連年寄市門殷勤重負主人恩風前鳥語頻驚換
雨底苔痕漸見昏歲不淹留空照鬢事多乖異只傷蒐
江頭漁子終醒眼應笑吾徒浪自奔

夜行海門有感

獨夜羈遊東復東野煙浮岸月浮篷身驅吏事愁無寐
路阻親闈望未通燈火暫明村屋遠棹歌相應海天空
水程風旆長爲客又覺春殘落紫桐

山齋

小作茅齋倚翠屏林陰浦色總移形天連楚岸平宜眺
潮過吳門遠可聽澹愛禪心僧許近靜無人跡鶴來停

更憐竹戶斜臨水爲納春風夜不扃

江樓晚會

江天欲暮更徘徊靜覺春潮洗俗埃
翳石藤蘿渾欲遍鎖橫雲霧不曾開
衣沾白漫星河近座接清輝月御來
沉醉愛依山翠裏樽前無事可相猜

過張武定故府

當年公府郡城西勁節垂思耿不迷
山鶴忽疑新主改屋烏還憶舊時棲
松槐卓立蒼龍閃風雨吹來鐵馬嘶
古廟斜陽搔客思何堪零落草萋萋

曹贊府山堂

空齋機滅心羨君高逸此來沈
沈池橋晚吟早擬戴逵輕仕進還矜
清虛何異滄浪畔時與鴛鴦濯淺深

如臯同黎明府夜會聚玄亭二首

玄亭多景暫容分春夜相看靜可欣
鶴羽迎風當座立蛙聲報雨隔牆聞
共憐萍路蓬佳會自愧花時作刺員
漏急華譙樽未罄愛君清興薄飛雲

江縣春深樂意多倚亭花樹翠連河
幽知潤洽雲生座乍覺寒侵雨灑莎
砌下發聲憐細蚓燈前爭燭憶飛
正陪妙語歡無極不記浮生事若何

秩滿

恩譴江鄉忽有年結茅臨水靜思行
行爲儒自今爲隱時拙宦何能着
快鞭幾度逢春祗覺老
甘窮每逐蘇門嘯沉滯惟應愧俸錢

如臯謁胡安定先生祠

竹寢苔階儼舊儀千年模範自興思
中和抗論功非小體用傳經道不離
江漢直廻天地遠斗山寧與歲時移
行逢春雨沾衣濕正憶先生教澤遺

寄懷彰德朱亞府

懷抱如君世所稀宦途欣戚每相依
宿聯粉署霜粘被

行入蕪城雨滿衣忽聽湘南雷已動
寧堪澤北鴈分飛匆匆不盡平生意
一望韓陵淚即揮

春晚寄友人

陸輟川遊嘆未還睽違長自負春山
身隨去翼千村外事逐浮塵百感間
佳景難留花信晚清歡欲赴客程艱
野人別有無邊趣爲報東君莫掩關

江野

江野春深綠不稀林風帶雨濕農衣
苗連新水蛙初出草蔓平波犢正肥
從古幽風真遠俗當時莘叟自忘機
百年生計應憐此未說樊遲學稼非

往石港因思文丞相渡海處

赤海浮空嘆寂寥
羈臣踪跡未應消
辛勤旅食漁村晚
泪没孤舟屋路遙
道重南山長在望
鳧依北極不須招
傷心往事渾無語
倚遍空庭聽午潮

夏夜行泗河

行色蒼黃夜不停
孤帆絕岸轉遙汀
林巒入夏濃浮靄
汴泗交流心瀉星
暗發漁燈過野市
清傳戍鼓近津亭
窮通有數休爲念
達士唯應適性靈

柳枝詞二首

昨夜東風度海西
滿江春水漾玻璃
柳枝長拂空山畔

得無心不解思

幾見江郊絮點衣
一生心事半生違
鷄聲休得催人起
夢裏歸家也當歸

盛明百家詩 尹洞山集

洞山尹公名臺字崇基江西永新人中嘉靖乙未進士由翰林吉士歷官南京禮部尚書予官比部嘗聞東塘毛司馬道其詩惜仕路差池不及叙晤今得見其思補軒集蓋淵兒從南監寄回亦止後冊三卷耳前五卷尚缺隆慶改元春錫山俞憲識

題石蓮洞留別羅宮贊兄

何年片石鑿荒萊翠擁瑤蓮萬葉開山曲故宜藏霧雨巖虛莫恐動風雷林間羽客緇經罷寺外齋僧乞食回相伴不妨成久卧天書鶴隴未言催

吳門別朱鎮山兄

細雨高秋澹客心吳船相對古城陰幾年卧病朱絃解
長路逢君白髮侵報主微忠存敝帚感時孤憤觸危
襟分離苦易憐深誼永夜星河動越吟

贈萬鹿園總戎

將軍玉節控神州百萬牙兵聽唱籌樹下屯操班虎旅
河邊抗射列熊侯晉卿禮樂嗟誰似漢將壺歌羨自由
借問三陟交羽檄可能談笑伐先謀

林太史肖泉以賞菊詩來示用韻并答

曾從禁苑看新菊猶記分題賦玉堂紫閣十年人幾在

青山一別意難忘未妨寶劍花前舞莫惜金鈎月下藏

爛醉長安李供奉還能染翰侍君王

吉士館曾試玉堂對菊詩

次詹燕峯司寇陵祀孝烈皇后詩二首

朱顏世婦哭金輦白首陵官掃玉宮天上靈橋應久駕
人間僊路苦無通延津劍去龍先化月宇釵傳鳳不同
手把天衣成昔夢空懸紅淚掖庭中

曾陪漢水翠華飛幾兆流虹帝渚輝大內星辰昏繭

室永陵風雨闕禕衣金娥影散瑤臺馭彤史書藏玉

閣闡六教陰儀今不嗣可堪神輅斷僊羣

送張鷟山柱史按貴州

戎馬揚旌方塞外風煙攬轡復南中霜旄側映丹崖日
繡節深含綠箐風久信夷情懷葛亮未愁漢路阻唐蒙
若言雜獠先聲策須試諸羗不殺功

寄草窓老人

白首行歌空復春蕭然天地一間身酒邊象戲堪移日
壁上牛衣自曳塵帶索榮公寧歎老草玄揚子不辭貧
青山滿目橫歸思早晚從君理釣緡老人時年八十有三

送胡青巖館兄提學東廣

炎州此去八千里禁苑相從二十年抗節君能奮唐疏
著文吾已謝揚玄心期漫許丹青並道化茲流嶺海偏

若過江門尋昔隱釣臺秋色正澄鮮

和季泉司成戲簡張黃門使汴不果

洛水嵩雲空爾思新春環珮尚僊墀桐圭未授周封典
栢上仍陪漢會儀赤駟馬卿能獻賦黃門揚子亦通
奇時艱出入臣勞地况有華才結主知

和午塘翰長戲簡朱太史使楚不果

蘆芽夢澤未抽尖柳葉江陵欲映檐苦恨三春帆影滯
翻憐五夜柝聲嚴更生石閣書堪校曼倩金門楮未嫌
贈句元知非白紵申章今擬報玄纖

送漁浦項侍御東巡齊中